

جسر النهايات

تأليف

محمود طاهر

إهداء

إلى قلباً فقد الكثير، ..

إلى قلباً لن يعود.

حكاية من أغرب الحكايات الي ممكن تسمعها في حياتك، حكاية
صعب تتكرر في عصر أو زمن حول بداية كل علاقة بـ Send و
ختمها بـ Block أصبحت العلاقات كلها بتبدأ بكلمة الكل بيقولها
لكن قليل جداً الي يحسها بكل حروفها الغريب إن الحكاية دي
أبطالها مش من وحي الخيال عاشوا كل دقيقة فيها من صراعات
ولحظات رومانسية وحروب نفسية وفكرية وبالرغم إن في حكايات
كثير إتعاشت وتحولت لأفلام الكل لسه فاكرها إلا إن دي الحكاية
الوحيدة الي فشلوا في إنهم يظهرها مشاعرين كل لحظة فيها ومش
هيقدرها يوصفوا الوصف الدقيق لكل لحظة إتعاشت وبالرغم إنهم
حاولوا لكن فشلوا والغريب في فشلهم إن الحكاية لما تحولت لفيلم
نجحت وعملت ضجه في المجتمع ونقد من أطراف كثير لكن الحاجة
الوحيدة الي إتقفوا عليها هي إن معظم العلاقات بقيت مجرد كلام
والحكاية دي الوحيدة الي اثبتت إن الحب درجات.

ذهبت إلي غرفتي ثم ظللت أبحث عن المفتاح فتذكرت أنني قد وضعت في علبة الذهب الصغيرة التي في دولاب ملابسي الخاص، فتحت العلبة وأخذته ثم اقتربت من دولابه وعند فتحي له هبت رائحة تفوح بالذكريات من ملابسه القديمة، وقفت لدقائق انظر للملابسه ومبتسمه إبتسامه هادئه جداً، ادخلت يدي بين ملابسه فأمسكت بالظرف المخبئ في جيب قميصه القديم وفتحته وأخذت برسالة وتركت الأخرى وضعت الظرف في مكانه، وقفت قليلاً انظر إلي ملابسه وأنا ما بين الحزن والإبتسامه واغلقت عيني وتمنيت الزمان يعود ليوم واحد فقط ثم خرجت من الغرفه..

- خذ إقرأ الكلام ده ..

امسك بالرساله وقرأ..

أنا انسان فاشل، انتهى مستقبله وانتهى معه كل شيء، كل الذي تمنيته لم يحدث منه شيء ودائماً اعيش وحدي منعزلاً عن العالم، وحدي في كل شيء، من كثرة الاشياء التي أراها في حياتي اصبحت أتأثر بأقل كلمه وبسببها اشعر بأنني اريد أن أبكي ولكن أحاول أن أخفي دموعي حتى لا تظهر أمام أحداً ويظهر معها ضعفي وقلة حيلتي أو حتى لا يقل لي احداً "ماذا بك" وأرد عليه الرد الطبيعي وأقول: "لا شيء" توجد أشياء كثيره دفنت بداخلي، أشياء كانت تتنفس الا أن غطاها التراب، ضلوعي تسكنها العناكب بخيوطها ورائحه السجائر والخمر بقمي، أنا لم أكن أود ان أكون هذا الشخص، أريد الرجوع الي نفسي ورشدي، أريد أن أنام وأنا مرتاح البال وأعيش حياتي كما كنت، أريد أن أرجع الي نفسي

أحببت إنسانة لم أكن أتوقع في يوم بأن حبي سيفوق كل الحدود، حب لها أضاع حياتي، كنت متأكد بأنني امسكها بيدي جيداً ولكنها أختفت كقطعت الثلج وهي تذوب في يدي إلي أن تحولت إلي ماء، وسقط الماء من بين يدي وأنا أقف مستسلماً، أنا إنسان كان يتمنى أن يتنفس، لا أعلم لمن أكتب هذا الكلام؟ نسيت نفسي وأنا اجري وراء قلبي، نسيت الكثير، كان يجب على ان أخذ حذري من كل شيء، نسيت كل من حولي وحاولت جاهداً أن أرضي قلبي فقط أما عن عقلي فهو في إجازة مفتوحة، أنا...

- هي الرسالة دي ماهاش تكمله! أصلها خلصت على أنا..!

أخذت منه الرسالة وطبقتها.

- هتعرف باقي الرسالة وهتعرف حاجات كتير أوي أنت ماكتتش تعرفها ولا كانت هتخطر على بالك..

لو كيشن التصوير..

- إيه دا إنتي واخداني نتفرج على فيلم؟

- اتفرج وأنت ساكت ..

المخرج : أكشن ..

- مش قولتلك إنك كتير عليا؟

- عمري ما كنت كتير عليكي عارفه، لما تفرحي ببقى عاوز أكون سبب فرحتك ولما تتخني ببقى عاوز أكون أنا سبب راحتك ولما تتعبي لازم أكون أنا اللي بشاركك تعبك أصل "أنا إنتي" ..

المخرج: استوب، استوب.. مش هينفع كده أنا عاوز الإحساس في الكلام، المشاعر، فين المشاعر! يا إستاذ المفروض إنك بتحبها، أنت جعان اجييلك تأكل!

- لأ، بحاول والله اتقمص الشخصية..

- شخصية إيه؟ أنت عمرك ما حبيت!

- أكيد حبيت، خلاص هحاول مرة كمان..
- وإنتي إيه؟ المفروض ملامح وشك تبقى أرق من كدا وإنتي بتسمعي كلام وبتتردي عليه وبتقولي إنت كثير عليا!
- ما أنا بحاول أنا كمان..
- لأ يا جماعة فركش مش هكمل النهاردة خلاص أنا تعبت ..
- المنتج: أنا بخسر فلوس يا جماعة حد يكلم المخرج ده ما ينفعش كده!
- المخرج: اعملك أنا إيه؟ أنتوا عاوزين فيلم وأنا عاوزه بإحساس وبحاول والممثلين مش عارفين يساعدوني ..
- عندما أدرك المخرج بأنني موجوده في لوكيشن التصوير إلتفت لي وقال بصوت عالٍ ملفت ليلفت إنتباه الكاست..
- أنتي إيه رأيك في اللي شوفتيه دا! هو نفس اللي حصل؟
- لأ، خالص..
- يبقى يا غيروني يا تيجبوا ناس بتعرف تمثّل ..
- اقترب مني وقبل يدي بكل إجلال واحترام وقال:
- شرفتينا والله وأنا أسف جداً على اللي حصل قدامك دا وأوعدك إن لو فضلت أنا المخرج هحاول على قد ما أقدر لأن قبل ما تكون قصة دي قضية مجتمع وناس كثير بتقع فيها، بكره في تصوير أتمنى تكوني موجودة، مين اللي معاكي دا؟
- دا أخويا طارق عنده 23 سنة..
- أهلاً طارق منور..
- نورك يا...!
- اسمي يوسف أو قولي يا جو، أنا مضطر امشي وبكره مستنيكم ثانية هكتبلك العنوان اللي هنصور فيه..

ثاني يوم تصوير ..

ذهبتُ أنا وطارق إلى العمارة التي قال لنا عنها المخرج، ثم صعدنا إلى الشقة التي بالعنوان ودخلنا نبحث عن المخرج ولما وجدناه تحدثنا قليلاً ثم وقفنا نشاهد تصوير مشهد في غرفة النوم..

المخرج: أكشن..

- شكلك أول مرة ..

- لأ أول مرة إيه، أنتي هتشوفي بنفسك .

- طب مش هتقلع ولا هتقضيها أحاسيس!؟

- لأ، هقلع اهو ..

خلع الجاكت والقميص والفانلة و وقف أمامها بالبنطلون وهي واقفة تنظر إليه ويدها الاثنتان على خصرها ثم قالت:

- أجيلك أقلعك أنا طيب لو مكسوف !

المخرج: استوب، لو سمحتي أنا عاوزك تدلعي أكثر من كدا، مش عاوز أقول لفظ مش كويس، امم عاوزك تهزي في جسمك وأنتي واقفه إزاي معرفش وأنت حضرتك بتبص على إيه في جسمها إحنا جاين نمثل مش جاين نغري حضرتك يعني..

عيد المشهد من ثاني ..

شاهدنا المشهد يعاد أكثر من عشرة مرات ...

وبعد محاولاتهم التي باءت بالفشل أخذت طارق وخرجنا من لوكيشن التصوير..

- أنا نفسي أعرف إيه علاقة اللي إنتي جيباني فيه دا بالجواب!

- بُص يا طارق الموضوع مش سهل زي ما أنت متخيل أنا مُمكن اقولهولك في ساعة وينتهي، دي حياة أشخاص عاشوها وصعب تفهم غير لما تعيش تفاصيل كل شخص فيهم وحياته..

بعد ساعتين من رجوعنا كلاً منا أنا وطارق ذهب إلي غرفته لينام، استيقظت باكراً الساعة 7 صباحاً على إتصالاً من المخرج..

- أخبارك إيه؟!

- كويسة.. وحضرتك؟

- أنا كويس، حضرتك مشيتي بسرعة إمبراح وماقولتيش رأيك عن المشهد!

- لأ بس تعبت شويه وطارق كمان كان عاوز يمشي..

- طب النهاردة في تصوير مشهد على البحر على الساعة 5 المغرب ياريت تيجي.

- حاضر وربنا يوفقكم وهدقدروا تعملوا حاجة كويسة..

أغلقت الهاتف مع المخرج ثم ذهبت إلي الحمام وخرجت لأحضر الفطار..

جلسنا أنا وطارق على سفرة الفطار..

- هتيجي معايا تصوير النهاردة؟

- بقولك إيه ما تسيبك من حوار التصوير دا وتحكي لي أنتي؟!

- مش هينفع تعالى بس نروح وتشوف بنفسك يمكن تفهم حاجة..

وصلنا مكان التصوير متأخرين عن الموعد، وقفنا كالعادة أنا وطارق بجانب المخرج ثم

نظرت خلفي ورأيت أناساً كثيرين يشاهدون الممثلين وهم يقومون بدور الأبطال،

يقومون بتمثيل مشاهد الفيلم..

- أنا عندي 12 سنة وحط عليهم كمان 12 سنة بيقوا 24 سنة وده سن عقلي إننا السن

اللي الكل بيؤمن بيه في البطايق واللي الحكومة معترفه بيه فهو زي ما قولتلك 12 سنة، أنا

ماليش أم ولا أب تقدر تقول فتحت عنيا..

- استوب استوب استوب، يا إبني أنت طفل، مشرد ليه بتتكلم وكإنك متربي وسط عيله، عاوز اشوف طفل مشرد قدامي وعاوز اشوف إحساس التمني في عيونه، مش الكلام بس اللي بيوصل بالعكس الملامح ونظرات العيون بتوصل الكلام من غير ما تقوله بلسانك، حاول تركز..

أصابني الملل مثل كل مرة أذهب فيها إلي لو كيشن التصوير بسبب سماعي إلي المخرج وهو يقول "استوب" لن يستطيعوا أن ينتهوا من تصوير الفيلم بهذه الطريقة، أخذت طارق من يده وذهبنا نأكل في مطعم "تيكنوفود" ونحن جالسين رأى طارق صورة في المطعم لفتت إنتباهه ..

- إيه دا؟

إبتسمت وأنا اشرب القهوة وقلت: إشر ب عصيرك وتعالى نروح البيت ومتسألش كثير..

- إيه اللي جاب الناس دي في الصورة؟!

لما وصلنا إلى المنزل ظل طارق يفكر ويحاول أن يربط الأحداث ببعضها البعض وبعد محاولات فشله.

الشريط الأول

الساعة 1:30 ظهراً

في المنزل

ماما ماشوفتيش فين ميدالية المفاتيح بتاعتي؟

- لا والله يا إبنياً بُص شوفها كده في الهدوم اللي أخذتها من الأوضة عشان اغسلها
هتلاقيها في الحمام!

- الحمام؟ حمام إيه يا ماما؟! أنتي بتهزري يا ستي!

قولتلك مليون مرة أنا اللي عارف فين الهدوم اللي مش نضيفه من النضيفة ليه كدا بس
ياماما بعد إذذك متعمليش كده تانى، ممكن!
ماما بصوت كله عصبية:

وللااا، بقولك إيه أنت كمان مش عاجبك إن أنا بغسلك هدومك وقرفك؟
لو مش عاجبك شوفلك خدامه تخدمك وتغسلك هدومك وتأكلك..

بعد سماعي لكلام أمي كان من الطبيعي أن اقول:

-أنا أسف يا ماما حقك عليا

دخلت الحمام طلعت هدومي من الغسيل وفضلت أدور على ميدالية المفاتيح بعد ما لقيتها في جيب البنطلون دخلت الأوضة، فتحت درج المكتب بالفتاح وطلعت دفتر مذكراتي.. أحضرت القهوة وأغلقت على نفسي الباب من الداخل.. فتحت دفترتي الذي أكتب فيه كل شيء عني، أكتب كل شيء أياً كان إيجابياً أو سلبياً، أكتب ذكرياتي منذ صغري، ذكرياتي المضحكة والمحزنة..

امسكت القلم ومن أول السطر، كتبت:

أنا قلب من ضمن قلوب كثير بيدور على الحُب، الحُب اللي يستمر لآخر الطريق.. بدور على قلب يحسنني ويحس بكل حاجه فيا.

بدور على قلب وسط قلوب كثير..

بيقولوا إن اللي مش بيدور على الحاجة بيلاقيها ولو بيدور عليها عمره ماهيلاقيها لكن أنا مش مُقتنع بالمثل ده لأن لازم أدور على القلب اللي نفسي أعيش معاه، صحيح أنا فيا كثير حاجات وحشه زي عصييتي، ساعات لسانى بيطول لكن عارف نفسي، طيب، حنين، هادي معظم الوقت.

الطيبة والحنية مش بطلعها لأي حد.

أصل أنا عارف نفسي كويس في عز خنقتي لما بقول عاوز اقعد لوحدي بكون في الوقت دا بالذات محتاج ناس مُعينة..

أصلي عارف إن وجودهم هينسيني اللي مزعلني يمكن مش هينسيني كل حاجة بس هحاول اتناسى الزعل لفترة مُعينة عشان أقدر أعيش وأكمل يومي حتى لو بضحك في وشهم وأنا حزين، شكراً لكل الناس دي.

صحيح أغلب الناس؛ كثير بتشوفني مغرور وساعات غامض، لكن عمر ما حد فيهم فكر يشوفني من جوه، لو حاولوا هيلاقوا العكس لأن الكل حكم عليا من بره، مش من جواً ما فكروش يقربولي عشان يفهموني..

مابكرهش في حياتي قد الناس الي بتحاول تفرض عليا حاجه وتأمرنى بتنفيذها،
مابكرهش قد الأوامر، مابكرهش قد الشخص الي عاوزني أكون عبد لأوامره، مع إنك
ممكن تضحك عليا بكلمتين وتجبرني بكل شياكه إن أعملك الي إنت عاوزه رغم إن أنا
مابحبوش، فاهمني؟!

أحلامي..

بحلم؛ بحلم إن أعيش قصة زي القصص الي بنسمع عنها.

بحلم أعيش قصة مع واحدة.

واحدة تشاركني كل حاجة.

واحدة مجنونة تستحمل جناني.

واحدة بتحس بيا من غير ما أتكلم.

واحدة تططب عليا من غير ما تتكلم.

واحدة في عز ما أنا زعلان تأخذني في حضنها.

نفسي؛ أيوة نفسي.

نفسي أعيش في كوكب غير الأرض.

نفسي أعيش من غير زعل ومن غير إكتئاب.

نفسي حياتي تبقى كلها ضحك.

نفسي مافكرش في هم بكره ولا هم الفراق ولا هم الناس ولا هم المستقبل.

عاوز لما أحب أتجوز الي بحبها من غير أي مشاكل.

عاوز أصحى من النوم مبسوط مافيش حاجة تضايقنى.

عاوز أنام مرتاح وعارف إن الي بحبه هيكون ليا.

طب ممكن لما أقوم من نومي أبص ألاقها نايمه جنبي بتضحكي؟!

أمي تنادينني قالت:

- ياسر أنا حظيت الأكل عشان نأكل ؟

- شويه كدا يا ماما معلش .

- والله لو شيلت الأكل ما أنا حظاه تاني .

- حاضر جاي أهو .

قفلت الدفتر ووضعته في الدرج وأغلقت عليه بالمفتاح .

دفترتي هو سري، هو الشخص الذي إذا أردت التحدث معه يستجيب لي، هو الوحيد الذي لم يقل لي "معلش، طيب، كلنا كدا، أنت صداع" يستمع إلى حديثي ومن أجهل النعم التي ينعم بها الله عليك أن تجد من يستمع إليك دون أن يشعر بأنك شخصاً غير مرغوباً به..

خرجت من الغرفة وجلست على السفرة

قالت لي أمي بصوت يمتلئ بالأوامر التي يجب أن تنفذ:

- أعمل حسابك عيد ميلاد بنت خالتك النهاردة فاهم! يعني تروح تجيب هدية حلوة، حاجة البنات بتحبها، حاجة تشرفك كدا.

- حاضر هتغدى وساعة كدا وهنزل اشترى هديتها..

عند إنتهائي من الطعام دخلت غرفتي وأكملت الكتابة في دفترتي وقلت بقلمتي:

بنت خالتي "جيهان" تريد أمي أن أتزوجها، وفعلاً ذهبت لأطلب يدها للزواج من خالتي لكي أريح أمي وأريح نفسي من وسواس الأمهات وأيضاً ذهبت لكي أريح بالي من أشياء أخرى..

وفي يوماً من الأيام ذهبت مع أمي لبيت خالتي لأتحدث مع جيهان فوجدت الفرحة في عين أمي وخالتي في نظر الاثنين ياسر وجيهان تتطابق عليهم شروط وأحكام العائلة وأن أموال الأسرة لن تذهب لغريب وكما يقولون "منهم فيهم" ..

بنت خالتي جميلة جداً جداً، مُميزات البنت المُمتازة في كل شيء إلا شيء صغير دائماً تحب أن تكون هي المسيطرة على كل شيء من حولها، الزعيمة.

قلت في بالي "من الممكن أن تتغير جيهان مع الأيام و تتغير نظرة السيطرة المسيطره عليها ولكن أنا وجيهان مُنذ الصغر ونحن نتبادل مشاعر الأخوه وعكس بعض في كل شيء ودائماً نتشاجر حتى لو بالكلام ولسنا متفاهمين ولكن كنت على أمل أن تتغير الأحوال" .. والشيء الذي يخيفني أن من الصعب بعد ما كنا في نظر بعض إخوه أن نصبح في يوماً و ليلة زوجاً و زوجة على فراشاً واحد وأن أنجب منها أطفالاً ولكن..

كلاً منا يبحث عن الحب الحقيقي ولكن تأتي علينا لحظات تجعلنا نفكر وأن نترك الاختيار لغيرنا يختار لنا بعد الفشل الذي حصدناه من علاقات كنا نقول بأنها العلاقات الأبدية، لا أريد أن اقول أنني كنت الضحية ولكن كنت ظالماً ومظلوماً وبعد الإختيارات الخاطئة نترك فرصة لمن حولنا ليختار لنا شريك حياتنا لعل وعسى تكون هذه الأيام هي نهاية الأحزان..

والسؤال الذي يراودني دائماً هو..

" كيف سأجعلها تحبني كزوج بعدما أحبتني كأخ؟"

ممكن اتقبل الفكرة بنسب قليلة أما عنها هي فلا أعرف شيئاً..

هل هي ستتقبل هذا الوضع؟!

هل ستتقبلني زوجاً لها يعيش معها وينجب منها؟!

لا أعلم..

أمي وهي نائمة تفكر، تريد إنهاء الموضوع بأسرع وقت وأن تحضر حفل زفاف إبنها على بنت أختها، رتبت يوم تأتي فيه خالتي مع جيهان لكي أفتح جيهان في الموضوع..

وإحنا قاعدين لقيتهم غمزوا البعض.

- خالتي:

تعالى إما أوريكي اشترت إيه من السوق، اشترت شويه قماش تفصيل تحفه تعالى تقوم
افرجك عليهم.

نظرت إلى خالتي وقلت لها:

- مش لازم يعني تغمزوا لبعض وتعملوا الحركتين دول، كان ممكن تقولوا إحنا هنقوم
نسيبكم تتكلموا مع بعض شويه وخلص وكنا هنتكلم، عادي جداً.
ماما اتكسفت وقالت طول عمرك كده مش هتتغير يا موكوس.
اتكسفوا وسابونا نقعد مع بعض.

جيهان جالسة أمامي وصامته وعينيها تنظر إلى الأرض،

إقتربت منها وقلت:

أنا قربت منك عشان مافيش حد يسمع الكلام اللي هنقله، أنا هتكلم معاكى كلمتين
وهسيك تفكري وهستنى ردك بعدها ومن خلال ردك لكل كلامي هفهم إحنا ممكن
نكمل ولا لا إتفقنا؟!

- جيهان ماشي، إتفقنا.

- أولاً سيبك من الإثنين اللي قاعدين برا دول، إحنا طول عمرنا كنا بتتعامل على إن إحنا
إخوات هزار وضحك وخربشة بالضوافر لكن دلوقتي كبرنا خلاص وبقينا أشخاص
عندنا عقل ونضحنا وعارفين بنفكر إزاي..

الوضع اتغير ول لازم نتكلم بجد، إنتي عقلك كبير وهتفهمي السؤال اللي هسأله دلوقتي
وأوعدك إن مافيش مخلوق هيعرف عنه حاجة بس تجاوبيني بجد وبصراحة من قلبك
ومتخافيش مني ولا من أي حد.

إنتي بتحبي؟!

في حد في قلبك؟

استني، قبل ما تردي عليا عاوزك تعرفي إن لو بتحبي شخص معين..أنا أول واحد
هيساعدك إنك توصلي للشخص دا، وهقف جنبك بجد.
لو إجابتك لأ،هحاول معاكي مرة وإثنين عشان تحبيني ولو فشلت..أنا اللي هقول كل
شء قسمة ونصيب أو هطلع أنا الوحش عشان ده جواز وسنين ..
مش لعب.

- ها؟ متردده؟ سؤال صعب؟!

لمحت في عينيها الدموع وهي تبوح بالحب وكأنها أجابت على سؤالي بعينيها المملثة بحب
شخصاً آخر، اقتربت منها أكثر وأمسكت بيديها الضعيفه..

- بتعطي لي؟ أنتي بتحبيه أوي كدا؟

- ضغطت بيدي على يديها وأخذت نفس طويل وقلت:

ماتخافيش..ماتخافيش مفيش حد هيعرف حاجة وأنا هساعدك إنك توصلي للشخص ده
بأي شكل، خلاص بقى إمسحي دموعك دي!

إنسي كل اللي حصل والي قولناه من دقايق.

إعتبري إن كل اللي إتفقوا عليه أو اللي بيتفقوا عليه برا دا مش هيحصل أبداً.

نظرت إلي وكأنها تقول لي لا تبوح بالأمر لأحد فأجعله سراً بيننا خوفاً من أهلي عيناها
كانت تتحدث بدون أن تنطق بكلمة واحدة بلسانها..

- تصدقي أنا أول مرة أقرأ كلام العيون وماتخافيش مفيش حد هيعرف حاجة وأنا هقف
جنبك لحد ما تتجوزي اللي قلبك إختاره.

احكي لي عنه شويه..

- جيهان: هو إنسان طموح أوي يا ياسر ويحبيني جداً ودائماً معايا في الفرح والحزن وعمره ما فكر يزعلني، عارف أنا بحس إن فيه منك أوي، شبهك جداً يا ياسر وصحيح أنا حكيسته عنك كتير وعن هبلنا زمان.
- بعد ما أنهت حديثها عنه قلت لها
- مُمكن اقابله؟
- بجد؟
- أه بجد اعتبريني أبوكي اللي هيخطبك منى..
- بعدها أنهت الحديث مع جيهان ذهب مع أمها قوتت لأمي:
- أنا مش مرتاح يا ماما للجواز دا خلينا كدا أحسن عشان جواز القرايب وحش وكمان بيزعل الناس من بعضها.
- ماما فضلت تبصلي وقالتى أمال أنت كنت ماسك إيدها وهى هنا ليه؟
- يا ماما كنت ماسك إيدها عشان إحنا إخوات، ماما بقولك مش هخطبها وشيلي الموضوع من دماغك، إتفقنا؟ من الآخر أنا وافقتك بس!.. بصراحة أنا بحب واحدة تانية.
- ماما سمعت كلامي رقت بالصوت..
- أنت عاوز تفضحنا، أنت عاوز الناس تتكلم علينا؟
- في إيه ياماما هو أنا ماشي على حل شعري ولا حاجة؟
- مش هتجوزها ومش هوافك على حاجة تاني ماشي يا ماما عشان أنا حبيت واحدة تانية والموضوع أنهت.
- تلاقيا واحدة أهلها ماعرفوش يربوها ما أنا حظي كدا مايل فيك وفي أبوك، يارب خُذني وريحني، يارب أنا زهقت بقى من العيشة دي.

بصيت لبابا وهو يقرأ الجُرْنال، نزل الجُرْنال وغمزلي زي ما يكون بيقولي سييك منها هي شويه وهتهدى ما أنت عارف أمك يا إبني.

ودي كانت حكاية بنت خالتي.

سمعت صوت أمي من وراء باب غرفتي..

- الجو هليل يا موكوس وأنت لسه ماروحتش جبت هدية لبنت خالتك.

- حاضر يا ماما هلبس ونازل..

"ماما مش ناويه تجيبها البر ولسه على أمل إن اخطبها"

هي لا تعلم بأن لكل جيلاً زمانه وجيلنا مختلف عن جيلها وأن الحب شئ خارج عن إرادة الإنسان فلا يستطيع أحد أن ينزع أحد من قلب أي انسان ويجلس مكانه ولن يستطيع أي شخص أن يأمرك وأن الحب ليس كن فيكون ولكن كل شئ بيد الله والله وحده هو الوحيد القادر على كل شئ وأن الله وحده هو الذي يقرب القلوب التي تسكن بين الضلوع ببعضها البعض..

ارتديت ملابس الخروج ونزلت أشتري هدية عيد ميلادها، وقفت أمام محل الهدايا لا أعرف أي الهدايا مناسبة لها؟

نظرت على الأرفف فلفت انتباهي دبدوب ف اشتريته واشترت شكولاتة وصندوق وضعت فيه الهدايا و أتيت ببلالين حمراء..

- كده تمام أوي.

أتصلت بي أمي وقالت بصوت عالي وكأنها أمامي:

- تعالي يا واكسني عشان تلبس لبس حلو عشان تشرف بنت خالتك قدام أصحابها وقدام أختي.

رجعت البيت وأنا أعرف أن امي تحاول بقدر الامكان ان تقريني من جيهان أكثر ولكنها
لا تعلم ان الامر أنتهى منذ فتره..

" دماغ الأمهات مش سهلة بس مفهومة "

نزلت مع بابا وماما وإحنا في الطريق ماما عماله تزن عليا:

- حاول تتكلم معاها وبلاش لعب العيال " قال بتحب واحدة تانية قال "

- أنا بسمع كلام ماما ولا أكني سمعته.

وصلت بيت خالتي - عيد ميلاد جيهان - وطلعنا البيت..

دخلت بيتها لقيتها واقفه لابسه فستان حلو أوي وشعرها نازل على كتفها زي الحرير
وجميلة جداً..

أبتسمت لجيهان فقتربت وسلمت على فقدمت لها هديتها وقلت:

- كل سنة وأنتي طيبة والسنة دي تحققي كل أحلامك وغمزتلها..

ابتسمت جيهان وأدركت المعني الحقيقي لكلمة " تحققي كل أحلامك " ثم تركتها

تذهب لأصدقائها تحتفل معهم أما انا وقفت وحيداً ولكن لاحظت بأن هناك فتاه تراقبني

وتنظر لي وكأنها تقول لي "أنا معجبة بك" ولكن قلت بداخلي تهيئات ..

أتت جيهان وقالت لي : عاوزاك نتكلم لوحدنا شوية !

أبتسمت أمي لخالتي وللأسف هم لا يعلمون أي شئ يتخيلون اشياءً لن تحدث

أقربنا ووقفنا بجانب شرفة المنزل وقالت جيهان:

- أنا اتفقت معاه على ميعاد وهو موافق.

- كويس، امتي كده عشان اظبط مواعيد شغلي بس واعرف اقبله؟!!

- بعد بكره لو مفيش مانع عندك!

- تمام، نختار أي مطعم كويس نقعد فيه وأنا عازمه على الغداء.

- صحيح صاحبتني مُعجبه بيك أوي.

- أه، أخذت بالي قولي لصحتك ده مرتبط ويحب.
- طيب، براحتك عموماً أنت حر يعني.
- ونحن في الطريق إلى منزلنا قالت أمي:
- هي كانت واخداك على جنب بتقولوا إيه كدا وقالتك تعالي وبعدها فضلتلوا تتكلموا كثير، كتوا بتقولوا إيه؟
- مفيش يا ماما كانت بتقولي إن ذوقي حلو في إختيار الهدايا.
- اضيق عيني وأمي وقالت "امم، ماشي يا ابن بطني".
- امسكت بالهاتف المحمول وكتبت رسالة لجيهان.
- "قولي لحبيبيك يقابلني في مطعم تيكنوفود الساعة 8 بالليل".

الشريط الثاني

الساعة 8 مساءً

هل أحبك أم أنتي مجرد امرأة عابره !

هل هذا أنا؟

إنتهيت من عملي وذهبت الي المطعم جلست على الطاولة منتظراً حبيبها، طال الانتظار ولم يأت بعد و الساعة الآن الـ 8 مساءً.

اتصلت بجيهان :

- زياد لسه مجاش وميعاده 8 هيجي ولا مش هيجي؟

- أنا اتصلت بيه وقلالي في الطريق.

- طيب أنا مستني.

وعندما طال الإنتظار أكثر من اللازم طلبت شيئاً لأشربه إلى أن يأتي وتحدث سوياً
وعندما تأخر طلبي ذهبت أنا بنفسي لأحضره، وأنا راجع إلي طاولتي ظهرت أمامي فجأة
امرأة مسنه وارتطمت بي ووقع العصير على ملابسني ولما رأيت ملابسني والعصير عليها
غضبت كثيراً فارتفع صوتي عليها بسبب ما حدث..

- إيه مش تخلي بالك، ينفع كدا؟!!

لكن المرأة المسنه ارتفع أيضاً صوتها علي وقالت:

- إيه اللي حصل يعني؟ مش قصدي خلي عندك ذوق؟!!

وقولت لها بصوت غاضب:

- تصدقي أنا غلطان إني إحترمتك وبعدين رد فعل مني طبيعي لما اشوف قميصي إتبهدل

بالشكل ده وطبيعي أتضايق، فيها إيه لو قولتيلي بكل إحترام أنا أسفة؟!!

رأيت فتاة أخرى تدخلت وقالت..

- خلاص يا فندم هي أكيد مش قصدها إحنا أسفين لحضرتك.

وفجأة لم أشعر بنفسني وإنقطع صوت كل من حولي، حاسة السمع إنعدمت بداخلي

واكتفيت بالنظر لها وللامح وجهها، أركز في تكوينها كأنني..

تتحدث ولكن لا أسمع أي صوت يخرج من بين شفتيها، كل الذي اسمعه حينها هي

دقات قلبي وهي تتزايد وترتفع..

لأول مرة في حياتي يتتابني هذا الشعور الغريب، أرى فيلم صامت، الشفايف بتتحرك

تتحرك بدون صوت...

أميل برأسي وارركز بعيني في شكلها وتفاصيل خلقها..

وفي لحظة رجع الصوت.

- حضرتك هو في حاجة؟! بتبصلي كدا ليه؟

واقف متتبه معها وفي حركات يديها ولم اتحدث بكلمة واحدة..

- لو سمحت بعد إذنك في حاجة؟ يا حضرت!! ماله دا؟

أمسكت يديها - رد فعل من شخص معتوه - أمسكت بيدها وكأنني طفل يمسك بيد أمه وهي تشد يدها فتركتها واعتذرت وأنا مغيب عن أي فعل أو تصرف مني، كأنني اختطفت وأنا أقف في مكاني..

كل شيء تغير في ثواني، وكأنني كنت أحلم ولكن كيف لي أن أحلم وأنا مستيقظ؟ رجعت إلى طاولتي وبعدها بثواني وصل زياد..

جلس زياد يتحدث معي وعيني عليها لم تفارقها لحظة واحدة..

تنظر لي نظرة استحقار على ما فعلته معها من فعل غبي ولكنني كنت مغيب!

شعور أن تحتطفك أنثي بدون أن تشعر من أول مرة لا يستطيع أحداً أن يشعر به إلا من مر بنفس لحظة الإختطاف الغريبه لقد اغتالت قلبي بعينيها الحادثين..

قتلتني وأحيتني وكأنني دميهِ صغيرة بين يديها تلعب بها كما تشاء في ثوانٍ قليلة وعيني لا تريد أن ترى غير تلك الأنثي كأنها أنا..

زياد قالي:

- شكلك مش مركز معايا؟

- لا لا أنا معاك اهو.. قولي بقى إنت ناوي على إيه يا زياد؟

- بصراحة يا ياسر أنا بحبها بس لسه بدرس وعاوز اخطبها.

- هتخطبها وأنت بتدرس؟

- أه، فيها مانع؟

- لا بس خيلنا نتخيل اللي جاي قدام، أنت روح تخطبها أبوها قالك أنت بتشتغل إيه
أو لما تخرج معاها الفلوس اللي هتصرفها على الخروجة هتجيبها منين أو لما تخلص هتكون
نفسك في قد إيه؟

أنت أهلك مبسوطين؟ ولو مبسوطين هترضاها على نفسك ك راجل؟

- أنا أهلي مبسوطين وهيساعدوني كثير يعني..

- هيساعدوك كثير! شكلك مفهمتنش يا زياد، عموماً لو في نصيب ليكم هتكونوا مع
بعض، ياريت لو بتتكلم معاها كثير ماتقولش أهلي هيساعدوني قدامها كثير عشان البنت
بتحب الراجل اللي يصرف عليها من تعب مش من تعب أهله فاهمني يا زياد؟
حرك رأسه كأنه يقول لي "نعم فهمتك" ثم ظهرت نظرات الجخل في عين زياد بسبب
كلامي الذي لمسه ولكنه لم يظهر ذلك في كلامه، فظهر الخجل في عينيه.

وبعد ما أنتهينا من الكلام قام زياد وقال تشرفت بمعرفتك قلت وأنا أيضاً..

نظرت إلى الفتاة لازالت جالسه ففكرت أكثر من مرة أن أذهب إلي طاولتها وأعتذر على
ما حدث مني فإقتربت منها وقلت:

- لو سمحتي، أنا أسف على اللي حصل مني وأنا جاي أعتذر ليكي وأتمني تقبلي
إعتذاري دا لو أمكن يعني!

نظرت لي بكل برود وقالت:

- إعتذارك مقبول.

- لا أنا مش حاسس إنك قبلاه، مُمكن أقعد معاكي بس أقولك بعذر ليه بعد إذلك؟ مش
هاخذ ثواني من وقتك؟!!

أمسكت بالمقعد الذي أمامها وجلست عليه بدون أن استأذن منه، أنظر لها وأنا جالس
أمامها على مقعد طاولتها وهي تلعب في هاتفها المحمول ثم تنظر لي بدهشه لثواني وتكمل
اللعب في هاتفها ثم قالت لها:

- أنا اسمي ياسر وأنتي ؟
- حضرتك جاى تعتذر ولا جاى تتعرف؟
- أنا مش عارف أنا جاى هنا ليه أصلاً !
- حضرتك مالك مبخلق فيا كده؟
- "لوحث بيدها لي في إتجاه طاولتي"
- لو سمحت مُمكن ترجع لمكانك.
- أنتي بتدرسي ؟
- لأ وعشان أخلص الحوار اللي زهقت منه دا أنا صاحبة المطعم اللي حضرتك قاعد فيه.
- كويس، عموماً أنا أسف على الإزعاج، قومت ودفعت الفلوس لقيت المبلغ كبير فدفعت وخلاص شكله غالي أوي المطعم دا وأنا في الطريق كنت فرحان أوي عشان خلاص عرفت هلاقيها فين بعد كدا عشان لو حبيت أوصلها تاني.
- رجعت المنزل مندهش لا أعرف ما حدث لي..
- وضغت رأسي على الوساده وافكر في كل شيء، صوتها، ملامحها، كل شيء حدث معي اليوم أفكر فيه وأتذكره..
- قفزت من على سريري وذهبت الي مكتبي الصغير وأخرجت دفترتي الصغير وكتبت ولكن ليس مثل كل مرة اكتب فيها، أقترب قلبي من الورق وقال..
- إن الحُب ك الحرب في منتصف المعركة يأتيك سهم في قلبك، لا تعلم من أين أتى هذا السهم ف يُنهي حياتك..
- هكذا هي النظرة الأولى تنهي حياتك ليبدأ عشقك.
- عندما تجد من تُحب تُدرك إن الحياة بدأت من هنا ..

من منتصف الطريق، تُدرك أن هذا الشخص هو الذى تبحث عنه، تدرك أن الحياة ليس لها معني بدونه.

الحب كقابض الأرواح يأتي وأنت لا تعلم متى وأين ستموت..
يأتي ليأخذ روحك لتُفارق الحياة، تُفارق الحياة لتبدأ معه هو حياة جديدة هذا هو الحب .
ليس لدي القدرة على التعبير فقلبي تعلقو نبضاته..
قلبي يصرخ بداخلي، من أنا؟ أين أنا؟...
قلبي لا يشعر إلا برعشة شديدة وعقلي لا يفكر إلا في من أحب.
هل أحبك أم أنتي مجرد امرأة عابره !
هل هذا أنا؟؟

الشريط الثالث

'قلباً يبحث عن الحب بين ضلوع امرأة'

كم كان الإنتظار جميلاً.

أقفلت الدفتر ووضعتة في مكانه واقتربت من سريري ونمت ولكنني أشعر بشيء متناقض أشعر بالبرد والحر وقلبي ينبض وكأنه أول مرة يتعش بالدم، ضغطت بيدي على صدري، أشعر بضرباته، أفكر بها إلا أن اختطفني النوم وفي اليوم التالي ذهبت إلي عملي وبان علي عدم التركيز وانتظرت أن تدق الساعة ميعاد إنتهاء ساعات العمل حتى استطيع

أن أذهب إلى المطعم في نفس الميعاد وأراها فيه مرة أخرى وأتمنى أن تكون زبونه من زبائن
المطعم لأراها كل يوم..

انتهت ساعات العمل وذهبت للمطعم، جالس على طاولتي أنتظرها، أنتظرها تأتي، أنظر
إلي كل من حوالي لا أراها فذهبت إلي أحد العاملين في المطعم وسألته عنها:

- لو سمحت هي صاحبة المطعم دا بتيجي أمتى!؟

- مش عارف حضرتك..

"أخرجت من جيبي 20 جنية"

- بالظبط نص ساعة وجايه.

- هي المدام هتتاخر، صحيح هي مدام ولا أنسه!

- ضحك، لأ أنسه.

- شكراً جداً.

نظرت إلي الأسعار المطعم وجدتها خيالية جداً..

فطلبت عصيراً مثل أمس، اشربه إلى أن تأتي وأراها مرة أخرى وبعد ما شربت العصير
أصبحت لا أعرف ماذا أفعل الآن فطلبت طعام بسيط ورخيص وفي نفس الوقت أجلس
لوقت أطول بدون أن أخرج فكنت أكل ببطء شديد وقلت..

- أنا زهقت من أم اليوم الي مش هيعدي وهتيجي ولا لأ.

ثم رأيت باب المطعم يفتح وهي من تفتحه وشعرها ينسدل على كتفها وخصل شعرها
تنزل على وجهها ويديها الصغيرتين تبعده عن عيناها الجميلتين وتدخل إلي المطعم..

قلبي يُحدثني بأن اليوم هو أول يوم لي

فاليوم أنا ولدتُ من جديد..

كنتُ لا أعلم هل إذا قلتُ لها أحبك هل ستصدقني ؟
هل لو قلتُ لها أن قلبي يرتجف من الخوف فأرجوكي يا جميلتي ضعي يديك عليه
لتطمأنيه ستفعل؟

أشعر بالخوف الشديد عند رؤيتها أمامي أخاف أن تراني فتفر مني وأخاف أن أترك
الفرصة فتذهب لغيري رغم أنني لا أعلم هل هي عاشقة لغيري أم قلبها فارغاً من
العشق؟!؟

أسئلة كثيرة وإجابتها عند المرأة التي حتى الآن لا أعلم إسمها..
دخلت المطعم وبكل هدوء شفيتها ترسم إبتسامه هادئه لكل العاملين.
جلست في نفس المكان، أدركت أن هذا المكان مخصص لها هي.
”ممنوع إقتراب أي شخص من هذا المكان“

بعدها كنت أكل ببطء أصبحت أكل بشراهة وبسرعة حتى أنتهي من الأكل وأذهب
لأتحادث معها وبعد ما إنتهيت وقفت من على مقعد طاولتي اقتربت منها وهي تشرب
النسكافية وقفت أمامها وقلت لها بإبتسامه:

- أزيك؟

- أنت تاني؟

- أزيك طيب؟!؟

- تمام وأنت؟

- كويس إلى حد ما، مُمكن اقعد دا لو سمحتي؟

- اتفضل..

- أنا عارف إن أنا كنت قليل الذوق ومش محترم في آخر مرة لما كنت بتكلم مع الست
الكبيرة بس صدقيني أنا مش عارف أقولك إيه؟!؟

"أحاول جاهداً أن لا ينتهي الحديث وحرصت على أن اتكلم في أكثر من موضوع مختلف حتى لا ينتهي الحديث وأذهب بسرعة".

- عارفة أنا كنت فعلاً مش محترم في أسلوبك ومسكت إيدك وكل اللي حصل مني إعتبريه محصلش أصلاً..

- خلاص، أنا نسيت الموضوع..

- عندك إستعداد نكون أصحاب، أنا زيون هنا!

- أنا ما بصاحبش.

- لأ أصحاب يعني أصدقاء نسأل على بعض!

- لأ برده.

- طيب أنتي عندك إستعداد لإيه؟

- مش فاهمة؟

- طيب، عموماً أسف لتالت مرة.

ذهبت وأنا مخرج منها، دفعت الحساب واختفيت..

أصبحت كل يوم أذهب إلي نفس المطعم لأكل فيه وأكاد أكون أفلست ودفعت كل مرتبي

الشهري علي طعام هذا المطعم لأراها..

ظلمت على هذا الحال لفترة طويلة إلا أن اختفت لـ 5 أيام فقلقت جداً وسألت عنها

العاملين قالوا مرضت وهي في المستشفى الآن.

فسألت أحد العاملين عن عنوان المستشفى ولكنه رفض أن يقول لي فأخرجت 50 جنيهاً

فقال لي:

- معاك ورقة وقلم؟

- اتفضل!

- كتيلي عنوان المستشفى وأسمها بالكامل.

- شكراً.

"ذهبت إلي اقرب بائع زهور لأشتري لها باقه ورد "

صاحب المحل قال لي:

- اكتب الكارد لمين؟

- اكتبه لـ مياده.

- وأسم حضرتك؟

- اكتب الأسم "مجهول الهوية".

وعند وصولي إلي المستشفى وقفت على السلم وسألت نفسي أكثر من سؤال

أنا ذاهب بأي صفه؟

لو أن أحد سألني من أنت! ماذا سأقول؟ أقول أحبها؟ ماذا سأقول؟

لا لا لا يهمني سأقول اي شئ..

لا يهم من انا ولا ماهي صفتي والأهم هو أن اراها بصحه جيده وأن أراها تقف على

قدميها وألوح لها بيدي لتدرك بأنني موجود بجانبها..

لأول مرة في حياتي أحس بإن قلبي حزين على مرضك..

اشعر وكأن قلبي هو قلبك يمرض حين مرضك ويفرح إذا فرحتي..

دخلت المستشفى وسألت عنها في الإستعلامات وقالوا غرفة رقم (25) طلعت على

السلام أرتب قميصي والبنطلون وأنظر لشعري في مرآة المستشفى، وقفت أمام غرفة رقم

(25) متردد أأطرق الباب أم أترك الورد وأذهب؟

متردد أأدخل ام أهرب؟ بعد ما وصلت ليكي.

وعند اقترابي من الباب وفي لحظه التي قررت أن أطرق فيها الباب، فُتح وشاهدت أناس

كثيرون يخرجون من غرفتها ويقولون لها "سلام تقومي بالسلامه يا حبيبتي" رأيت فتاة

في سنها تجلس بجانبها وأنا واقف محرج - واقف مكسوف - شل لساني ولا أعلم بماذا
ابداً الحديث نظرت لي بغرابة شديدة وقرأت في عينيها كلام " أنت أزي هنا؟" ومن
إحراجي شعرت بحرارة الجو بالبرغم من أن الجو بارد..

- إحم، ح ح أ ألف بع بعد الشر عليكى.

- ابتسمت، اتفضل تعالى، أدخل وأقل الباب وراك.

دخلت وقدمت الورد وقالت مُتشكره، ذوقك حلو.

وقفت من بجانبها وقالت : شويه وجايه.

قالت ميادة: ماشي يا يارا، ثم نظرت لي وقالت اقعد واقف ليه !

أخذت الكرسي واقتربت من سريرها وجلست جنبها وقلت:

- بقالي فترة مش بلاقيكي في المطعم فسألت عليكى بعد ما غيبتى 7 أيام ورا بعض فكان

لازم أعرف يعني مالك على سبيل المعرفه مدام إنك رافضة تكون أصحاب..

سألته عن مرضها قالت:

- دا مرض اسمه " أنيميا البحر الأبيض المتوسط " كل فترة بغير دمي وبيقولوا إن

الشخص اللي بيقبى عنده المرض دا بييجي عند سن معين وييموت فقالت بصوت فيه

ضحك يعني مُمكن أموت وأنا بكلمك دلوقتي.

- أنتي بتهزري في الموت، بلاش تيجبي سيرته.

- كلنا هنموت.

- أه، صح كلنا هنموت.

وأنا جالس أمامها كنت اسمع صوتها واركز في ملاحظها الزابله بسبب مرضها، كنت أتمني

أن أشاركها المرض لكي أشعر بنصف تعبها وأزيل عنها الباقي منه..

بعدهما فرغنا من الحديث إستأذنت..

- أستاذك بقى عشان تنامي كويس وقبل ما أمشي أهاول أجيلك بكره لو مفيش مانع تتكلم شويه اهو أسلي وحدتك.

- إبتسمت وقالت: ماشي..

أغلقت الباب وأبتعدت عن غرفتها ونزلت من المستشفى وأنا فرحان جداً وكان سبب كل هذه الفرحة ضحكتها التي جعلت مني إنسان جديد بعد كل المحاولات اللي باءت بالفشل والآن أنا جسلت أمامها وتحديث معها وهذا كل شيء، هي أصبحت سعادتي وحياتي ..

شعرت بإزدحام في مشاعري وأرتباك بأفكاري وعقلي تجمد تماماً كنت أحاول جاهداً أن أتففس ببطء حتى اسمع صوت ضربات قلبي، استمع له حتى أدرك ما يقوله لي، هل هو يجبها حقاً أم إنها مجرد أنثي؟ ولكن رده علي كان بأنها الدماء التي ترويني فلا تتخلى عنها.. وصلت إلي المنزل، فتحت الباب بالمفتاح ودخلت، أمي :

- أنت ماروحتش سُغلك ليه النهاردة؟

- مفيش يا ماما ماكنش ليا نفس أروح.

- هو الشغل فيه ماليش نفس؟ ولما تترفد يا روح ماما!

- ماما عشان خاطري أنا مبسوط ومش عاوز نكد ..

- أنا نكد؟ هي البطن اللي شالتك وخلفتك في الآخر تقولها نكد؟

”قتلتها بصوت هادئ“

- عاوزه إيه يا ماما؟

- وكمان بتقولي عاوزه إيه؟

- أسف يا ماما حقك عليا أنتي مش عاوزه حاجة لإن أنا اللي عاوز أدخل الأوضة وأنا مش شويه عشان تعبان أوي.

- مش هتتغدى؟

- لاأكلت بره.

- ماشي يا بتاع البنات..

”نظرت إلی أمي وأنا أقول بداخلي أبي له الجنة“

هل كل النساء مثل أمي ؟

أمي أحبها كثيراً أكثر من نفسي أنا، أحبك بعد الله..

دخلت غرفتي وأمسكت القلم والدفتر مثل كل مرة..

كتبت:

كرهت كلمة أحبك..

لا أجد كلمة تصف ما بداخلي لكي، أحاول أن أبحث عن كلمة أخرى في معاجم الحياة

لكي تصف ما أشعر به.

لا أعرف ماذا حدث لي في اللحظة التي رأيتك فيها كل شيء في حياتي تغير لم

أعد أقدر أن أصفك على ورق دفترتي !

ماذا أقول؟ كيف أصفك يا جميلتي، عند رؤيتي لكي اكتفيت بالصمت وقلبي هو من

يتحدث، أتحدث وشففتاي مغلقتان

صوتي لا أعلم الي أين ذهب وعقلي تبخر وقلبي يتكلم، دمائي في عروقي تغلي كالبركان.

عيني تدمع بدون بكاء، لا أنا حزين ولا أنا فرحان..

قفلت الدفتر ومكثت على ظهري ويدي وراء رأسي أنظر لسقف الغرفة أتكلم مع نفسي

بصوت أنا فقط من يستطيع القدره على سماعه ومن ضمن الكلام الذي دار بيني وبين

نفسي:

لو في يوم قولتلها إن أنا بحبها مُمكن تصدق ؟

لا، مش هتصدق أصل أكيد في كتير قالوها نفس الكلمة..
طيب، بس أكيد هتقدر كل موافقي معاها !
طب ما هو ممكن يكون في غيرك عملوا أكثر من اللي بتعملوا !
تعرف أنا هعمل اللي عليا واللي قلبي يدلني عليه ولا إيه؟
مش عارف ليه حاسك بتعمل المستحيل مع إن في غيرها !
فعلاً في غيرها من جنسها كـ أنثي ..
لكن .. مفيش زيبا في صفاتها ولا ملامح شكلها.
طب ما في زيبا كتير ملامحهم أحلى منها !
أيوة عندك حق، بس أنا شايفها أحلى من كل اللي شوفتهم..
شايفها ملاك على شكل أنثي صوتها، صوتها بيخليني مبسوط لما اسمعه، ده كفاية لما قالتلي
شكراً طب، شوفت تناسق جسمها!
آه، زي أي بنت ولا قصدك تناسق الإمكانيات صدرها وفخدها والباقي ؟
على فكرة أنت زبالة..
طب ما أنا أنت !!
ممكن اقولك حاجة؟
اتفضل!
أنا غلطان إن أنا اتكلمت مع واحد زيك..
أنا هنا.

"أغلقت عيني وأخذت نفساً بداخلي وأخرجت ثاني أكسيد الكربون وهو يحمل معه
الحيرة والعجز والتفكير المتناقض بيني وبين نفسي".

الشريط الرابع

"الحُب كما سم الأفاعي

عندما يغزو الدماء إلي الإنسان لا يراعي

فالمُحِب إلى السُّم ساعي".

غرفه رقم (26)

أستيقظت من نومي مبكراً وأرتديت ملابسي وقبل أن أقرب من باب المنزل وجدت أمي أمامي.

- رايح الشغل يا إبني؟

- ها، أه يا ماما رايح.

- طيب يا حبيبي ترجع بالسلامة.

خرجت من بيتي على المستشفى وكذبت على أمي ..

وصلت إلى المستشفى وسألت الدكتور المتابع لحالتها ودخلت جلست معه في مكتبه

وقال لي:

هى حالتها كويسة إلى حد ما بس إحنا محتاجين نقل دم ليها وبسرعة جداً لأن ماينفعش نتطلع دم من فاصيلتها إلا لما يكون في بنك الدم بديل للدم اللي هيخرج ده..

- هتبرع أنا.

- بس أنت هتبرع بكيس واحد!... إحنا محتاجين 4 على الأقل لأن كل عيلتها إتبرعوا وماينفعش يتبرعوا تاني..

- خد منى 3 أكياس دم.

- ماينفعش ودا فيه خطر على حياتك..

- هينفع خد اللي أنت عاوزة.

"حان الوقت لاثبت لكي حبي لعل وعسى ينشغل بالك بي لدقائق".

- الدكتور بس أنا أسف مش هقدر لأن دا ممكن يسبب لك هبوط حاد وتموت!

- أنا ممكن اكتب إقرار لو حبيت.

- زي ما أنت عاوز..

"كبتُ إقرار يحملني المسؤولية كاملة وأن المستشفى ليس لها دخل بتبرعي".

نمت على السرير وبدأوا بسحب دمائي من عروقي..

بعدهما أنتهوا من سحب المطلوب من الدم حاولت أن أقف على قدمي قال الدكتور لي:

استرح قليلاً، هل تشعر بالخمول؟

- أه يعني، بس أنا كويس..

حاولت كثيراً أن أقف على الأرض وفي اللحظة التي وقفت فيها وقعت على الأرض فاقد

للعوي..

فتحت عيني أنظر حولي، بعد ما فقدت وعي أرسلوني إلى غرفه ليعتنوا بي

وجدت المرضه تجلس بجانبني فقلت بصوتاً متعب..

- أنا فين؟

- أنت في أوضة خاصة لإنك مستحملتش ومستغرين إزاي مسحوب منك 3 أكياس دم ولسه بتفتح عيونك أنت في أوضة رقم (26).
- أوضة 26؟ يعني أنا جنب 25؟
- أه، جنب المريضه اللي اتبرعتلها بدمك.
- أغلقت عيني لكنني مستيقظ لأستريح قليلاً ولأريح جسدي ثم ذهبت في النوم وعندما استيقظت شعرت بأني أصبحت جيداً وأستطيع الوقوف، وجدت الدكتور وسألته:
- أعتقد إن كذا المستشفى تقدر تطلع الدم ليها!
- أه في واحدة كمان اتبرعت للمريضة وحالياً هي بتغير الدم.
- هياخد كثير الكلام ده؟
- لأ يعني مش كثير.
- طب ينفع أدخل أطمئن عليها.
- ينفع بس خليك دلوقتي لحد ما إحنا نطمئن عليك، أنت تقريلها؟
- أه بس من بعيد أوي يا دكتور.
- عموماً إن شاء الله هتبقى كويسة أصلها مش أول مرة هي بتيجي هنا المستشفى من قبل ما أنا أتعين فيها..
- "ابتسمت للدكتور واغمضت عيني" ..
- وأنا جالس على سريري شاهدتها تسير من زجاج الغرفه وهى تسند يدها على الممرضة واليد الأخرى على جدران المستشفى غير مهتمة بتعبها بقدر ما هى مهتمة جداً بأن تعرف من هذا الشخص الذي تبرع لها بـ 3 أكياس دم، سمعت الممرضة التي تصاحبها قالت لها:
- ارجوكي ارجعي غرفتك إنتي تعبانة!
- بعد إذنك لأ أنا كويسة ..

فتحت باب غرفتي..

وعند رؤيتها لي وأنا جالس على السرير تفاجأت بوجودي..
منذ وأن رأيتني وهي تندهش من تصرفاتي وأفعالي تجاهها بدون أي مقابل أو كلمة جميلة
منها..

شاهدت عيونها بدأت تمتلئ بالدموع كنت أتمنى لو أستطيع أن أمسح دموعها بيدي،
كنت أتمنى لو أستطيع أن أقبل يديها الصغيرة وأمسكها بيدي..
أمسكتها الممرضة وأجلستها على الكرسي وخرجت الممرضة وتركنا سوياً وظلت تنظر
لي وصامته وأنا أنظر لعينيها وكلي خجل، كسوف، أشياء كثيرة تُمكن أن نطلق عليها اسم
"أنا تُمكن أن أعمل عشانك كثير" قلت لها:

- أنتي كويسة دلوقتي؟!

- أه كويسة.. تُمكن اعرف أنت بتعمل معايا كل دا ليه؟ تُمكن أعرف ليه كل ما أسأل
نفسى سؤال ألاقك أنت الإجابة؟ ليه؟ أنا محتاره، من وقت ما حصل الموقف بتاع الست
الكبيرة وأنت في كل مكان حواليا لدرجة إن حلمت بيك! تعرف أنا مش فاهمة أنت
بتعمل كل دا ليه ونفسي ألاقى إجابة منك! طب أنت لما جازفت بنفسك عشان توفر
الدم ليا ماكتش خايف على روحك لتموت؟ طب أهلك؟ طب حياتك؟ كل دول مش
فارقين معاك! تُمكن ترد عليا؟

رجعت بظهري على السرير وابتسمت وبدأت أجاب لها عن كل أسئلتها وقولت:

- أنا كنت بساعدك، مش أنتي كويسة؟

- أه كويسة.

- خلاص أنتي كدا رديتي على كل أسئلتك بنفسك، عاوزك كويسة.

أبي الدكتور ومعه ممرضتها لغرفتي وقال:

- لو سمحتي يا أنسة ميادة لازم ترجعي أوضتك عشان هتاخدي حُقن وأدوية ولازم
ترتاحي شويه بعد إذنك لو سمحتي!

- حاضر.

وقفت وسندت على الممرضة وقبل أن تخرج من غرفتي وهى واقفه على باب الغرفة
بإبتسامه قالت:

- أنا هجيلك تاني، عاوزه أتكلم معاك.

- إبتسمت لها وأنا مستنيكي بس المهم تبقي كويسة وأحسن من الأول.

جلست قليلاً بمفردي ثم أتى الدكتور لي وقال:

- أنت خلاص بقيت كويس وتقدر تروح بيتك أو تقعد في الإستراحة عشان الأنسة
ميادة نايمه جوه وحضرتك مش من أهلها زي ما أنت قولتلي بس عموماً هتتجاوز
الكذبة دي لإنك حاولت تنقذ إنسانة بس المهم لما ترجع بيتك حاول تكتر من شرب
السوائل يعني عصاير ومايه عشان تعوض كمية الدم دا اللي إتاخذ منك..
- شكراً لذوقك ولتفهمك الموضوع.

رتبت ملابسي وأرتديت حدائي وخرجت من الغرفة ولكنني كنت أتمنى أن أبقى بجانبها
أطول وقتاً ممكن..

ذهبت لكي ألقى آخر نظره عليها قبل رحيلي وقبل أن أمسك بمقبض الباب سمعت
صوتاً فلتفت ووجدتها الممرضة تقول لي:

- لو سمحت مش هينفع لإنها نايمه دلوقتي وياريت بلاش تقلقها عشان الراحة مهمة
جداً ليها عشان واخده أدوية كثير..

أبعدت يدي عن مقبض الباب وقولت:

- يعني هتبقي كويسة؟

- أيوة، هتبقي كويسة.

- طيب، خلاص المهم إنها تبقى كويسة.
- غيرت طريقي لباب الخروج فنظرت إلى ساعتى وجدتها 9 مساءً.
- نظرت إلى هاتفي المحمول مكالمات كثيرة من أمي فإتصلت بها وقبل أن أقول كلمة واحدة بدأت أمي تهاجمني بصوتاً عالي:
- أنت فين يا جزمة يا زباله يا حيوان بقالي 4 ساعات بتصل ببيك يا عديم الإحساس، أبوك كان هينزل يدور عليك في المستشفيات والأقسام أنت فين؟
- مُمكن تهدي أنا جاي في الطريق.
- وعند رجوعي إلى المنزل وجدتها جالسه مع أبي فقال لي أبي:
- إيه يا ياسر كنت فين يا إبني أمك قلبهنا مناخه عليك!
- معلش يا بابا خلصت شغل وطلعت بره شويه، كنت حابب أتمشى مع نفسي ونسيت إني عامل الموبيل صامت..
- أمي: هتطفح ولا لا!
- طفحت برا يا ماما متقلقيش عليا إبنيك مش بينام جعان.
- دخلت غرفتي وخلعت ملابسي وقبل أن أخلد للنوم قولت لأمي لا تيقظيني مبكراً واتركيني نائم ثم اجرئت مكالمه مع حسن صديقي في مكان العمل.
- معلش يا حسن أنا تعبان بقالي فترة ومش قادر أعمل أجازه بدون مرتب وتكون مفتوحة.
- يا إبني المدير عمال يسأل عليك لدرجة إن كان هيتصل بالبيت بس مرضيش لحد ما حد مننا يجليك يشوف مالك!
- أنا كويس يا حسن بس تعبان وحالتي النفسية مش كويسة .
- طيب مش مهم الشغل دلوقتي على قد ما المهم تبقى كويس ومتشيلش هم أنا هعملك بكره أول ما أوصل الشغل أجازه مرضية مفتوحة ومتخافش هظبطلك أنا الدنيا هنا.

- ربنا يخليك يا حسن، عاوز حاجة !
- لأ شكراً وابقى طمنا عليك وأنا بكره هتصل بيك أعرفك اللي عملته.
- "اغلقت معه المكالمة وألقيت نفسي على سريري وأغمضت عيني ونمت، لم اشعر بنفسي إلا وانا مستقيظ صباح اليوم التالي".
- وقفت على باب غرفتي وقلت لأمي :
- ماما كتريلى من العصاير وعلى الغدا شربة وكداها؟
- أنت وشك ماله كدا أصفر أنت كنت فين يا ياسر إمبارح ؟
- ما أنا قولتلك يا ماما كنت فين !
- أنت بتزعل ليا ؟!
- أنا زعقت ؟ بدمتك يا بابا أنا زعقتلها؟!
- قام ابي وهو يغمز لي بعينه وقال :
- كلم أمك يا ياسر بطريقة أحسن من كدا عيب دي أمك.
- حاضر يا بابا وعموماً أنا أسف يا ماما ورايح أبوسها على رأسها قالتلي أوعى كدا مش عاوزه حد يبوسني أوعى يا واااد.
- بابا، متسبهاش يا ياسر أمسك رأسها وإيديها يا إبني بوسها.
- ماما، أمشي روح أستر نفسك بدل ما تاخذ برد، أنا مش عارفه أنت صيف وشتا بتنام بالبوكسر مبتبردش يا إبني!
- أبرد إزاي يا أم ياسر يا حنينه دا أنا ببقى نايم في الأوضة وأنتي من أوضتك حنانك بيدفيني .
- إبتسمت، عامل زي أبوك بيع كلام.

دخلت الحمام لأستحم ثم قبلت أمي وأخذت كوب العصير وإتجهت إلى غرفتي وجلست على المكتب وفتحت الدفتر، أمسكت بالقلم وكتبت كل ما حدث بالحرف في المستشفى وعن نظارتها لي عندما رأته وأدركت أن الشخص الذي تبرع لها بالدم هو أنا..

سمعت صوت هاتفني، فأتيت به من على السرير فوجدت الرقم بنت خالتي جيهان

- ألو

- أنت فين يا إيني بقالك أسبوعين مُحتفي بحاول أكلمك ومش بترد عليا دا أنا اتصلت

بيك حوالي 100 مرة أنت مش بتبص على الموبيل ولا إيه!

- معلش يا جيهان كُنت تعبان شويه وكان عندي شويه مشاكل كدا.

- دا أنا قولت لخالتي تقولك أتصل بيا لما تشوفك هي ما قالتش ليك ولا إيه!

- معلش يا جي جي شكلها نسيت بس.

- طب إيه بقي! إيه الكلام اللي دار بينكم!

- بُصي يا جيهان هو ولد كويس ك شكل ووسيم وشيك وتحسبه إبن ناس أوي يعني،

بس ...

- بس إيه يا ياسر؟

- مش عارف اقولك يا جي جي بس بصراحة أنا مش عارف حاسه كدا مالوش طموح

عكس ما بتقولي يا جيهان!

- دا بيحبني ويعمل كثير عشاني هو قال كدا.

- هو قال بس لما يعمل هيعمل من فلوس أبوه مش من فلوسه اللي تعب فيها وعرق

عشان يجيبها، عموماً يا جيهان أنا مش بقلل منه بس هو أكيد لو بيحبك هيعمل وخليكي

معاه بس في نفس الوقت خلي بالك من نفسك أوي عشان دالسه في الجامعة وممكن الأيام

تغير الناس أوي وعموماً الحياة قسمة ونصيب.

- أنت خوفتني بكلامك دا أوي يا ياسر!

- مفيش خوف ولا حاجة يا بنتي بس أنتي خلي بالك من نفسك وخلاص وركزي الأول في مستقبلك يعني إدي لمستقبلك الدرجة الأولى من الإهتمام ثم هو عشان دراستك متتأثرش وتأهلي بنفسك بعدين..

- صحيح البنت اللي شافتك في عيد الميلاد مصدعاني وبتقولي ما تحببيه الجامعة معاكي في يوم وتعرفيني عليه .

- ضحكت وقولتلها، أه أخذ بالي منها بس أنتي فاهمة أنا ماليش في لعب العيال وأنتي عارفه البنات اللي زي دي عايشه على الإعجاب، يعني تعجب كل شويه بواحد.

- بقولك ما تبقى تيجي تأخذني مرة من الجامعة !

- بس كدا! أنتي تأمري يا جي جي .

- ابقى سلملي على خالتي بقى ماشي .

- يوصل يا معلم أنت تأمر .

- يلا عاوز حاجة ؟

- لأ تسلميلي، سلام.

قفلت مع جيهان..

وضعت القلم في منتصف الدفتر ووضعته في الدرج وامسكت بميدالية مفاتيحي ألعب بها وهى في يدي وأفكر في حالها الآن، بدأت أتحدث مع نفسي قليلاً عنها..

ألبس وأروح المطعم أطمئن عليها !

لا لا إتقل شويه ..

بس هى زمانها مستنياني عشان تتكلم معايا ؟

ياعم متبقاش مدلوق كدا اصبر شويه..

يعني استنى شويه بس قد إيه؟

خليهم يومين مثلاً..

أنا مش قادر استحمل أكثر من كدا أنا عايز اغمض عيني أفتحها الاقيني في المطعم قاعد بكلمها.

بُص أنت كدا هتبوظ كل اللي بتعمله.

تعرف أكثر حاجة بندم عليها هو إن أنا بتكلم معاك عشان فعلاً أنت عمرك ما ريحتني وأنا باخد رأيك في حاجة.

ياعم منتكلمش معايا تاني لو مش عاجبك كلامي..

أيوة مش هتكلم معاك لأنك حاجة خرا، كل ما اتكلم تنرفزي يا حيوان، اشتهم، اشتهم يعني أنت بتشتهم حد تاني ما أنت بتشتهم نفسك.

فعلاً أنا بتشم بنفسي عشان مش عارف أعمل أي حاجة وخايف أروح أكلمها بس أكيد هي مبسوطه من اللي أنا عملته عشانها، عموماً أنا هصبر شويه، يومين وأروح المطعم أكلمها.

اليوم يمر علي وهو يمزق في جسدي والساعة كأنها سنه، اتمنى ان يمر الوقت سريعاً، لقد كبرت الأيام في السن واصحبت غير قادره على السير وتقف ثابتة لا تتحرك إلا ببطء شديد..

أحاول أن أنام فأفكر بها فيهرب النوم من عيني واطل ساهراً الي الصباح فيدخل شعاع الشمس من شرفة غرفتي، هل هذا هو الحب؟ أم هي مجرد فتره في حياتي، كل ما يحدث لي لا أستطيع أن أفهمه، لقد فقد عقلي السيطره وأصبح مشتتاً واصبحت أنا كاللعبه تحركني مشاعري كما تشاء في أي مكان وأنا علي الطاعة..

مر اليوم الأول بكل صعوبه، اقتربت من رؤيتها تبقي لي يوماً واحداً، جلست على سريري افكر ماذا أرندي غداً؟

فتحت الدولاب ونظرت فيه، مكثت واقفاً نص ساعة أنظر للملابسي لكني في حيرة،
أخرجت أكثر من بنطلون مختلف في الشكل واللون وأخرجت قُمصان وتشيرتات كثيرة
لكني لا أدري أختار أيهما معاً؟

اتصلت بجيهان :

- ألو إزيك يا جوجو !

- تمام يا ياسر، أنت إزيك؟

- أنا كويس أنتي عامله إيه مع زياد؟!

- أنا كويسه لسه كنا بتتخايق من شويه.

- يا بنتي عادي ياما بتحصل خناقات.

- أه، شويه كدا وهنتكلم أنا وهو.

- بقولك هو البنت بتحب الولد يلبس إيه يعني لو رايح يقابلها!

- ضحكت و قالتلي: أوبا أنت وقعت ولا إيه!

- لأ بجد هحكيلك بعدين بس قوليلي !

- جزمة وبنطلون وقميص و عليه بلوفر كدا شيك.

- تمام يا جوجو يلا بقى أنا هقفل أكلمك بعدين.

- أنت بتتصل بيا عشان مصلحتك ماشي يا سيدي خد راحتك، سلام.

أخرجت بنطلون أسود وقميص أبيض وبلوفر رمادي وأمسكت الجزمة السوداء امسحها

وبعدما أنهيت من تحضيرهم أرسلت البنطلون و البلوفر و القميص للمغسلة للتنظيف

و الكي الجيد..

اليوم الثاني ليلاً..

جالس ولا أستطيع الإنتظار وأريد خرق كل السدود والحوائط بقلبي لأراها، أنتظر
طلوع القمر بفارغ الصبر ليغيب وتشرق الشمس بيوماً جديد حتى أستطيع الذهاب الي
مطعها وأراها، أفكر كيف سأحدث معها وكيف سأظهر لها حبي !
حتي اختطفني النوم وغرقت في أحلامي ..

أستيقظت على صوت أمي كالعادة:

- أنت مش بتروح ليه الشغل؟ هما رfdوك ولا إيه !

- لأ يا ماما أنا واخذ أجازة بس شويه وراجع .

- وليه واخذ أجازة !

- مافيش تعبان شويه وقولت اريح جسمي يومين كده .

- طيب قوم افطر والمغسلة بعنت ليك الهدوم دي، أنت رايح فين !

- مفيش رايح مشوار كدا مع صحابي ..

بعد مناقشات أمي الطويلة فطرت وإتجهت لغرفتي ..

جالس أنتظر صوت ساعة الحائط وهي تدق للساعة الثالثة عصرأ ..

وقفت أمام مرآتي أجرب في ضحكاتي وأحرك يدي وأنا أتحدث، بروفا ما قبل اللقاء حتى

لا أقع في خطأ يرجعني خطوات إلى الوراء ..

عندما أصبح العقرب عند الساعة الثالثة إرتديت ملابسي وقفت أمام مرآتي أنظر لنفسي

ال النظرة الأخيرة قبل الخروج ثم قلت لنفسي :

دا شكل واحد يروح يقابل واحدة بيحبها؟ اتفوا عليك يا أخي .

نزلت على سلام المنزل وقلبي يترجف كثيراً وخائف أن تتسخ ملابسي بأتربة الشوارع

وعند ركوبي للمواصلات حاولت أن أكون حذر جداً حتى لا تتسخ ملابسي حتي تصل

إلي المطعم ..

الشريط الخامس
ولنا في الوداع لقاء

بعد الإنتظار

وقفت أمام المطعم، أشعور بريكه وخوف يسيطر على كل أجزاء جسدي وشعرت بأن قلمي لا تستطيع الوقوف وأن ستكون راحتها إذا غيرت مساري ورجعت لبيتي لكن خوفي من أن الفرصة لا تأتي إلا مرة واحدة في العمر جعلني أقوي نفسي، أخاف أن أخسرهما للأبد، قابلتها منذ فترة قصيرة جداً ولكنني تعلقت بها كالطفل الذي تعلق بأمه، اقتربت بخطوات للمطعم ثم فتحت باب المطعم ودخلت وجدتها جالسة على طاولتها المخصصة تحسي فنجان القهوة ولا تشعر بوجودي وأنا أنظر لها بكل هدوء..

وعند رؤيتها لي وقفت وقالت:

- اتفضل تعالي اقعده تجب تشرب إيه؟

- أنا مش عارف بس أنا اللي هحاسب دا بعد إذذك؟

- إيتسمت، مش هغصب عليك اللي تشوفه يا ياسر.

- شكراً لذوقك.

- أنا فضلت كثير مستنيك لدرجة إن قولت يعني جرائك حاجة!

- مستنياني، أنا؟!

- أيوة مستنيك أنت عشان اللي عملته معايا مش حاجة سهلة مُمكن نساها بسرعة

ويعدين أنت مشيت ليه من المستشفى لما قومت سألت عليك قالولي دا مشي بقاله 3

ساعات كدا!

- أه أصل ماكنش ينفع أفضل كثير في المستشفى وبعدين كفاية إن أطمنت عليكي وبقيتي

كويسة.

- أنت عملت معايا كل اللي اتعمل دا ليه؟! ليه بتفضل مراقبني وبتجيلي المطعم وتفضل

مركز معايا؟ وليه اتبرعت بـ3 أكياس دم مرة واحدة كدا؟! مش هترد عليا وهتقولي برده

عشان أشوفك كويسة؟!

ظللت منتبهاً لحركات عينها وهي تتحدث وفي طريقة حركات شفاتها الصغيرة وهي تخرج الكلام ثم إبتسمت وقلت:

- أنا مش عارف أقول إيه! مش عارف أوصف اللي جوايا دا ليكى بإيه! حاسس إن أنا أعرفك، حاسس إن أنتى منى أنا أنا مهها قوت هفضل أقولك مش عارف أوصفك إحساسى لو قولتلك إن أنا بحبك أبقى أكبر كداب ومتصدقيش كلامى أنا اللي جوايا ليكى أكبر من الكلمة دى..

إزاي كلمة من أربع حروف توصف كل اللي جوايا ليكى!؟

إزاي كلمة تقدر توصف مشاعرنا وإحساسنا!

كلمة "بحبك" يعني إيه بحبك!

هو أنا بحبك! أنا مش عارف، أنا حاسس إن فى حاجات كتير أوي فىا عاوزاكي..

كل ما بقعد مع نفسى بشتمنى، أيوة متستغريش بشتمنى، بشتم نفسى عشان مش لاقى حل، مش لاقى كلمة توصفني بضي عشان نكون متفقين أنا مش بحبك لإن مش مُعترف بالكلمة دي مش مُعترف بأربع حروف لازقين فى بعض بيكونوا كلمة مُمكن توصف إحساسنا، لأ أنا مش مقتنع أن أنا بحبك لإن أنا مش عارف أقولك إيه!

أنا أمى ولدتنى يوم ما شوفتك، كل اللي عدى من عمري قبل ما أشوفك ماكتتش عايش. أنا مُستعد أديكى كل الدم اللي جوايا، مستعد أعمل كل حاجة عشانك، أنا مسحور بيكى لما شوفتك ماكتتش سامع أي صوت حواليا، مش عارف ليه أنا بعمل معاكي كدا؟ ومش هقولك بحبك، فهمانى!

بتبص لكلامي وساكته مش عارفه تقول إيه!؟

الكلمة دى ضايقتنى أوي بس مش لاقى غيرها عشان أقولها..

هاتى إيدك وخطيها على قلبي يمكن تحسى باللي جوايا أنتى إزاي مكانك على الأرض! أنتى المفروض تكونى عايشة فى الجنة مع الحوريات اللي زيك.

ربنا إدالك جمال الدنيا في عنيكى وفي حركتك وفي طريقة كلامك حتى في نفسك الهادي
لما بتكونى نايمة.

"أول مرة أشوف حد كامل من كل حاجة".

كل حاجة ناقصة حاجة إلا أنتي..

إلا أنتي مفيش فيكي عيوب كلك على بعضك حلوة طب عارفة أنا حاسس فعلاً إن أنا
جوا حلم !

لو بحلم ياريت ماقومش من نومي وأفضل عايش على الحلم خليني نايم بحلم بيكي..
وبعد سكوتها الذي طال كثيراً قالت لي ثلاث كلمات :

- أنت كتير عليا.

- كتير؟

أنا .. أنا ولا حاجة من غيرك، مش عاوز حاجة غير إنك تخليني أحبك حتى لو مش
بتحبيني أنا ربنا قالي أحبك وأنا بنفذ الي ربنا طلبه مني أنتي لازم تتحبي، حبي دا واللي
حاسه دا مش بإيدى كل حاجة بقولها دلوقتي مش أنا الي بقولها دا قلبي الي بين
ضلوعي، صدقيني.

- أنا مش عارفة أقولك إيه !

- أنتي بتحبي حد تاني !

- لأ بس أنا خايفة أوي.

- مني؟!

- لأ أنت مش هتفهمني .

- طب حاوولي يمكن أفهمك !

- سيب كل حاجة للأيام والأيام هتوضح كل حاجة.

- حاضر، الي تشوفيه .

- أنا مضطره أسبيك وأطلع المكتب فوق ورايا حاجات أعملها..
- إتفضلي.

صعدت على السلم المؤدي لمكتبها في الدور العلوي أما أنا فدفعت الحساب وذهبت..
خرجت من باب المطعم والحيرة مسيطرة على عقلي وأسترجع كل حديثي معاها هل
أخطأت لذلك ذهبت وتركتي؟ أم بسبب ما قلته لها وبسبب مواجهتي لها بمشاعري
الدينه التي إستيقظت لتحيني أم كنت جريئاً للغاية؟ أم هي حقاً ورأها أشياء كما قالت
لي؟ أو هذا مظهر من مظاهر خجل كل أنثى؟
موييلي بيرن...

- ألو، مين معايا !

- إيه يا إبني أنت مش مسجل رقمي ؟

- أحمد فراج !

- أيوة، أحمد يا حيوان .

- إزيك يا أحمد أنت فين !

- أنا نزلت رجعت من إنجلترا بقالي يومين .

- وجبت رقمي مينين؟

- إتصلت بالرجالة القديمة وأخذته منهم .

- طب عاوزين نقعد مع بعض نفكر أيامنا الوسخة.

- لو فاضي بكره هعدي عليك نخرج شويه، صحيح أنتوا لسه في بيتكم ولا مشيتوا منه
؟

- لأ لسه في بيتنا زي ما إحنا .

- طيب تمام بكره هعدي عليك بالليل كدا ماشي !

- ماشي إتفقنا يا وسخ والله واحشني.

"بعد كمية شتايم مني ومنه قفلنا مع بعض وكملت طريقي للبيت".

في اليوم ثاني ذهبت إلى مطعمها ليس من أجل الحديث معاها ولكن من أجل أن أراها من على بعد وهذا شيء يكفيني ليسعدني أن أراها بصحة جيدة حتى لو كانت لا تريد أن تراني ثانية..

دخلت المطعم وجلست على طاولة من طاولات الزبائن وطلبت الغداء وبعد ما إنتهيت من الغداء طلبت قهوة اشربها ثم قمت ودفعت الحساب وستهجه لباب الخروج..

سمعت صوت يتردد صداه بداخلي، سمعت صوتها يحمل اسمي:

- ياسر!

شعرت وأن عقارب الساعة قد توقفت وكل من حولي أصابه التجمد..

نظرت لها وتعبيرات وجهي غير طبيعية لا أنا حزين ولا أنا سعيد، نصف وجهي يتسم والنصف الأخر حزين وقلبي يرتجف ولا أعرف ماذا على أن أفعل!

- أفندم أنا!

- أيوة مش أنت ياسر!

"قلت لها بطريقه مرحة تصاحبها ابتسامه"

- أيوة، أيوة أنا ياسر!

وقبل أن اتحدث معاها أتتها مكالمة:

- مُممكن تستنتى شويه، خليك معايا أرد بس.

- ماشي.

وقفت خجلان من نفسي لا أعرف لماذا أشعر بهذا الإحساس الآن!

وقفت أنظر بطرف عيني عليها وهي تتكلم في هاتفها وأنا منتبه لنبرات صوتها جيداً ومنتبه فقط لما تقوله هي ولا أهتم لصوت من حوالي، فقط جعلت كل حواسي تنتبه لها ومنتبه لحركات يدها وتعبيرات وجهها وهي تتحدث..

وعند إنتهائها قالت :

- أسفة جداً يا ياسر أصل دا كان تليفون مهم مع تاجر بنجيب منه طلبات المطعم وهو يعني بيسهلنا الدنيا كتير، أكثر من التجار اللي مش بتعمل حساب للناس وكل همها تكسب وتزايد علينا، تحب نطلع فوق نتكلم في المكتب احسن من دوشة صالة الأكل؟! - ماشي، مفيش مشكلة عندي.

اسير خلفها وانظر للحوائط شاهدت صور معلقه لأشخاص كثيرين وتحت كل صوره اسم الشخص وسنة ميلاده ووفاته حتى وصلت للمكتب ودخلت جسلت..

- تحب تشرب إيه؟

- لآ، أنا لسه شارب قهوة.

- ياسر، أنا مضايقة جداً من حاجة جوايا مش عارفة إيه اللي بيحصل، أنا عاوزه اقولك على حاجة..

كل بنت بتتمنى تلاقى الشخص اللي بيعبها ويحسسها بكل حاجة فيها ودائياً يخليها متأكده إن قلبه معاها مش مع غيرها ومفيش بنت تقدر تقول غير كدا، بس أنت جبك ليا عدى كل دا ..

أنا مش متأكدة أصلاً لحد دلوقتي إنك بتحبنى ويمكن بتضحك عليا بشويه مواقف عملتها، لما بفكر بستغرب ساعات بقول بيحبنى وساعات بقول لآ في ناس مُمكن تعمل زيه عشان توصل للحاجة دي وبعدها يرموها زي ما عملوا مع غيرها، أنا حاسة بتناقض فظيع في إحساسي تجاهك مش عارفة أنت بتحبنى بجد ولا لآ!

طب، بُص هقولك اعمم، قامت من على كرسي المكتب وقعدت قدام الكرسي اللي قدامي

:

- أنت متأكد إنك بتحبني! أصل كل اللي بشوفه دلوقتي أي شاب بيحب يتسلى وخلص
وأي بنت تقعد معاه فترة ويشوف غيرها ويقضيها لحد ما يزهدق وبعدين يقرر يستقر،
يتجوز يعني ..

عارف إيه اللي مضايقتني!؟

- إيه؟ "بصوت فيه خوف"

- اللي مضايقتني إني مش عارفة أحبك زى ما أنت بتحبني لو أنت فعلاً صادق في كل
حاجة جواك ليا ف أنت كثير عليا أنا هتجنن كل ما بحطك في مقارنة بين أي حد بتطلع
أنت الكسبان داياً طيب اقنعني إنك بتحبني؟

- مش عارف أقنعك إزاي!

بس اللي أعرفه إن كل يوم بفكر فيكي صحيح فلوسي خلصت بسبب أكلكم الغالى في
المطعم وخلص شويه وهشحت بس مش فارق معايا كل دا خالص في سبيل إن أنا
أشوفك قدام عيوني صحيح عمال أخذ في أدوية من ساعة ما إتبرعت ليكى بالدم وأشرب
عصاير وأخذ مقويات وفيتامينات بس برده بالنسبالي دا شىء عادي.

كل اللي عملته عشانك وأنتى شايه من جواكى إنه كثير فهو مش حاجة دي أقل حاجة
تُمكن أقدمها ليكى أقل حاجة تُمكن اعبرلك بيها عن نفسى وأقولك بيها أنا موجود
جنبك.

نظرت لي وقالت بابتسامة:

- أنا فعلاً نفسي كل ده يبقى شىء حقيقي ونفسي أكثر إن أحس معاك بالأمان وعاوذة
أعيش كل لحظة حلوة مع الشخص اللي قدامي أو اللي بيحبني، بقولك إيه رأيك نخرج
نتمشى شويه أنا وأنت!

- طبعاً دي حاجة تفرحني أوي لما أتمشى معاكي أنتي.

- إبتسمت، طيب يلا بقي تعال.

نزلنا من المكتب وقبل أن نخرج من المطعم إتجهت لأحد العمال في المطعم تقول له أن يدير المطعم في غيابها ولو حدث شيء يتصل بها فوراً..

وأنا أسير بجانبها على البحر أترك بيننا مسافة ومتبه جداً لحركات يدي حتى لا تلمسها بدون قصد وتقول في بالها أنني أريد لمسها بطريقة أو بأخرى، جلسنا على صخرة صغيرة أمام البحر ..

وفجأة ونحن نداعب البحر بالحجارة قالت:

- شايف البحر هادي أوي النهاردة، تعرف البحر دا عشق بالنسبالي ساعات بعتره صديق نتكلم أنا وهو، بحس وأنا بتكلم معاه إنه بيحتويني بنسمة هواه الباردة وبيأخذ كلامي يدفنه في أعماق أعماقه ويقفل عليه وأفضل أجيله اتكلم معاه لحد ما أزهب وأمشي، عارف! عمره ما قالي كفاية أنا صدعت منك ولا حتى قالي أنا مضطر أسيبك عشان مشغول، دايباً موجود لى يحتاج يتكلم معاه ودايباً سامعني وأنا بشكيله وكثير أوي بحس إن موجه العالى بيرفع دعواتي للسما بيرفعها لربنا وبتخيل الكلام وهو متشال على نسمة الباردة وهو طاير فوق أوي بيرفع كلامي لربنا يسمعه ويلبلي دعواتي..

كل حاجة حواليا بلاقيها بتحتويني إلا الأشخاص زي ما يكون ربنا بيقولي أنا جنبك متخافيش، كثير بلاقي الشجر بيضل عليا في وقت مفيش فيه حد بيضل فيه على حد وكثير بلاقي السحاب ماشي معايا نفس إتجاه طريقي بيوصلني لبيتي زي الحارس وطول ما أنا ماشيه بيُصله وبيتسم ومن جماله مابعرفش أنزل عيوني من عليه..

ربنا خالق حاجات جميلة بطريقة غريبة تخليك واقف موهوم من جمالها مع إنك بتشوفها كل يوم لكن بتختلف نظرتك من نظرة عادية لنظرة فيها تركيز لتكوين الدنيا حواليك.

- عارفة أنا زيك بس في حاجات زي مثلاً أنتي بتحبي تتكلمي مع البحر لكن أنا بكتب كل إحساسي في دفتر صغير كدا وياما اتكلمت عنك وحكيتله عن اللي جوايا ليكي ولسه

بحكيه وهو دائماً كان يبسجل كل إحساسي عن طريق الحبر اللي خارج من قلبي الي متوصل بنضبات قلبي.

"ابتسمت لي واقتربت مني وأمسكت بيدي فأمسكت بيديها أنا أيضاً، صاحبني شعوراً لأول مرة سكنني فرحة لا تسع حجم الكرة الأرضية، فحاولت أن أسيطر على نفسي حتى لا يظهر غبائي لها" ...

قالت لي:

- مالك؟

- مش عارف!

- "قالت بصوت مليان ضعف" هتفضل تحبني؟

- مين دا اللي هتفضل؟! أنا؟ دا أنا ماكتتش مصدق أصلاً إن هيجي يوم زي دا ألس فيه إيدك زي ما بيحصل دلوقتي .

- طب احكي لي عن نفسك أكثر؟

- أنا مواليد الشهرين اللي فاتوا، يوم ماشوفتك حياتي من هنا إبتدت أي حاجة فاتت زمان معرفش عنها حاجة.

"دخلت إيدها من بين ذراعي وجسمي وحطت رأسها على كتفي وإحنا ماشيين، قربت رأسي من رأسها عشان أشم ريحة شعرها الطويل، شميت ريحة شعرها لما شعرها طار مع الهوا وغطا وشي من غير ما تاخذ بالها ورفعت رأسي للسما وإتمنيت حاجات كثير جوايا وكل الحاجات دي كانت "هي" كل حاجة بتمناها"

قمنا من على الصخره و سيرنا معاً على رمال الشاطئ حتى جلسنا بجانب بعض كتفي يلمس كتفها وقالت بصوتاً يمتلئ بالخوف والحيرة:

- مش هكذب عليك حواليا كثير، تقدر تقول صحابي وجيراني وناس كثير بس من جوايا أنا لوحدي، لوحدي في كل حاجة حتى إحساسي مش بظهره لحد وبظهر العكس..

تُمكن تقول ليا كلمة تزعلني وأنت مش واخذ بالك فأخبي إحساس الزعل بين ضلوعي وأضحك في وشك وإحساسك إنه عادي بس أنا مضايقة وهظهرلك عكس إحساس الكلام..

كلامك حلو أو وحش مش بنسائه وبفضل محتفظه بيه ومش معنى كدا إن قلبي أسود لكن مش متعوده أعدي أي كلمة كدا عادي عشان الكلام بياثر فيا جداً بطريقة صعبة.. عارف!، لما حد يضربك على وشك وصوابه بتعلم بس بعدها بشويه إحساس الوجع يروح إنما لو لحد قالك كلمة تضايقك إحساسها بيسكن جواك وكل ما تفتكرها تحسها أكنها لسه متقاله ليك دلوقتي.

ناس كثير في حياتنا بتقول كلام يزعل بس بتتظاهر إن مفيش حاجة وإن معندناش دم لسبب بسيط جداً، هما مش قادرين يفهموه إن إحنا مش عاوزين نخسرهم أصل ما فيش غيرهم عشان نخسرهم، مفيش بديل.

وبالرغم من إن أنا باجي على نفسي كثير عشانهم خسرهم برده وأكتشفت إن الخسارة جايه جايه مدام اللي قدامي مش فاهمني يعني من الأخر قولت أصون كرامتي ونفسي وكفايه إهانه لحد كدا..

بس المشكلة قبل ما يمشوا من حياتنا بيغيرونا لأشخاص ثانية، أشخاص مختلفة في كل حاجة حتى إحساسنا بالشئ اتغير لدرجة إن لو حيننا حد مش هنجبه بنفس الدرجة خوفاً من تكرار المأساه وعاشين بتقابل في ناس وفي اللي بييجي في الوقت الغلط اللي مستعدين نخسر فيه كل حاجة وفي اللي بييجي في الوقت اللي إحنا خسرنا فيه كل حاجة..

مشكلتنا كبرت وتعبنا زاد لدرجة إن كثير بنهرب من الحياة وبنعمل حاجات غلط، حاجات لو رجع بينا الزمان مكناش عملناها بس بنعملها دلوقتي وعارفين إنها غلط بس بنعملها عشان نضيع الروتين.

بنوهم نفسنا إن الحياة حلوة عشان نعيشها أصلها فترة يعني زي ما في ناس سابونا ومشيو هيجي علينا وقت ونمشي إحنا كمان من الدنيا خالص، نرجع تراب..، نرجع لأصلنا، نرجع تراب بيداس عليه..

هكذب عليك لو قولت أنا شخصية كويسة لإن مفيش شخص كويس عشان كلنا بنغلط ومفيش حد مكذبش حتى لو بهزار ومفيش حد جرح حتى لو بدون قصد ومفيش حد مثالي، يعني من الآخر فينا عيوب من رأسنا لرجلينا، ساعات في ناس بتنصحنا زي أهلنا لما يشوفنا بنعمل حاجة غلط وهما بينصحونا بنشوف في عيونهم جملة أنا بنصحك عشان أنا جربت وملقتش اللي ينصحنى زمان، عارف النظرة اللي بتكون في عيونهم وقت النصيحة نظرة مالهاش غير معني واحد وهو:

"أنا لو كان في حد بينصحنى زي ما أنا بنصحك ماكنش دا بقى حالي"

لما حد بيحاول يطلعني من حالة أنا دخلت فيها ويقولي بُصي لنص الكوباية المليون بمسكها وبشرها وأقوله اهو الكوباية فضيت، مع إنه مش واخذ باله إن في نص فاضي فوق النص المليون.

بُص يا ياسر:

تفسير حالتي اللي عيشاها إن العيب مني أنا ومع إن أنا أتغيرت إلا إن أنا لسه محتاجة أتغير أكثر عشان أعرف أكمل لفترة أطول، أصل الحياة مستويات وأنا لسه قدامي كثير أوي، يمكن أموت وأنا لسه في المستوي الأول من تجارب الحياة اللي من كتر مرارتها مش عارفين نبلع ريقنا أنا مش كئيبة ولا عايشه في الظلمه لكن بخبي جوايا كثير فييجي عليا وقت لازم أتكلم عشان أقلل من الكلام اللي أخذ مكان كبير عشان أفضي مكان للكلام

اللي جاي عشان لما يجي يلاقي مكان فاضي أحسن ما يطفح زي كوباية المايه لما تكتفي
ولما متلاقيش

مكان بتغرق اللي حواليتها..

أنا عايشه ومكمله لبكره رغم إن أنا مش عارفة بكره فيه إيه وإيه اللي ممكن يتغير فيا أو
فيك ومكمله يمكن الأقي نص الكوباية الفاضي بقي مليون..

أخذت نفساً طويلاً بداخلها ثم قالت:

- أنا عارفة إن أنا اتكلمت كثير أوي بس كنت محتاجة اتكلم ماصدقت لقيتك عشان
اتكلم معاك لأن أكيد هتكون أكثر حد فاهمني مش كدا ولا أنا غلطانة!

- لاء طبعا أنتي صح وإخترتي الإنسان الصح اللي ممكن يسمعك بس عارفة أنا كمان
محتاج حد يسمعلي بس مش أنتي لأن أنتي عندك وجواكي كثير أوي

ومكفيكي نخليها يوم تاني أحسن، يلا نقوم عشان الجو بدأ يليل وهيرد وأنتي لابسه
خفيف .

وقفنا ثم نظفنا ملابسنا من الرمل وتصاحبنا هستيريا الضحك وهي تلوح لي بيدها على
الأماكن التي على ملابسنا متسخه ببعض الرمال ثم أمسكت بيدها وأتجهنا الي رصيف
الشارع ثم قلت لها:

- تحبي نأخذ تاكسي عشان متبرديش وتوصلي للمطعم بسرعة !

- لأ مدام إحنا جينها مشي نرجعها مشي ولا أنت مش رياضي !

- لأ طبعا دا أنا أشيلك واجري بيكي للمطعم بس قولي أنتي بس .

ونحن نسير على الطريق وجدتها ترتجف من البرد وفي اللحظة التي كنت اخلع فيها
الجاكت حتى ترتديه قالت لي :

- لا لا لا أوعى هتعمل زي الأفلام و تقولي خدي الجاكت و كده عشان كده هيبقي
أوفر يعني منك وبعدين أنت يادوب لابس تيشرت خفيف يعني هتموت قبل ما توصل
للمطعم .

- يعني يرضيكي أمشي أنا دفيان جنبك وأنتي بردانة طبعاً لآ لو أنتي وافقتي أنا مش
هوافق خدي الجاكت إلبسيه وبطلي عناد عشان واضح إن دماغك هتبقى ناشفة أوي
وبعدين هيبقي شكله حلو عليكى أوي على فكرة جري طيب كدا !

- هجرب بس مش هفضل لابساه، إتفقنا !

- ماشي .

”كان الجاكت جميل جداً عليها وفي هذه اللحظة تخيلتها في بيتي وهى ترتدي ملابسى
وقميصي بشعرها الطويل على كتفيها مثل الوردة“

قالت:

- يلا هقلعه .

- لآ مش هتقلعيه ومش هاخده بجد .

- بس إحنا إتفقنا !

- أنا قولت ماشي بس ماقولتش ماشي إتفقنا .

إبتسمت لي إبتسامه جلعتني أريد أن أمسك شعرها بيدي والأخرى على خصرها
وشفتاي تقبلها ثم أكملنا السير حتى وصلنا للمطعم :

- هشوفك بكره يا ياسر !

- لو معندكيش مانع !

وهي تودعني كنت اريد أن اقل لها الجاكت الجوى بارد !

كيف سأذهب الي بيتي الان في هذا الجو، اعتقد بأنها نسيت، رجعت الي المنزل جسدي يرتعش من البرد، فتحت الباب وجدت ابي وامي امامي جالسين وامي تنظر لي باستغراب ثم قالت:

- إيه يا إبني فين الجاكت بتاعك !

- الجاكت أه الجاكت، أنا .. أنا نسيتته مع صحبي هجيبه بكره بقى عشان مش هينفع ارجع تاني وأنا كلمته وقال لي إنه معاه.

"قبل أن أذهب وأتركها كنت متردد من طلب رقم الهاتف منها واكتفيت إن كل يوم أراها أمامي وذلك أفضل بكثير من أن أحدثها لمجرد دقائق وهي ليست أمامي".

اتجهت لغرفتي واقفلت على نفسي الباب وإذ فجأة وجدت أمي تقول لي:

- كلم جيهان خطيتك عاوزك بقالها كتير بتسأل، إرحم البنت وكلمها، أنت قلبك إيه يا أخي البنت بتحبك يا حيوان خلى عند أبوك دم وكلمها !

- بابا قالها ومال أبوه دلوقتي بتجيبني سيرتي ليه !

- مُمكن تسكت أنت إما اشوف إبنك دا اللي مش هيجيبها البر .

- أنتي عاوزة إيه من الواد هو مش بيعجبها سيبه هو الجواز بالعافيه ؟

- بس بنت خالته بتحبه طول النهار بتتصل بيه والأستاذ مش عاوز يحن عليها و يرد،

مش عارفة طالع لين " بتبص لبابا بنظره فيها تلقيح كلام "

تركت أمي تتشاجر مع أبي كالعادة وامسكت بهاتفني واتصلت بجيهان:

- ألو، أسف يا جي جي كنت عامل الموبيل صامت ومش سامعه خالص،

خير في حاجة ولا إيه ؟

- أه فيه وبعدين إيه الصامت اللي عايشلنا فيه دا، المهم دا مش موضوعنا، دلوقتي أنا

بكره عندي حفلة وعاوزاك تيجي تحضر الحفلة معايا ماشي؟

- مش زياد موجود يا بنتي ؟

- زياد أه موجود بس تعالى عشان عاوزاك برده في موضوع كدا.
- أوعي تكوني عاوزه تعرفيني على البنت صحبتك بتاعت العيد الميلاد!
- لا لا دي إرتبطت بأربعة بعدك وسابتهم، معندهاش وقت تقضيه لوحدها بنت الصايعة دي.
- طيب، أنا هاجي بكره بس على كام؟
- يعني تبقى هنا على 10:30 كدا ماشي!
- حاضر يا جيهان إتفقنا يلا عشان لسه هقوم اعملي أكل عشان جعان وخالتك لو قولتلها جعان هترزعي كلمتين تعشيني بيهم، يابت تحسي عيلتنا نسخة واحدة حتى جدتك، بقولك يلا سلام.
- سلام يا ياسر.
- بعد إنتهائي من المكالمة إتجهت لشفرة الغرفة، أمسك سيجارتي بيدي، وقفت قليلاً ثم سمعت الهاتف وجدته "أحمد فراج" تضايقت لأنني نسيت مواعيدي معه ثم تحدثت معه:
- أنا عارف أنا زباله والله عشان نسيت الميعاد وكمان أنت ماجتش البيت يعني زي ما قولت!
- لأ أنا جيت وقعدت أنا دي عليك ومفيس حد طلعي وفضلت أرن عليك وقتها وأنت معبرتش أمي حتى كنت أقفل عليا أو كنسل عشان أعرف .
- معلش يا أحمد شكلي كنت عامله صامت وتلاقي بس أمي أو بابا مسمعوش صوتك وأنت بتنادي من تحت عشان أنت عارف في ياسر كثير في المنطقة .
- طيب إيه الساعة لسه 9 أجيلك ولا إيه رأيك!
- طيب خلاص أنا هلبس ومستنيك اهو يلا انجز أنت بس.
- قفلت مع أحمد وإرتديت ملابسني مرة أخرى كنت مضطر لمقابلته لأنني نسيت الموعد الأول لنا، سمعت صوتيه وهو ينادي مثل ما كان ينادي علي ونحن صغار..

- أنا نازل حالاً اهو ثواني..

وأنا مستعد للخروج إذا بأمي في وجهي:

- أنت نازل ولا إيه؟!!

- أيوة يا ماما أحمد فراج صحبي لسه جاي من السفر وكنت قايله إن هقابله من يومين
ونفضتله فشكلها وحش يعني متخافيش مش هتأخر أوي يعني وبعدين أنا المفتاح معايا.

- طيب خد هاتلي معاك وأنت جاي حقنة السكر بتاعتي.

- لأ أنا معايا فلوس يلا سلام

أبي خرج من الغرفة :

- أنت رايح فين يا إبني دلوقتي !

- قوليله أنتي يا ماما لسه هعيد وضحكت في وشه.

”خرجت من البيت وعانقت أحمد ثم أخذنا السيارة وتجولنا في الشوارع“

- أيوه ياعم الفلوس ظهرت أهي عربية جديدة والحياة حلوة معاك.

- يا إبني بطل قر اهو أنتوا كدا لما تشوفوا الواحد ربنا فتحها عليه تفضلوا تقروا عليه لحد

ما يفتقر تاني، واحد جارنا شاف العربية وأنا لسه جايها جديدة بص ليا وقالي إيه الحلالة

دي اللي إداك يدينا يا سيدي والله يا ياسر كنت حاسس إن الأربع كوتشات بتوع العربية

هيناموا دلوقتي، راجل عينه صعبة، المهم أنت احكي لي إيه أخبار سُغلك !

- اهو تمام، واخذ أجازة بقالي 6 أيام دلوقتي عشان حوار كدا ماشي فيه يا رب يكمل

بس.

- حوار إيه دا؟ جواز؟

- بٌص هو لسه مش جواز بس نفسي يبقى جواز أوي، البنت كويسة ومحترمة وحاسسها

شبهي أوي في كل حاجة يعني تقدر تقول هتعرف تعيش معايا وهنقدر نساعد بعض في

حياتنا وأمي مش سيباني في حالي مصممة على جواز بنت خالتي وخايف أنا أفاتحها في موضوع البنت دي .

- صحيح هي اسمها إيه البنت دي !

- ميادة.

- اسم حلو، طب والإمكانيات !

- ما تهدي يا إبني شويه أنت لسه راجع من إنجلترا يعني مش محتاج، تبص لحد هنا يعني !

- تصدق رغم إن أنا عايش هناك والناس هناك متفتحه جداً إلا إن مش هتعرف تعيش مع واحدة غريبة يعني ممكن لو حصلت بنتنجح علاقة الزواج بس بنسب قليلة إنما لما تتجوز بنت بلدك بتتحس إن لو حصلت حاجة هتعرف تلاقي حد تكلمة ومن بلدك وهتصونك وعارفة عاداتك وتقاليديك وهتعرف حتى تتفاهم معاك، يا أخي يكفيك إنما عاشت نفس طفولتك ولو جيت تهزر هتفهم هزارك إنما هناك أنت مضطر تفهم حياتهم وتتعايش مع الجو فاهمني !

- طب وأنت هناك مانتمش مع واحدة ولا حاجة !

- بُص هناك البنات كتير وييموتوا في الولد العربي عكس ابن بلدهم يعني بيعسوا إن فيك دم حامي وبتغير وبتديها حق عليك وبتحسسها بأنوثتها كـ راجل بيغير وحمش على حبييته وكان حتى في النوم أنا مكديش عليك نمت مع حوالي 9 ولا حاجة وتعرف لو عجبت البنت هتاخذك تنام معاها بدون أي عوائق إنما هنا في بلدنا مفيش الكلام دا خالص، البنت كبيرها يوم ما تعجب بيك تفضل مبلمه في وشك ولو تخيلت إنك معاها أقصى طموحها إنها تحضنك.

لكن مشكلتي إن أنا إتعودت على الخمرة والشرب فاهم يعني الجو البارد هناك لازم تديله خرة عشان يجمي جسمك وغصب عني اتعودت بسبب السهر والخروجات والواحد

بيتكسف يرفض عشان شكلك فبتمد إيدك وتشرب زيك زيهم عشان ميحسوش إن في فرق بينك وبينهم وبعيداً عن إن مجتمعنا فيه المسلمين والمسحيين إلا إن عاداتنا واحدة مفيش أي إختلاف مُمكن في الديانة

لكن الإحترام هو الإحترام والتربية نفس التربية وفهمت أوي إن كل بلد أو مكان له عادات وتقاليد لازم تمشي عليها حتى لو أنت غريب عنها لإنك وقتها بتبقي الحاله الشاذه ومُمكن يبعدوا عنك بمجرد ما عملت عكس ما هما بيعملوا، بقولك مد إيدك تحت الكرسي هتلاقي إزازه هاتها .

ممدتُ يدي تحت الكرسي وجدت زجاجة خمر:

- إيه يا إبني أنت هتشرب كدا في الشارع أنت سايق هتودينا في داهيه يخربيت عقلك لا روحني أنا مش عاوز أموت.

- ضحك، أنا من كتر ما أدممتها لو شربت أربعة زيها مش هحس بالفرق يعني مش هتسطل تقدر تقول لساني هيتقل شويه هتجنن مثلاً لكن مش هسكر السكر الطينة دا وبعدين دي نسبتها في الكحول قليلة، الخمرة هنا كلها مضروبة، صناعة بير السلم.

وقفنا في مكان لا يوجد فيه أحد وأخذ الزجاجة وفتحها:

- خد إشرَب.

- لأ مش متعود ومش بشرها كمان أنا لو شميتها مُمكن أسكر ويحصلي حاجة بعدها أنا مش ضامنها، أصحى الصبح الأقيني متجوز واحدة معرفهاش ومخلف منها مش ناقصة هي.

مسك أحمد الزجاجة ورفعها على فمه وبعدهما شرب :

- احكي لي بقى عن البنت اللي بتحبها دي يا عم العاشق.

"بدأت بالحديث من أول يوم قابلتها وانتهى حديثي عنها عند تركي امام المطعم".

- طب وأنت إيه عرفك إنها كويسة! ما في بنات ياما بيعيشوا الشرف ويبيقوا مُثلين ويستحقوا يأخدوا أوسكار على دورهم دا!

أنت نسيت حوارى ولا إيه؟ نسيت البنت اللي كنت بحبها؟ نسيت لما فضلت أحب فيها سنة ونص أكتشف في الآخر إن الأستاذة بتحب عليا أتين وبالصدفة من صحبتها لما اتخانقوا مع بعض طلعا بلاوى بعض!

لقيت صحبتها بتكلمني على الموييل وبتقولي دي حطاك ع الرف زيك زي أي كتاب قديم وقت ما محتاجه بتمد إيدها تاخده واللي ضايقني أكثر لما قالتلي إن إنها ماشية معايا وأتئين تانيين واللي يصدّق في كلامه هتتجوزه يعني بتمشي أمورها اللي يجي اهو أنا بحبه واللي مجاش أدينا بتتسلى ولما عرفت إنها اتخطبت لمهندس بترول لعبت عليه لحد ما جابته يا إبني البنات أنواع وأشكال فيهم الحلو والوحش والنوع الخطير اللي هو يوهمك إنه ييموت في أمك وفي الآخر تلاقىها بتموت في ميدالية مفاتيحك أكثر ما بتحبك أنت، يا ياسر أنت لسه مشوفتش ولا جربت زي ما جربنا، صحيح أنت عملت كتير في حياتك بس صدقني مها إتعلمت في حياتك هتفضل تتعلم ولو فاكر إن صعب واحدة تضحك عليك هتلاقي كتير أوي بيضحكوا عليك وأنت فاهم إنك أصبغ منهم.

هما صحيح جنس ناعم منقدرش نعيش من غيرهم ولما تبص لشكلهم تحبهم من نعومة صوتهم وجسهم وحلاوتهم بس لما بيقبلوا بيتحولوا لناس لجنس ثالث تخاف منه ومن النكد متلاقيش أكثر منهم واخدين دكتوراه وفي الدلع متلاقيش أحسن منهم يا إبني مفيش حد قدر يفهمهم لأن كل واحدة وليها دماغ مختلفة عن الثانية أوي يعني مفيش واحدة ثابتة على مبدأ إنما احنا مُمكن تقول بنفكر مثلاً في الشهوة بنفكر في الخروج في الصياغة في الفلوس إنما البنات متعرفش هما أصلاً بيفكروا في ايه!

- تعرف هى مش زيهم بس أنت عندك حق أنا مش عارف أفهمها أو يمكن بحاول أفهمها بس تحس إن في حاجة لسه مش مفهومة بس هعمل إيه حبيتها وفي حاجة غريبة

جوايا رافضة البُعد بطريقة أغرب وكلامها كله خوف، خائفة على نفسها ومشاعرها يعني تحس إنها إتهأت أوي في حياتها فبتللم الباقي

من مشاعرها تحافظ عليهم، مش عارف مفكرتش في لحظة وأنا معاها في أي حاجة مفكرتش في جسمها ولا شهوتي ولا أي حاجة فكرت إن إزاي اكسب قلبها.

- ماهي بتجي كدا واحدة واحدة، تكسب قلبها وبعدها تاخذ جسمها تعرف أنا مؤمن أوي إن البنت لو حبيت ولد ممكن تعمل أي حاجة في سبيل إنه مبيعدش عنها.

- أنت شكلك خرفت والساعة بقيت 12:30 والمفروض نروح بقي عشان ورايا بكره مشوار يلا تعالى نمشي وأنا اللي هسوق لحد ما أوصل بيتي عشان مش ضامن سواقتك بعد الشرب والحكم اللي قولتها دي .

صعدنا إلى السيارة وقودت أنا السيارة حتى أن وصلت إلى منزلي:

- هبقى أكلمك كمان يومين عشان نخرج نفس الخروج دي بس من غير خمرة فاهم يا خمورجي !

- وماله مستنيك على نار يا حبيبي .

عندما وصلت تحت منزلي بسيارته ونزلت من السيارة وقولت له سلام، أسرع بسيارته بسرعه شديدة قولت في نفسي لن يصل إلي منزله حياً..

صعدت إلى شقتي وفتحت باب المنزل ودخلت، بابا سمع رزعة الباب وقال :

- أنت جيت يا إبني ؟

- لأ يا بابا أنا لسه برا .

- طيب يا ظريف، أمك ماهنش عليها تسيبك من غير أكل وحضرتلك الأكل في المطبخ على الرخامة ومتغطي كُـل ولما تخلص اغسل الأطباق.

- أنت إزاي بتشخر وأنت صاحي !

- دي أمك يا إبني مش أنا والله .

- طيب يا حج تصبح على خير.

وبعد ما انتهيت من الطعام وغسيل يدي والأطباق شربت كوباً من الشاي بالنعناع وجلست على سريري قليلاً ثم ذهبت في النوم..

استيقظت صباحاً مفزوع وأمي واقفة أمامي :

- أنا دايماً خاييه في خلفي يا رب خدني وريحني، يا إبنني قوم بنت خالتك عماله تتصل على

التيلفون الأرضي وتقولي صحيه عشان هيجيلي الكلية بصيتها وغمضت عيني ثاني ..

- مش عاوز تقوم يعني؟ الساعة 8 الصبح وشالت البطانية من عليا وقالت يخربيتك أنت

لسه بتنام بالبوكسر وعريان، ندهت على بابا قبل ما ينزل الشغل وقالتله إبنك مش عاوز

يقوم اتصرف؟

- اعملي زي ما كتتي بتعملي معايا زمان لما كنت ببقى مش عاوز اقوم.

أمي مسكت شعر صدري شدتني منه، قومت مفزوع وأتوجع.

- إيه يا ماما في إيه.. إيه الحركة الغبية دي!

قالتلي: أنا غبية؟

- لأ مش أنتي دي الحركة والله.

- طب يلا قوم.

نهضت من على سريري وأرتديت ملابسني واتصلت بجيهان وقلت لها قابليني عند بوابة

الجامعة وسأتصل بكي عند فور وصولي للبوابة لأنني قد نسيت ملامح الجامعة من بعد

التخرج

الشريط السادس

أشلاء الماضي وذكريات

الجامعة.

وصلت الجامعة قبل ميعادي، أقف انظر للجامعة وللمباني الجديدة التي شيدت فيها، كل شيء تغير، الأشجار والطرق، كل شيء أصبح مختلف وجميلاً إلى حد ما، إتصلت بجيهان أخبرها بأني قد أتيت إلى الجامعة وأقف أمام بوابتها منتظرها وعندما أتت لتأخذني قالت جيهان:

إيه يا إبني أنا مش قولتلك لما تيجي على البوابة تتصل بيا عشان أجيلك، وبعدين أنت جاي بدري عن الميعاد ودي حاجة حلوة أنت كنت واقف هنا بتعمل إيه؟

- مفيش أصل الجامعة اتغيرت أوي عن زمان كل حاجة حتى البنات بقوا حلوين، يلا نمشي من هنا، هي الحفلة مكانها فين؟!

- دي في مدرج 3 ... يعني حفلة كدا عاملينها تكريم لدكتور بتاعنا عشان هيعتزل التدريس .

- إيه دا هو في دكاتره بتعتزل؟

أنا اعرف إن الدكتور عمره ما بيعتزل التدريس دا أنا ممكن أتجوز وأخلف وأموت وهو هو نفس الدكتور بيدرس لأحفاد أحفادي، دي ناس يا بنتي مش زينا أعمارهم تفوق آلاف السنين.

لما وصلنا للمدرج وقابلت زياد ..

- إزيك يا ياسر.

- تمام، إزيك أنت وعامل إيه مع جيهان !

- كويسين، إسألها حتى أهى جنبك أهى.

- أنا عارف جيهان مبترضاش تزعل من الناس اللي بتحبهم حتى لو زعلوها.

دخلنا المدرج وجلسنا، جيهان مالت برأسها وتقول لي بصوت منخفض:

- البنت أهى اللي كانت في عيد ميلادي شكلها جايه علينا.

- بُصي لو لزقت حاولي تخلعيني منها يا جيهان ماشي !

- عيب أنا هتصرف .

لما وصلت فريدة للمكان الذي نجلس فيه قالت :

- هاي، إزيكم عاملين إيه؟ إزيك يا زياد أنت وجيهان !

"تجاهلتنى تماماً وكأنني غير موجود أو نسيت شكلي وفي الحالتين لا يهم"

جلست فريدة بجانب جيهان فقالت جيهان: عارفه مين دا يا فريدة؟!

فريدة: مش واخده بالي الصراحة، مين!

تنظر لي فريدة وتحاول ان تتذكرني..

جيهان: دا ياسر إبن خالتي كان معانا في عيد الميلاد .

فريدة: أه أه معلش مش واخده بالي منك نورت الجامعة.

"وضعت يدي على وجهي وضحكت لسبب خبثها بإنها لا تعرفني مع أن عينها لم

تتركني أبداً في عيد ميلاد جيهان".

وقت دخول الدكتور، دخل معه المُعيدين لكن وقتها لمحت معيده معهم، إستغربت من وجودها فسألت جيهان: مين اللي قاعدة على يمين الدكتور دي!

- دي الدكتور غدير..

- دكتورة بجد؟!

- لأ يا إبني دي مُعيدة بس هنا المُعيدين بنلقبهم بالدكاترة أنت فاهم بقى في مُعيدين بيزعلوا لو ماقولتش ليهم يا دكتور وممكن كمان يشيلوك المادة لو دخلت دماغهم.

- أه، فهمت .. بس غدير دي مُعيدة هنا أكيد؟

- أه يا إبني والله، أنا هكذب عليك ليه .. دي كمان مُعيدة زي العسل بتحب تضحك وتهز معانا ومش بتحب تسقط حد واحدة طيبة كدا.

- أه، طيبة فعلاً عندك حق .

قربت جيهان مني وقالت بصوت واطي:

- عارف فريدة دي كل سنة جيد جداً أو جيد عمرها ما شالت مادة والسبب إنها بتحكها مع كل المُعيدين الشباب وأنت فاهم بقى الدلع بينخلي الحديد يلين في إيدك..

- أه وهى مش محتاجة الصراحة دي لو هزت صدرها بس تجيب جيد جداً

ولو هزت حاجة تانية هتجيب إمتياز مع مرتبة الشرف.

ضحكت جيهان وضربتني علي كتفي، نظر إليها زياد والغضب مرسوم على ملامحه، كان منتبه لي أنا وجيهان يركز معنا دائماً وينظر لي وكأنه خائف أن اخطفها منه..

دخل الدكتور يتحدث عن إنجازته وعن حياته في التدريس وكيف وصل للمكانة التي قد حصدها وأنا انظر لغدير وقولت بيني وبين نفسي:

مازلتي صغيرة مثلما أنتي، مازل كل شىء فيكي جميل لا يوجد شىء تغير، اممممم من الممكن قد تكون أهتمت بنفسها لذلك زادت جمال أكثر ما كانت عليه..

عند إلقاء الدكتور لكلمته الأخيرة قال جملة:

" عشان توصل لازم تصبر ولازم تفشل لكن لو مفشلتش في الأول مش هتنجح في الآخر، أهم حاجة الصبر" ..

وأنا في المحاضرة رجعت بذاكرتي إلى الوراء لأول حب لي في الجامعة، غدِير..
غدِير هي من أحببتها، جالس افكر في كل شيء دار بيننا قديماً وكأنه أمامي الآن أراه بالصوت والصورة..

فكرتني كلمة الصبر بحديثاً قديم دار بيننا وأنا اقول لغدير:

يا غدِير مش أنتي معايا؟ متخافيش، خلينا نصبر ونطول بالننا على المشاكل اللي بتحصل ونحاول نحلها بتفاهم أكثر من كدا ولو على أهلك أنا هقدر اقنعهم مع الوقت بس اتمسكي بيا أكثر قدامهم، مفيش حد يبأخذ حاجة نفسه فيها إلا لما يتعب ويدوق التعب عشان نحس بفرحة إمتلاك الشيء بعد ما نوصله، بعد طريق طويل من الفشل.

- ياسر أنت بتحبني !

- يا غدِير بطلي الأسئلة الغريبة دي، يعني أنا ماسك إيديك وماشي جنبك على أساس إيه إبن عمك وبيلاعب معاكي! ما أكيد بموت فيكي.

- أصل أنا حاسة إنك مُمكن في يوم تسبيني كدا زي أصحابي ما اتعمل معاهم!

- يا بنتي أنا لو بتسلي بيكي كنت شوفت غيرك إحنا بقالنا حالياً 9 شهور مُرتبطين ببعض شوفتيني قبل كدا مسكت إيد غيرك أو قرصت واحدة في خدها غيرك أو خطفت بوسة من على خدها وهي مش واخده بالها! "ضربتني على كتفي وهي خجوله لما قولته وأكملنا طريقنا في السير"

ونحن جالسين تحت الشجرة سوياً، في المكان المفضل لنا أنا وأصدقائي وأصدقائها بنعلب سوياً لعبة الصراحه..

لفت الزجاجة وبات دوري أنا في توجيه السؤال إلي، وجه أحد الأصدقاء سؤالاً واحد لي:

- تفتكر هتكمل مع غدیر للأخر وتتجوزوا ولا...!
- أولاً بَص مش هقدر اقولك هنكمل ولا لأ بس طول ما إحنا مع بعض مفيش حاجة
هتقدر تبعدنا وطول ما إحنا قريين من بعض في التفاهم دايماً هنلاقي المسافات قصرت
أوي لكن لو كان انعكس كلامي أكيد مش هنعرف نكمل مع بعض مهها كان وفي الأخر
المكتوب هنشوفه.

- يا ياسر؟ ياسر! .. أنت يا إبني! ، مالك سرحان في إيه كدا؟

- إيه يا جيهان في إيه بس!

جيهان: يا إبني أنا عماله أنادي عليك الدكتور خلص كلام، أنت كنت سرحان في إيه!

- مفيش بس كنت بتخيل شويه حاجات كدا، متشغليش بالك إنتي بيا.

- طب يلا نمشي نروح نتغدى.

- فين الإحتفال دا وفين التورتة ولزوم الإحتفال!

- يا إبني أنا مش جيياك أساساً عشان الإحتفال، أنا جيياك عشان عاوزه اقولك إن زياد

اتغير معايا أوي يا ياسر، مبقاش الشخص اللي كنت اعرفه، دا لما عرف إنك جاي قال

يحضر معانا عشان شكله قدامك إنها لو مكتتش أنت موجود ماكنش عبرني فاهم!

- طيب أنا هتكلم معاه.

- طيب يلا بقى عشان أنا عزماك.

- طب وزياد؟

- متقلقش هو هيجيلنا على هناك عشان صحبه اتصل بيه رايحله عند مدرج 5 وجاي .

رأينا فريدة تسير نحونا وكأنها تقول لن أترككم اليوم..

إبتسمت لجيهان وقلت بيني وبين نفسي:

هذه التي كانت تقول لم اتذكرك ولكن من الممكن أن تكون آتية لجيهان!

ذهبنا نحضر بعض الوجبات السريعة، فوجئت بغدير أمامي واقفة تنظر لي ومبتسمة، ابتسمت لها وأجبتها بهز رأسي على سؤالها الذي يدور في خاطرها "أنت ياسر ولا حد شبه؟" اقتربت جيهان من غدير، خطر في بال جيهان بأنها آتية لها هي وفريدة..

قالت جيهان: إزيك يا دكتور؟

غدير: إزيك يا جيهان عامله إيه؟ وأخبار الدراسة معاكي؟!

جيهان: تمام.

"اقف بجانبهم وغدير ترد على جيهان وتريد أن تنهي حديثها معهم وتتكلم معي وعند كل إجابة منها تجد سؤال منهم" ..

غدير: إزيك يا ياسر!

"جيهان وفريدة وقفوا مستغربين إنها تعرفني؟!"

فريدة: أنتوا تعرفوا ولا إيه!

قولنا بصوت واحد أنا وغدير: أيوة.

ضحكنا كلنا فقالت جيهان: إيه دا يعني أنا بقى ليا ضهر ولا إيه!

- مش أوي يعني يا جيهان ..

غدير: فينك يا ياسر إختفيت من بعد ما خلصنا دراسة ومفيش حد عرف عنك حاجة؟!

- أه يعني، الدنيا بقى ياما بتشغلنا عن حاجات كتير في حياتنا، بس تعرفني مبروك أنا

فرحتلك لما عرفت إنك مُعيدة هنا وعارف إن مبروك جايه متأخر شويه بس معلش بقى.

- ما أنت لو كُنت بتسأل كُنت عرفت وباركتلي مع كل أصحابك دا حتى أحمد فراج

باركلي ..

"عند سماعي لإسم أحمد فراج إندهشت قليلاً لكن لم أبالي لأن أحمد كان على معرفه بها

منذ أيام الدراسة ولا زال".

وقتها جيهان: طيب يا ياسر أنا وفريدة هنسيبكم شويه وهنرجع تاني ماشي.

ذهبت جيهان مع صديقتها وآتت مرة ثانية وقالت لـ غددير ياسر أين خالتي والله يا
دكتور.. يارب ننجح.

وقفت مع غددير نتبادل الإبتسامات ولا نعلم ماذا نقول بسبب صدمة لقائنا المفاجئ بعد
آخر لقاء لنا منذ 7 سنين..

- تعالى نتمشى شويه في الكلية.

- ماشي.

ونحن نتجول طرق الجامعة قالت:

أنا انفصلت عن جوزي بمعنى أصح اتطلقت.

- مش عارف اقولك مبروك ولا اقولك معلش، هو أنتي مبسوطة ولا زعلانة طيب !

- أنا إتحوزت واحد أكبر مني ب 10 سنين يا ياسر ماكنش بيقولي عاوزك إلا عشان ينام
معايا، تخيل كدا حياتك كلها نوم في نوم زي ما يكون إنسان مريض نفسياً ولو رفضت
طلبه بيضربني ولو زعقت بيقولي أنتي بتعصي ربنا عشان بتعصي جوزك..

- طيب ماكنش في بينكم تفاهم خالص وبعدين أنتي بتحكي ليا كل الكلام دا مرة واحدة
كدا من أول مرة نشوف بعض فيها من فترة؟

- خايفة معرفش اشوفك تاني ولازم اقولك كل حاجة وبعدين بقولك حياته ودماعه
كلها في الشهوة يا ياسر تقولي تفاهم؟ دا كان لما بيحب يأكل كان بياكل لوحده، مياكلش
معاه، خوفت على نفسي منه وبقيت باخد حبوب منع الحمل عشان ماجيش منه أطفال
تتعذب، أجيب أطفال يلاقوا أبوهم همجي وحيوان كدا !

- مش دا اللي قولتي مناسب و معاه فلوس و معرف أعيش حياتي والحب مش كفاية
والواقع لازم نعيشه والحياة مش كلها حُب في حُب، مش كدا كلامك!

- يا ياسر أنا كُنت غبية لما فكرت اتجوز أصلاً، ما أنت عارف أهلي فضلوا ورايا لحد ما خلوني أوافق .

- لا لا لأ ثانية واحدة، إنتي قولتي ليا في آخر مكالمة إنك موافقه بدون أي ضغوط عشان هيلفك الدنيا كلها وهيحبك عربية وشقة وتهعيشي أسعد أيام حياتك مش كدا !

- أيوة أنا قولت كدا بس في سبيل العربية والشقة والسفر بقيت مجرد جسد كل ما يقولي عاوزك اقلع ولما يقوم أفضل أعيط ولما يسألني مالك اقله مافيش، ياياسر أنا عمري ما حبيت حد قدك لا عرفت أحب من بعدك..

دايماً كنت بعرف أخبارك من أحمد لما كان في إنجلترا دايماً كنت بسأله عنك يقولي معرفش أخباره دا حتى لما طلب رقمك أنا اللي إدهوله لإن لسه حفظاه، اتصلت بيك أكثر من مرة كُنت بترد وتقول ألو ألو وتقفل، كنت بسمع صوتك وأقفل بس عشان أرضي شوقي لإنك بتوحشني .

- مبقاش ليه لازمة الكلام دا يا غدير يعني الحياة اتغيرت وإحنا كمان اتغيرنا دا إحنا بقالنا كثير أوي مشفناش بعض يعني عمر يا غدير ولسه بتحبيني؟ صدقيني معتقدش .

- مش هكذب عليك دخلت في علاقات وحببت بس عمري ما حبيت حد زيك يا ياسر، طيبتك وحنيتك مش موجودة في حد تاني، حاولت أدور على حد زيك في حبك ليا بس ملقتش كلهم ورق يا ياسر، عبارة عن مجرد أشخاص بيعدوا على حياتنا وبس لو كلامي

ضايقتك يا ياسر اعتبرني ماقولتش ليك أي حاجة خالص وانسى إننا إتقابلنا أصلاً !

- مش كدا يعني متكبريش الموضوع أنتي دلوقتي مُعيدة وفي مكانه راقية وأكيد في حواليك كثير وعرفت من جيهان إنك بتعملي دكتوراه وتهبقي دكتورة يعني مستقبلك

هيبقى حلو فهمني؟ صحيح هو أنتي اتعيتتي أمتي مُعيدة في الكلية؟

"حاولت جاهداً أن غير محور الموضوع لأن أمس كان ماضي والشخص الذي كان معك أمس، أصبح مع غيرك" ..

- أنا اتعينت على طول بعدها بـ 7 شهور و ...

جيهان انقذتني منها ومن حديثها:

- إيه يا جماعة كل دا بتتكلموا طب بقولك يا ياسر أنا همشي بقى عشان هتأخر على البيت

وعاوزاك توصلني عشان الوقت أتأخر والبيت عندنا عارف إنك هنا ف سييني براحتي

ومش هينفع أمشي لوحدي.

إستأذنت غدير لكي نذهب لكن قبل أن أذهب،

غدير: هشوفك تاني في الجامعة؟

- أكيد قريب هتشوفيني.

- طيب، أشوفك على خير.

- سلام..

ونحن في الطريق أنا وجيهان:

- إنتوا كان في بينكم حاجة ولا إيه !

- لأ يا بنتي خالص دي كانت مجرد واحدة أعرفها زمان، واحدة زميلتي.

بصيتلي جيهان: اممم، واحدة برده؟ شكلك كنت مقضيها في الجامعة.

- لأ خالص، صحيح فين زياد وفريده؟

- واقفين عند البوابة مستيني أجيبك عشان نمشي .

- طيب يلا بينا نمشي عشان متأخرش عليهم.

" ونحن في طريقنا لبوابة الجامعة "

- جيهان: ياسر أمشي على مهلك عشان عاوزه احكيلك حاجة !

- خير !

- استني كدا الموبيل بيرد دي فريده شكلها بتستعجلنا هكنسل عليها، بُص زياد يا ياسر

مش حساه و شايفه إنه بقى عادي كدا مش عارفه ليه مُمكن هو اتغير أو أنا اللي اتغيرت يا

ياسر، بس أنا بحبه والله لكن هو مش متأكدة منه ومن وقت ما قعد معاك وهو متغير، طول الوقت مشغول كتير أوي وموبيله مشغول، لما اقوله موبيلك مشغول يقولي معلش أصلي بكلم أصحابي ما هما ليهم حق عليا زيك، مش فاهمه أسلوبه معايا أو مش حاسة بطريقته، اتغير جامد عن الأول..

- بُصي يا جيهان لو زياد بيحبك هيفضل معاكي وبعدين في كل علاقة بين أي إثنين بتحصل حاله من الملل لفترة والحاله دي هي اللي بتحدد إذا كان هيكملوا ولا لأ عشان وقتها لو الإثنين بيحبوا بعض فعلاً هيقعدوا ويتكلموا ويناقشوا علاقتهم بكل هدوء مدام في تفاهم بين أي إثنين هيكملوا فهماي !

- طب من وجهه نظرك أنت شايف إن أنا وزياد متفاهمين ؟!

- وأنا معرف منين أنتوا اللي جوا الدائرة مش أنا !

- بس أنا حساه مش هو يا ياسر، مش عارفة خايفة أوي، طب هو ممكن يكون بيحب غيري مثلاً؟! .. ولا يمكن عاوز يسبني فييجيها بالطريقة دي !

- طب إهدي بقى عشان إحنا وصلنا على البوابة .

"عند وصولنا عند البوابة"

فريدة: كل دا كتتوا فين دا إحنا كنا هنمشي أنا وزياد.

- معلش بجيب سجائر فمكتتش لاقى لفينا لحد ما لقينا سجائر، يلا نمشي.

"أوصلت جيهان إلى بيتها ونزلت بصعوبة بعدما امسكت خالتي في ولم تريد أن تنزلي

من بيتها لكي أكل معهم، لكنني عرفت أن أفلت منها بسرعة، نظرت للساعة رأيتها

4:30 لا أدري أذهب إلى ميادة في المطعم أم أذهب إلي البيت وفي اليوم التالي أذهب إليها

لتكون المقابلة من مختلفة عن أي مرة"

ذهبت إلى البيت وبعد زن أمي لكي تعرف ماذا حدث بيني وبين جيهان وعشمها الدائم

أن من الممكن أن يحدث شيء ثم قلت:

- مفيش والله يا ماما كان يوم لطيف يعني وحضرت معاها احتفال ولا إعتزال دا ولا إيه
لدكتور عندهم..

- أنت عمرك ما بترحيني أبداً دايماً لما أسألك عن حاجة بتلاوعي كدا على طول، يا رب
صبرني.

- ماما في أكل!؟

- بغضب، مش عارفه .

- يبقى في أكل.

وعند إنتهائي من الطعام إتجهت لغرفتي كالعادة وامسكت بقلمتي وكتبت:

صعب لما نلاقي نفسنا عبارة عن كتاب على الرف وقت ميلاقوش حاجة يعملوها
يفتكرونا وشويه وينسوننا، عادي بنبقى عبارة عن أداه بيسلوا نفسهم بيها وقت فراغهم،
قالوا هيستنوا ومستنوش..

قالوا هتلاقونا وتاهوا مننا..

قالوا مفيش حد هيفهمكم قدنا وطلعوا إن اللي حوالينا فاهمنا أكثر منهم، قالوا كلام مجرد
كلام قالوا لو إحتاجتونا هتلاقونا جنبكم ولما احتجناهم ملقناش حد قالوا إن اللي جاي
معانا حلو وطلع إن اللي جاي أصعب من اللي راح واللي راح كان مجرد بدايه للي جاي.

صعب لما تقنع نفسك بحاجة هي أصلاً غلط ومش هتحصل، بتحط إحتالات لو 1%
إنها ممكن تبقى صح، بتكذب على نفسك وعارف إنك كذاب بس بتعدي عشان ترضي
نفسك، تحاول مع نفسك وبتجي عليها عشان حاجة أنت متأكد إنها مش هتستمر،
فتحاول تثبت العكس رغم إن الحقيقة واضحة والنتيجة 0% مع شخص حاولت معاه
وفشلت مليون مرة..

المشكلة إن غدير فاكراة إن أنا ممكن ارجع تاني وأحبها وعادي بعد ما قبلت على نفسها
تكون لغيري ودلوقتي جايه وندمانه !

طب وأنا؟! فكرت فيا وقتها لما كنت بعيط لأول مرة في حياتي لما كنت واثق ومتأكد إنها
هتفضل معايا رغم إن أهلها كانوا رافضين وجودي في حياة بنتهم!
جايه دلوقتي بتقولي عاوزين نرجع، طب هرجع إزاي ولو أنتي فعلاً بتحييني أنا خلاص
حبي ليكي مبقاش ليه أثر جوايا، بقيت مجرد ملامح لو شوفتك اعرفك مش أكثر إنما
أحبك صعبة أوي، صعب نرجع.

"أغلقت دفترتي وجلست افكر ما هي الهدية التي سأهديها إلى ميادة وهل اختياري
للهدايا سيعجبها أم لا؟"..
امسكت هاتفي واتصلت بأحمد:

- أنت فين يا ض!

- أنا جنبك عند الميكانيكي العربية التحسدت يا ياسر ومش عارف منك ولا من جارنا يا
جزمة.

- طيب هينفع نتمشى شويه أنا وأنت اهو نجيب شويه حاجات عربية أبويا موجوة
نأخذها وننزل لو عربيتك مش سليمة.

- طيب أنا هسأله كدا لو العربية هتفضل عنده هجيلك ولو هاخذها وأنا ماشي اشطه،
طب بٌص استنى هسأله خليك معايا...، اهو يا ياسر العربية هتقعد عنده لبكرا، أنا
هعدي عليك دلوقتي يلا اجهز على ما اجيلك.

"عند وصول أحمد أخذته إلي منزلي يسلم على أهلي لأنهم يعرفونه جيداً ويحبونه منذ
صغرنا فأحمد الصديق الذي لم يتغير وفي كل مرة اثبت لي بأنه

أهل للثقة وبالرغم من بعد المسافات لم تؤثر علينا وبالرغم من إنشغالنا في الحياة لم ننسى
بعض أبدأ ودائماً معاً بالذكريات وأيام الطفولة الجميلة، جلس مع أمي وأبي وذهبت
لأبدل ملابسي وعند إنتهائي أخذته وأخذت معي مفاتيح المنزل وخرجنا الساعة 8:15
بالسيارة".

وأنا أقود السيارة بدأ أحمد يذكرني بذكرياتنا سوياً:

- فإكر لما كنا بنأخذ عربية أبوك القديمة ونخرج بيها نعاكس البنات على الكورنيش ولا لما كنت عاوز أخذ واحدة اظبطها فيها بس أنت قولتلي يومها لا لا عشان خاطري مش عاوز انجس العربية، فإكر!
- أيام وسخة شبهك .

- وقف عند أي كشك نجيب سجائر وحاجة سقعه نشرها .
"نزل أحمد ليشتري السجائر ومشروبات غازية".

قلت:

- أنا عاوز أجيب هدية لميادة ومش عارف أجيبها إيه؟ عايز حاجة كدا تبقى حلوة لما تشوفها تفرح يعني وتأخذني بالحضن وكدا.

- هى بيضة؟

- أه، ليه؟

- خلاص هاتلها طقم داخلي يكون أسود هيجنن عليها.

- أنا بتكلم بجد!

- بُص في واحدة كُنت اعرفها هى كندية بس عايشه في إنجلترا يوم عيد ميلادها جيبتلها شنطة مكياج، نمت معاها تاني يوم، هتلها شنطة مكياج حلوة كدا.

- ماشي.

"ذهبنا لأقرب توكيل مُستحضرات النساء"

اشترت حقيرة "مكياج" متوسطه الحجم وركبنا السيارة ووضعناها في الكرسي الخلفي

..

أحمد: إيه رأيك نروح نلف على الكورنيش شويه؟

- الساعة دلوقتي 10 ياعم أحمد .

- تعالى بس ناخذ لفه ونمشي .
- ماشي .
- أصل أنا كلها شهرين و ماشي .
- أنت و اخذ أجازة قد إيه؟
- أنا و اخذ أجازة 5 شهور ما أنا منزلش 5 سنين فواخذ على كل سنة شهر .
- أنا كمان و اخذ أجازة مفتوحة من الشغل و مكاني محفوظ، بقولك يا أحمد ما تشوفي أي سفرية معاك نطلع من البلد دي !
- أنا موافق و هجيبك على طول بس أنت أنوي وأنا تحت أمرك يا حبي .
- تمام، صحيح يا أحمد أنت كنت بتتكلم مع غدير !
- أه ، بس إيه فكرك بيها يعني ؟
- رد بس كُنت بتتكلموا إزاي ؟
- كانت بتكلمني على الفيس بوك كل فين و فين .
- و أخذت رقمي منها صح !
- بٌص يا ياسر أنت قولت زمان يا جماعة محدش يفتح موضوع البنت دي قدامي تاني عشان اللي هيفتحه هخسره وأنا احترمت كدا عشانك خاطر و عشان مخسر كش ماكتش بجيب في سيرتها لكن لو زعلان إن لسه بكلمها أنا مُمكن اقطع علاقتي بيها خالص عشان متزعلش .
- لأ مش للدرجة ، أصل شوفتها النهاردة في الكلية دي إتعينت مُعيدة .
- أه ياعم ما أنا عارف و اطلقت كمان .
- أه ما هي قالتلي، عاوزاني ارجعلها .
- طب حلو دي متجوزة و عايشة في شقة لوحدها يعني هتهيص جاريها أنت بس .
- بطل و ساخه بقي مش في دماغه خالص، يلا تعالى أوصلك بيتك .

"أوصلت أحمد لمنزله ورجعت أنا لمنزلي، فتحت باب المنزل ومعني الهدية ودخلت غرفتي بسرعة خوفاً من أن تراها أمي وخوفاً من أسئلتها الكثيرة، وضعتها في دولابي وجلست على السرير افكر كيف سأهديها الهدية؟" ..

الشريط السابع

كل شيء يحيط بي يطالبك بالعودة
عند دخولي منزلنا أشعر بالوحدة
عند دخولي لغُرفتك أشم رائحتك في ملابسك
البيت أصبح فارغاً بدونك..

مكتب المطعم

إستيقظت من النوم متأخراً الساعة 5 المغرب، لا اعلم كيف استطعت أن أنام كل هذه المدة! لا يوجد أحداً بالمنزل اتصلت بأبي وقال لي أنه أخذ أُمي وذهبوا ليشتروا مستلزمات المنزل، ذهب للحمام وقفت تحت الماء فنسيت إنني مازلت أرتدي ملابسني الداخلية، وبعد إنتهائي أمسكت بالمنشفه ورقصت قليلاً مجرد لحظة من لحظات الجنون، إرتديت ملابسني وخرجت أقابل ميادة وقبل أن اخرج من باب المنزل نسيت الهدية فدخلت المنزل احضرها ثم إتجهت إلى المطعم.

دخلت المطعم فلم أجدها جالسه على طاولتها فسألت أحد العاملين قالوا لي بأنها في المكتب - الدور العلوي- فقلت لهم:

بعد إذنكم قولوا لها أن يوجد شخصاً يدعى ياسر يريد مقابلتك..

ذهب أحد العاملين ليستأذنها أدركت بأنها أتية من صوت أرجلها على درجات السلم، ثم قالت:

- ياسر إزيك أنت كُنت فين ماجيتش إمبراح ليه، إستنتيك لدرجة إن لما روحت البيت قعدت افكر هو أنا عملت إيه يخليه مايحيش ليا، هو كلامي معاك المرة الأخيرة ضايقك أو قولت حاجة زعلتك وأنا مش قاصده؟!!

- لا خالص بس لما روحت البيت بنت خالتي كلمتني وكانت عاوزاني أروح معاها
الجامعة عشان حبيبها منفضلها وكدا وأنا واقف معاها في الموضوع دا، صحيح نسيت
إنفضلي دي حاجة بسيطة كدا مني ليكي.

عند رؤيتها للهدية فرحت بالرغم من أنها لا تعلم ما في العلبة، وكأنها فرحت بالهدية
أكثر، شاهدت في أعينها السعادة وأنها لا تحتاج أن تعرف ما فيها وأنها تحتاج فقط
للإهتمام، تحتاج أن تشعر بأن يوجد أشخاصاً يهتمون بيها مثل الطفلة الصغير..

- تعرف إن مافيش حد جابلي هدية من زمان أووي !

- ودي أحسن حاجة عشان يجي اليوم دا وأنا أكون أول حد جابلك هدية من فترة طويلة

أمسكتني من يدي وقالت: تعالى نطلع فوق هفتحتها في المكتب يلا تعالي.

"أمسكتني من يدي وباليد الأخرى الهدية وتجري على سلم المكتب مثل الطفلة الصغيرة
عند رؤية أبيها وهو بيده قطعة من الشكولاتة" ..

وضعت الهدية على مكتبها وقفت تنظر لها تخمن ما الذي موجود بالعلبة فأغمضت
عينها وهي تنزع غلاف الهدية ثم فتحت عينها فندهشت وجدت علبه أخرى مغطاه
بغلافاً آخر !

- إيه دا ودا كان غلاف !

- افتحي عيونك يلا شوفي الهدية !

"نزعت الغلاف ثم رأته ما بالعلبة، شنطة مكياج"

- إيه دا بجد، حلوووة أوووي يا ياسراً أقولك على سر كان نفسي أجيب الشنطة دي
أوي يا ياسر، أنت كل مرة بتفاجئني بحاجة مختلفة تماماً، أنا مبسوطه أوي إنك موجود في
حياتي..

- وأنا مبسوط عشان أنتي مبسوطه .

- بقولك كنت ناويه اشترى واحدة زيها بس تعرف دي أجمل من اللي كنت عاوزة اشترىها، ربنا يخليك ليااااا.

- ويخليكي ليا أنتي كمان ..

- تعرف أنت بتخليني أحبك غضب عن أهلي أساساً.

- ودا اللي أنا نفسي فيه لأن أنا بصراحة ب...، بقولك أنا عاوز أعرف حاجة بس شغلاني هي مين الأشخاص اللي أنتي معلقة صورهم دول في طرقة السلم وإحنا طالعين على المكتب؟!

أخذتني من يدي مرة أخرى ووقفنا أمام الصور المعلقة على الحائط وقالت:

دا جدي أبو بابا و دا جدي أبو ماما والإثنين دول أكثر ناس بحبهم من عيلتي يعني

عمي وخالي وخالتي، إنما الصورة الكبيرة اللي قدامك دي فدا قلبي أنا، بابا ..

- طيب ما تحكي لي عنه !

- ماشي بس افكر إن أنت اللي قولت احكي لي عن بابا..

- لأ احكي أنا حاب اعرف حاجات كتير عنك .

- ليه؟

- عشان بقيتي بالنسبالي كل حاجة في حياتي.

- هحكلك حياة صغيرة عن بنت كان عندها 6 سنين.

"قبل 19 سنة"

كان في بنت صغيرة عندها 6 سنين، سمعت ابوها يبسأل عليها وداخل اوضتها، عملت نفسها نائمة.. قرب منها وقعد على سريرها الصغير وحط إيدته على شعرها وفضل يلاعب شعرها بصوابع إيدته ويبوسها على رأسها ويركز في ملاحظها وهي نائمة حاسه بيه.

عملت نفسها لسه صاحيه ولما فتحت عيونها شافت أبوها قاعد قدامها بيتسم لبنته وبيقولها " صباح الخير " كان مخبي حاجة ورا ضهره وفتت على سريرها بتنتطت بتحاول تعرف هي إيه الحاجة الي مخبئها دي؟ وتهتبط لو أبوها مورهاش الي مخبئها ورا ضهره ! لمحت بعينها الشكولاتة الي بتحبها قربت من أبوها وباسته على خده، حط أبوها إيدته حوالها وشالها وطلع بيها على الصلاة

قعدها على رجله وهو بيلاعبها ويفتحلها الشكولاتة تأكلها وبتقول أنا بحبك أكثر من ماما جاله تليفون لبس هدومه وهيخرج.. بصيتله بنته :

- خدني معاك يا بابا.

- أنا رايح مشوار في شغل لما ارجع هاأخذك ننزل أفسحك لوحك من غير ماما أنا وأنتي وبس وهنأكل شكولاتة كتير أوي.

لسه هتعيط قعد على الكرسي وقعدها على رجله

قالها: هي ساعة واحدة بس وهتلاقيني هنا عندك ألبسي هدومك على ما أرجع عشان ننزل بسرعة ومتأخرش على ماما ونرجع بدري عشان تنامي وتروحي مدرستك فرحت أوي ودخلت تجري أوزتها وهي عندها 6 سنين قعدت تدور في لبسها وتجبب الكرسي تزوقه على التسريجه وتطلع برجليها الصغيرين عليه وتوقف قدام المرآة، قدام مرآة مامتها وتبص للفورش والكريمات وكل حاجات مامتها وهي حاطه إيدها على خدها بتفكر تعمل إيه !

جابت الفورشه و بتسرح في شعرها، شافت قلم روج أمها بتستعمله مسكته وقعدت تعمل زي أمها ما بتعمل لكن كانت عامله زي الأراجوز المضحك وشها وحوالين شفايفها أحمر في أحمر..

دخلت أمها عليها ضحكت على منظرها..

أمها: أنتي بتعملي إيه يا هبله مش كده يا حبييتي .

بتتها: بابا قالي ألبس واحضر نفسي عشان هننزل أنا وهو بس مالكيش دعوة أنتي مش بتجيبني ليا شكولاته بس بابا حبيبي بيحبيب ليا أنا وبس، أمها شالته وقعدتها على التسريحه وفضلت تسرح لبتتها شعرها وبعدها حطتلها روج وبعدين قالتلها: استني هحطلك كحل في عيونك الحلوين دول يا حبيتي وبعد ما جهزت بتتها قالتلها: اقعدي يلا استني بابا لما يجي .

بتتها: ماما هو بابا لسه كتير على ما يرجع من الشغل؟

قالتلها: لسه يا حبييتي شايفة الساعة دي لما العقرب الصغير ده يجي على 7 هتلاقي بابا بيرن جرس البيت وهتفتحي الباب تلاقيه على طول.
قربت البنت من ساعة الحائط وقعدت قدامها، حاطه إيديها على خدها مستنيه أبوها يرجع ..

قالت لأمها: هو العقرب ده غلس ليه؟ يمشى براحة أوى يا ماما؟

أمها ضحكت وقالتلها: هي العقارب كده يا حبييتي بتمشي براحة دايماً ..

لما سمعت البنت جرس الباب في ثانية نطت من على الأرض لقت نفسها بتفتح الباب، شافت أبوها واقف قدامها ويضحك ..

بيقولها: إيه ده اللي أمك عملاه فيكي ده؟

أمها: هي اللي عاوزه تتذوق اعملها إيه بس .

شالها أبوها علي كتفه ومسك إيديها ونزل بيها قالها أوعي سيبي شعري

قالتله: لأ لو سيبت شعرك هقع من علي كتفك، عاوزني أتعودر !

ضحك على كلامها وخدها ونزلوا زي ما وعدها ..

نزل من شقتهم وخدها عند الكشك بتاع الحلويات اللي قدام بيتهم وطلع من جيبه فلوس وقالها: يلا شاوري أنتي بس من فوق يا ميادة وأنا هجيبلك اللي أنتي عاوزاه، جابلها

كيس كبير فيه حلويات كثير، لما حاسب الراجل على الحاجة نزلها من على كتفه وخذها يتمشوا على البحر ماسكة في صباع إيده بإديها والإيد الثانية شايله فيها الكيس الحلويات وخايفة تسييه لأنه من حبيها، أبوها أغلى حاجة عندها..

شافت كلب ماشي من جنبهم خافت وحضنت أبوها من رجليه حط إيده على رأسها يطمئنها وبعدها قعدوا على البحر يُصلها و تَبُصله وهو يضحك وهي بتاكل الحلويات

قالها:

- بتحبي بابا؟

- بحبك قد الكيس الكبير دا.

- قد الكيس دا بس؟

فتحت ذراعها على الآخر وقالتله بحبك قد كده..

"قرب منها وباسها"

مسكت شكولاتة مش عارفه تفتحها إدتها لأبوها يفتحها وبعدها نطت على رجليه وفضلت تاكل وهي بتاكل كأنك بتاكل حته وتدي لأبوها حته وهو بياكل غصب عنه لأنه مش بيحب السكريات و عنده السكر لكن عمره ما خذل بتته في أي طلب تطلبه منه أو حتى لو مديت إيدها ليه بتلاقي ذراعات أبوها مفتوحة ليها يحضنها..

كانت بتقسم كل الحلويات اللي معاها بينها وبين أبوها..

أبوها: يلا عشان نروح البيت؟

- خلينا شويه يا بابا ..

- ماما هتقلق.

مسكت خدود أبوها بإديها وقالتله: بتحبني ولا بتحب ماما؟

- بحبك أنتي وماما.

- لأ حبني أنا بس، ماما مش بتخرجني أنت بتخرجني حبني أنا بس.

ضحك أبوها وخدها في حضنة وباسها على خدها وقالها طب يلا بينا بقى .
وهما راجعين لبيتهم بص أبوها لبتته لاقاها بتبص على الكيس الكبير اللي هو جايه ليها
أصله خلص، أول ما وصولوا تحت البيت قرب من نفس الراجل بتاع الكُشك اللي عند
بيتهم ..

أبوها: يلا اختاري اللي عاوزاه .

بتته: هتجيب تاني؟

قال: أه .

فرحت أوي وأشرت من تاني، خدها وطلعوا على البيت فتحت أمها الباب
دخلوا وقعدت تضايق في أمها بكيس الحلويات وتقولها بابا بيحبني أنا..
لما شافت أبوها بيبوس رأس أمها جريت عليه وزقت أمها بعيد عنه وقعدت في النص
وعماله تزق في أبوها بعيد عن أمها وهي بتزعق ومتنرفة أوي وقالت:
- متبوسهاش بوسني أنا بس .

- بس دي مراتي؟

- لأ أنت مراتي أنا .

ضحك وخذ بتته في حضنه وحط ذراعه الثاني على كتف مراته لما شفات ميادة ذراع
أبوها على كتف أمها شالت ذراع أبوها من على أمها وأمها بتضحك وفرحانة بحبها
لأبوها ومبسوطة إن بنتها بتعشق أبوها زي ما أمها بتعشق جوزها..
أول ما حسيت ميادة بالنوم بصيت لأبوها وهي حضناه وبتتاوب وبتقفل في عيونها.
ابوها قالها : عاوزه تنامي؟

بصيتله وبتدعك في عنيتها بإديها شالها خدها على أوضتها نايمها على سريرها
لسه جاي يقوم مسكت في صباع إيده بإديها قالتله:

- خليك .

- يا حبيبي أنا مش هبعد عنك أنا جنبك اهو .
- طيب خليك جنبي يا بابا متسبنيش .
- يا حبيبي أنا هفضل جنبك وعمري ما هسيك أبداً .
- مسكته من هدومه وشدته ليها بصلها وإبتسم قرب منها و نام جنبها وفضل يلعبها في شعرها ويكلمها بصوت واطي عشان تنام ..
- وفجأه قالتله:
- بابا هو ربنا فين؟
- ربنا فوق السحابة الزرقة وفوق النجوم الصغيرة اللي بتنور بالليل .
- هو ربنا شايفنا؟
- أيوه شايفنا كلنا .
- يا بابا ربنا مش بيجي ليه نشوفه ويقعد معانا؟
- ربنا شايفنا وهو قريب أوي كلنا هنشوفه يا حبيبي و ربنا بنحبه وبيحبنا وجوانا حاسين بيه وبوجوده حوالينا دايماً .
- فضلت حضناه وهو نايم جنبها بإيديها و برجليها لحد ما راحت في النوم وكل مايجي يقوم تقلق ويفضل جنبها لحد ما نام وهو كان في حضنها ..
- دخلت مرارة عليه نايم وحاضن بنته جابت البطنية وغطتهم هما الإيتين وسابتهم يكملوا نوم للصبح عشان كل ما يقوم تقلق وتمسك فيه بأيديها .
- اتعودت إن كل يوم تقعد قدام الساعة تستني أبوها عشان يخرجها وعماله تنفخ لإن العقرب كان مُل أوي بالنسبالها بيمشي على قده، و مستنيه جرس البيت يرن عشان يأخذها أبوها يفسحها زي كل يوم ..
- كبرت وبقي عندها 9 سنين ولسه برده بتقعد تبص للعقرب عشان ابوها ياخذها يشتريلها كيس الحلويات بتاعها من عند الكشك اللي جنب البيت .

وفي يوم هي قاعدة مستنيه جرس البيت یرن نطت كالعاده تفتح الباب لاقیت واحد
بیسأل عن البيت جات أمها بتكلمه أغمي عليها، أبوها كان عمل حادثه البنت واقفه
مش فاهمة حاجة، واقفة بتبص للراجل ولأمها الي واقعة على الأرض جريوا الناس
شالوها وفوقوها وراحوا المستشفى وبتتها معاها ..
دخلت مراته وفي إيدها بنتها..

قالت ميادة: ماما هو بابا نايم ليه هنا؟ ليه مينا مش على السرير بتاعه؟!
بصيتها أمها وهي بتعيط ومش عارفة ترد عليها.
أمها: بابا نايم يا حبيبي شويه جريت بنته عليه وبتشد في صباح إيده زي ما بتعمل كل مرة
بتشده عشان يقوم ويصحى من النوم ياخذها في حضنه ويخرجها معاها.
بتحاول تشده تقومه لكن مفيش رد فعل من أبوها !

بصيت لأمها ومش فاهمه حاجة؟
بتسّمك في السرير بإيدها عاوزة تطلع على السرير لأبوها.
شالتها أمها طلعتها جنبه وهو ميت.

حطيت إيدها على صدر أبوها وفضلت تبصله وهو نايم وروحه مفارقه جسمه، بتبصله
وبتمد إيدها تمسكه من خدوده زي ما بتعمل يمكن يصحى ويقوم يروح معاهم البيت.
قالت لأمها: صحى بابا يا ماما يلا عشان يروح معانا البيت معانا أمها واقفه بتعيط ومش
عارفة تقول لبنتها إيه؟ مش عارفة تقولها لبنتها إنه مش هتشوفه تاني ودي آخر مرة
هتشوف فيها أبوها قدامها.

حطت بنته رأسها على صدره وهو نايم عاوزة تسمع دقات قلبه زي ما كان أبوها بيخليها
تسمع دقات قلبه وهو بيقولها بحبك..

مش سامعه صوت، فضلت نايمة على صدره وساكته مبتكلمش زي ما يكون حسيت أو
فهمت ومن الصدمة ساكته ومش عارفة تعمل إيه؟

شالتها أمها من عليه ووقفها جنبها وهتاخذ بنتها وهتخرج تطلع من الأوضة وبتتها ماسكة في صباح أبوها بإيديها الصغيرين مش عاوزه تسيبه وتمشي..

عاوزه تفضل جنبه لأنه قالها : أنا هفضل جنبك يا حبييتي.

وهما بيمشوا لباب الأوضة عشان يطلعوا منه كانت بنته بتبص على أبوها وهو نايم مش

فاهمة أبوها نايم ليه كده؟ مش فاهمة أمها وخداها على فين من غيره؟

شافت الناس شايله أبوها وحطينه في صندوق..

قالت لأمها: هو بابا رايح فين؟

- بابا رايح لربنا يا حبييتي وهيجي تاني.

- هيتأخر يا ماما؟

- بُصي للساعة يمكن يجبط علينا ويدخل.

لما أدفن كانت أول ليلة تنام فيها من غير ما تنام في حضن أبوها، أول ليلة هتنام من غير ما

أبوها يحط إيدته على رأسها يطمئنها إنه موجود صحيت من النوم تلبس هدومها وقاعدة

بتبص لعقرب الساعة مستنياه يعدي عشان تسمع جرس الباب زي كل مرة وتفتح تلاقي

أبوها بياخذها من إيديها ويخرجها فضلت

قاعدة مستنياه كثير لكن أبوها مجاش زي ما كان بيوعدها دايباً، حاولت أمها تقرب منها

أكثر لكن عمرها ما هتقرب زي ما كان أبوها منها قريب أوي منها وحاسس بيها

وبتجنبه..

مات أبوها وسابلها مطعم كبير مكتوب بإسمها خوفاً من عيلته لأنه عامل حساب اليوم

ده، يوم موته، يوم ما يجروا ينهشوا في أمها وفيها..

وبعد ما اتخرجت من الكلية بسنة ماتت أمها بسكتته قلبية وبعد ما كانت قاعدة تستني

أبوها، بقيت قاعدة تستني الإتين قدام عقارب الساعة.

حسيت البنت بنقص جواها، حسيت بحاجات كثير بتضيع منها، مش لاقية أبوها اللي كان دايماً جنبها وبتنام في حضنه للصبح ولا شايقة أمها اللي في عيونها نظرة خوف على بنتها من الأيام .

بدأت تحس بمعنى الغياب وعرفت يعني إيه موت ويعني إيه اللي بيروح مش راجع ويعني إيه قلوبنا متعلقة بقلوب تحت التراب، كبرت ولسه فاكره الإيتين .

فاكره صوته وضحكته ،حنيته عليها، فاكره حضنه وإيده لما كأنت بتلمسها، فاكره كتفه اللي كان بيثيلها عليه وإيديها حاسه بشعره لما كانت بتمسكه منه كبرت ولسه برده فاكره أبوها بتفاصيله ومش ناسيه أمها بحنيتها وطيبتها، سامعه صوتهم اللي بيتردد جواها و حاسه بدمهم اللي بييجري في عروقها وملاحمها اللي واخداها منهم ..

أبوها سابله المطعم بإسمها تديره وتكبره وزى ما أبوها حافظ عليه هي كمان أصرت تحافظ على الحاجة الحلوة اللي من تعب وريحه أبوها وشقى عمره بتكمل يومها زي أي حد بيكمل يومه وتروح تنام عشان تصحي تاني يوم تكمل عايشة حياتها وبتضحك وعادي عايشة طبيعية من بره زي أي حد مفيش أي فرق بينها وبينهم لكن عمر ما كان اللي جواها سهل أو شىء عادي .

لإن ببساطه مفيش حد تحكيه اللي جواها أو تشكيه تعبها اللي حساه فبتخرج كل اللي حساها جواها وعلى شكل حروف صغيرة نايمة على سطور دفترها ترجع من الشغل تتغدى تدخل أوضتها، يا تنام يا تفتح التلفزيون تتفرج لحد ما تنام وهي مش حاسة بنفسها ..

كان نفسي يفضلوا جنبي، يفضلوا معايا لحد ما أكبر، أصحي من النوم على صوتهم وأنام وأنا مطمئن، كان نفسي أحس بيهم وأنا كبيرة أكثر، كان نفسي أعيش حياتي كلها وهما حواليا أخذ رأيهم قي قراراتي، أسمع صوتهم الدافي وهو بينصحني كان نفسي أحس بإيديهم وهي بتطبطب عليا وتخفف تعب يومي .

أنا عارفه إنهم شايفني وحاسين بيا، وأنا حاسة بيهم وشامه ريجهتم، سامعه صوتهم لسه بيتردد في ودني، كان نفسي أحس بحضنهم وقت ضعفي ويقويني..

مش عارفة أعمل إيه من بعدهم، صحيح عايشة بس من جوايا تعبانة والهلاك ساكن ضلوعي، كل حاجة فكراهم، جدران البيت نفسها إيديهم تلمسها ومفتقداهم.. جربت الوجدع و الفراق من صغري واتعودت على البُعد، بقيت بخاف من الناس وبخاف أكثر أقرب منهم، حاسة بالوجدع جوايا وبتهرب من كلامهم، وشوشهم غريبة مش متعودة عليها وكلامهم أسخف منهم نفسي الاقي الشخص اللي يعوضني و يجبني و يفهمني من غير ما أتكلم، نفسي الاقي نفسي اللي تاهت مني وأنا صغيرة معاهم، نفسي أحس بالأمان..

نفسى ألاقى الشخص اللي معاه مخافش من أي حاجة كل ما أبص في عيونه تزيد قوتي بنفسى أكثر، نفسي أعيش حياتي طبيعي من غير فراق..

وجود الناس حواليا لوحده مش كفاية، محتاجة حاجات كثير أوي غيرهم معايا، محتاجة "حب، حنية، طبطبة" محتاجة شخص يجبني ويفضل معايا، محتاجة ربنا يعوضني عن اللي فات من حياتي، محتاجة السعادة في حياتي أوي محتاجة أحس بالإحتواء اللي عمري ما حسيت بيه أبداً نفسي أعيش حياتي طبيعية زي الناس أصحي من النوم مبسوطه مشيلش هم حاجة، ألاقى الشخص اللي يشيل عني وأشيل عنه..

أيأ كان مين الشخص اللي هجبه ويجبني مش عاوزه منه غير إنه يحس بيا ويهتم ويشيلني في عيونه زي ما أنا هشيله جوايا لأخر عمري، نفسي في حُضن ينسيني الوجدع اللي جوايا، حُضن يخليني انسي أى حاجة مزعلاني، حُضن يعيشني لسنين قدام من غير حزن ولا كتان مشاعر.

خايفة أوي من بكره ليحي وأنا لسه لوحدي، خايفة أوي أموت قبل ما أدوق طعم
سعادة الدنيا وأنا في حُضن اللي بحبه والي بيحبني، أنا خايفة أوي وبجد نفسي أوي
نفسي...

وبعد إنتهاها من حكايتها قالت :

- فهمت حكاية الإنسانية اللي بقيت كل حاجة في حياتك زي ما بتقول؟ صدعتك أنا مش
كدا؟!!

- لأ خالص، أنا حبيتك أكثر من الأول يا ميادة !

- وأنا نفسي تكون بتحبني بجد لإني بصراحة وثقت فيك عشان كدا قولتلك.

- طب إيه رأيك بقي أنا عازمك على الغدا وفي مطعمك.

- ضحكت، مش لدرجة دي تعزمني في مطعمي يعني !

- يلا بس أطلبي حاجة نأكلها..

- بسببي أنا خليتك تخلص كل فلوسك عليا عشان تشوفني هنا.

- مش مهم عندي حاجة على قد ما المهم أوصل لقلبك.

عارفه! كنت بقول مش مهم تحبني ومش مشكلة لو تتقبلني صاحب أو تتقبل وجودي

مهما كان أو على أي شكل لدرجة إن فكرت اشتغل عندك في المطعم أي حاجة بس عشان

أشوفك، أنتي عملتيلي هوس في دماغني..

"المويل رن"

- ثواني أشوف مين؟ رقم غريب !

- ألو، مين معايا !

- أنا غددير "عند سماع اسم غددير ارتبكت أمام ميادة وكأنني ارتكبت جريمة"

- إزيك يا غددير !

- أنا كويسة أنت فين؟!!

- أنا بره البيت هكون فين يعني !
- أنا كنت بسأل عليك بس أصلك مسألتش !
- ما أنا مش عارف رقمك أصلاً .
- أه، طيب عموماً أديك عرفته
- هكلمك قريب عشان أنا مشغول فعلاً..
- ماشي، سلام..
- بعد إنتهاء المكالمة سألتني ميادة:
- مين دي ؟!
- دي واحدة حكايتها طووويلة أوووي.
- أيوة يعني مش فاهمة مين دي ؟!
- شعرت من نظرة ونبرة صوت ميادة بالغيرة ...
- بُصي دي حوارها طويل أوي بس ناكل الأول وبعدين أقولك كل حاجة عنها، لأنها واحدة نادرة من نوعها..
- ماشي، ناكل وماله يا ياسر ناكل..
- ابتسمت لميادة وامسكت بيدها لأطمئنها بأن قلبي لها هي وسعادتي بداخلي تفوق كل
- شيء..

الشريط الثامن

بين الغيرة وعدم الثقة شعرة لا يراها إلا القليل

حواديت زمان

طلبنا الطعام سوياً وبعد الإنتهاء صممت أن ادفع ثمن الطعام لإن في إتفاقي معاها بأني من سيعزمها على الغداء وبعد محاولتها دفعت أنا الحساب رغم انها الجميلة..

قالت لي ميادة بأسلوب فيه بعضاً من السخريه:

- مش هتحتكي موضوع بتاع الأنسة غدير!

- شوفي لما كُنت في الجامعة حبيت غدير وكان يُعتبر أول حُب ليا في حياتي، دا كان بس لما قابلتك عرفت المعنى الحقيقي للحُب، المُهم إرتبطنا ببعض وعشنا أيام حلوة وكانت متمسكه بيا جداً يعني تقدري تقولي ماشية ورايا زي ضلي وداياً مقتنعه بأفكاري ومتفاهمة معايا أوي وفي آخر سنة لينا قررت اتقدم طبعاً هي فرحت أوي وحددت ميعاد مع أهلها وأبوها..

روحت البيت لوحدي عشان الأول اتكلم عن نفسي لو عجبتهم يبقى أجيب أهلي والموضوع يبقى رسمي أصل مش هينفع أجيب أهلي في أول مقابلة عشان الإحراج إفرضي رفضوا أو قالوا كلمة مش حلوة وقتها مش هستحمل إننا لو أبوها قالي أنا كلام فأنا عادي هستحمل نتيجة فعلي وفعلي هو أن أنا روحت اتقدم..

لما وصلت البيت قعدت مع أبوها وكان شخص كويس معايا جداً وقولته إن أنا خريج هندسة نفس بنته ونفسي اتجوزها وتبقى من نصيبي اتشرف بالنسب العظيم دا أبوها:

- دا شرف لينا يا إبني بس لازم أهلك يبقوا معاك عشان يبقى الكلام على وضوح
ونعرف ناويين على إيه معنانا !

منكرش إن فرحت وجريت على أهلي وحكيتلهم وبعد محايله طويلة بابا وافق وماما
وافقت إلا حد ما لإنها كانت بتفكر في حاجات كذا زي إنها شيفالي واحدة معينة في
دماغها هي، بس بعد الضغط مني ومن بابا وافقت وروحنا نتقدم رسمي أنا وأهلي يومها
حصل الي عمري ما كُنت متوقعه أبدأ في حياتي ..
دخلنا قعدنا وقدموا لينا الواجب، بابا فتح الموضوع واتكلم وأمها كانت قاعدة وأخوها
قاعد وأبوها، أبوها :

- أنا عاوز شقة لبنتي تبقى قريبة مني وفضل يطلب في طلبات كتير أوي لدرجة إن أنا
خوفت للحظه إن أمي تفتح بوقها عشان عارف إنها في الحق بتتكلم ومش بتخاف من
حد مهما كان، كانت طلباته صعبة وغريبة اللي هو يعني إيه حضرتك اعملها فرح
مايكونش تكلفته أقل من 60 ألف جنيه والشبكة ماتكونش أقل من 50 ألف جنيه،
المشكلة إنه مش بييخص للشخص اللي قدامه إنه لسه في بداية طريقة ولسه هيكون نفسه
ولسه ولسه ولسه .. صحيح أهلي هيساعدوني حتى لو بحاجة بسيطة، أمي وقتها
اتكلمت:

- يعني أنتوا شايفين انه لسه هيبداً حياته وبتطلبوا طلبات صعب إنه كا شاب لسه في
بداية حياته ينفذها.

أمها: لو إبنك مش قادر على طلباتنا ف كل شيء قسمة ونصيب ..

وقتها وقفت من مكاني وقولت شكراً يا عمي على الواجب اللطيف دا وفعلاً هي قسمة
ونصيب زي ما حضرتك قولت، وقتها بابا بصلي بنظرة غريبة مفهمتهاش إلا بعدها بفترة
وإحنا طالعين من البيت أمها قالت بصوت عالي عشان تسمعنا وإحنا ماشيين:

لما هو لسه متخرج ومش قادر جاي ليه هو وأبوه وأمه ما كان يقعد في البيت جنبهم أحسن، أنا بتي لازم تتجوز أحسن جوازة وبكره تسمعوا وتشوفوا..

قولت لماما ولبابا: أنا أسف عشان أخرجتكم مع الناس دي وأسف كمان إن معرفتش أجيبلكم حقكم منهم..

بابا: يا إبني كفاية وقفنك قدمهم وأنت بتقول شكراً وهنمشي دي بحد ذاتها كرامة لأمك وأبوك إنك دوست على نفسك عشان خاطرنا ومحملتناش فوق طاقتنا..

طبعاً أكتشفت بعدين إن غدیر كانت قايله لأمها عليا وأمها أصلا من البداية مش موافقة وناوية تبوظها ليا عشان شايفه عريس أحسن مني وأبوها لما جه في صف غدیر كان عشان مش عاوز يكسر بقلب بنته والطلبات اللي اتطلبت كانت عن لسان أمها بصوت أبوها، يعني تحسي إن راجل البيت واحدة مش واحد..

غدیر كلمتني تاني يوم:

- أنا بحاول يا ياسر بس ماتسبنيش أنا بحبك والكلام الحلو اللي يحسك إن الشخص اللي معاكي متمسك بيكي وأنا فكرت مرة وإثنين وقولت هحاول عشان بتحبي بس للأسف كانت كل المحاولات فاشله وبرده كُنت متمسك بغدیر لكن جالي مكالمه بعدها بأسبوع من غدیر..

- أنا أسفه يا ياسر مش هقدر أكمل معاك لأن خلاص أنا تعبت وبصراحة جايلي عريس كويس شغال بره مصر وهيقدر ينفذ طلبات أهلي وشاب كويس ومن عيلة محترمة، ربنا يوفقك في حياتك..

ردي عليها كان بسيط جداً وهو: طيب..

ومن بعدها إتقطعت علاقتي بيها تماماً حتى صحابي لما كانوا يجيبوا سيرتها قدامي:

- اللي هيفكر يجيب سيرتها تاني ميعرفنيش ويبعد وينسى أسمي تمام!

كُلهم تقبلوا رغبتى وأحمد فراج صاحبي وقف جنبي وساعدني أعدي من المحنة دي بـكُل
الطرق لحد ما بعدت عنها ودلوقتي جايه عاوزه ترجع بس بعد ما إطلقت من جوزها
الي من عيلة كويسة وشغال بره مصر وهيعيشها أحسن عيشه .

ميادة: طيب يا ياسر مش مهم زمان والمهم عندي دلوقتي.

- ودلوقتي أنتي كل حاجة وعشانك أعمل أي حاجة، المهم أنا همشي عشان الساعه بقيت
11 بالليل.

- طيب هشوفك بكره ولا؟!!

اعطيتها رقم هاتفي..

- خلاص رقمي معاكي وقت ما أوحشك إتصلي هتلاقيني .

وقفت بجانب الطريق انتظر المواصلات ولكن كان الطريق شبه معدوم، لا توجد أي
سيارة، وقفت ساعة كاملة إلى أن وجدت سيارة أجره وكان يرى أن الطريق طويلاً عليه
فقلت له اذهب معي وسأعطيك كل ما تطلبه، وافق ثم ركبت معه وأخذني الي منزلي،
دخلت من الباب متجهاً إلى غرفتي، إذا بأحداً يطرق الباب فقلت..

- إدخال يا بابا..

- عرفت مين إن أنا مش أمك؟!!

- أمي دايباً بتدخل دخالات شرطة الآداب، رزع الباب وبتهجم معندهاش حوار تخبط
على إبنها ولسه مقتنعه إن أنا طفل وكل ما أقولها يا ماما أنا كبرت! تقولي كبرت على
نفسك مش عليا دا أنا كُنت بغسلك شختك يا معفن.

ابتسم أبي وقال بصوت هادئ: أنت سييت الشغل ولا هما اللي رقدوك!

- خالص يا بابا أنا واخذ أجازة مفتوحة بدون مرتب .

- في حد مزعلك هناك!

- لأبس محتاج أرتاح شويه وماشي في موضوع كدا إحتمال أحمد ياخدني معاه إنجلترا بره
وأعرف أعيش أحسن من كدا..

- طيب أصل أمك قلقانة عليك بس فقولنا نعرف حكايته إيه !

- متخافش أنا عارف مصلحتي فين يا بابا.

- تصبغ على خير يا إبني .

- وأنت من أهله يا بابا وخلي أمي تهدي من الشخير شويه عشان تعرف تنام.

رقم مجهول يتصل بي..

- ألو ، مين معايا !

- أنا زياد يا ياسر.

- زياد مين ؟

- أنت لحقت تنساني !

- زياد وجيهان !

- أيوة، إزيك !

- تمام وأنت ؟

- كويس يا ياسر، أنت تيجي بكره الجامعة لو سمحت عشان جيهان تُحها فلت منها

وعماله تخطف بالكلام وتغلط وأنا قولت أرد عليك عشان متزعش مني لو عملت

حاجة ..

- لو عملت إيه؟ ما تخلي بالك من كلامك يا زياد حتى لو بتخطف ومجنونة إيه لو

عملت حاجة دي ؟!

- مش قصدي يعني أنا أقصد لو زعقت مثلاً أو سبنا بعض !

- براحتك تسيبوا بعض تفضلوا بس متزعش فيها، عموماً أنا جاي بكره متقلقش

وهنشوف الموضوع إيه يلا عاوز حاجة ؟!

- لا سلام..

خلدت للنوم وفي اليوم التالي ذهبت إلى الجامعة لجهان لأنني قد وعدتها بأنني سأكون لها الأب الذي يخاف على إبتته ويحميها من كل ضرر ..

عند مقابلتي لها تفاجئت بأنني هنا فقلت: مالك إيه اللي مضايقتك؟!
قالت:

- أنا جوايا كثير أوي يا ياسر مش مستحمله ومش قادرة استحمل أكثر من كدا..

- الواد دا زعقلك ولا شتمك أو أي حاجة؟!

- جهان: زياد بيحب فريدة يا ياسر مش بيحبني أنا على طول الآقيهم مع بعض ودايماً بيتكلموا وأي مشكلة تحصل يدخل فريدة تحكم ما بينا زي ما يكون فريدة من أهلي ولا حاجة.

- جهان عاوزه نصيحتي؟

- ياريت؟!

- الولد دا مش راجل وأنا مُتأكد من اللي بقوله وعرفت دا من أول مقابلة بيني وبينه لما قالي إن أهلي هيساعدوني وهيصرفوا عليا دا غير إنه عاوز يخطبك في الدراسة، يا بنتي أنا كُنت عايش في علاقة زمان وكُنت رافض اتقدم وأنا في الدراسة وبعد ما خلصت أنا موافقتش عشان مش هحمل أهلي كمان مسئولية جوازي وكفايه إنهم فضلوا يربوا فيا لحد ما أكبر إنما زياد دا هيقول لأبوه هات فلوس إما افسح جهان..، سيبه يا جهان أنتي تستحقي أحسن منه..ويعدين أنتي إيه أكدلك إنه بيحب فريدة؟!

- جهان: أصل كل ما بكلمه ألاقه مشغول فاتصل بفريدة الاقيها مشغوله هي كمان ومش معقول يعني الإثنين في نفس الوقت ويعدين في مرة وقع بالكلام وأنا عديتها وعملت نفسي مش واخده بالي وهو غير الموضوع بسرعة وأكثر من مرة قالي يا فريدة ندالي بإسمها فاهم؟! شاغله باله أوي؟!

- وأنتي إيه يخليكي تستحملي واحد زي دا؟!!

- جيهان: بحبه ..

- لو الحب هيضيع كرامتنا هنشربه زي السيجارة وندوس عليه برجلينا يا جيهان لو

هيقل منا وهيقل من قيمة أهلنا، أنا قولتلك الخُلاصه وأنتي حره بقى، أنا همشي عشان

ورايا مشوار وإبقي عرفيني عملتي إيه بعدها..

خرجت من بوابة الجامعة متجه إلى توكيل مستحضرات التجميل واشترت منه شىء

بسيط وذهبت إلى ميادة بسرعة ..

كالعاده ميادة تجلس على طاولتها وتمسك بهاتفها المحمول تلعب بيه، أخذت الهاتف من

يدها وأخذتها على المكتب وهى مندهشه من تصرفاتي حينها.

قلت:

- امنعي أي حد يدخل علينا .

- مالك مش مطمئه يا ياسر؟!!

- عندك مانع افتح شنطتك؟

- اعممم لأ افضل!

فتحت حقيبتها اخرجت منديل ورقي، امسكتها من يدها واجلستها على المقعد المقابل

لمراتها وضغطت على ذراعيها بيدي ..

- أنتي مطمئالي مُمكن تسيبي نفسك؟

- مالك؟!!

- مفيش بس هوريكي حاجة عمرك ما تخيلتيها.

- طيب وريني؟!!

أمسكت بالمنديل ومسحت مكياجها ثم قولت لها أغسلي وجهك جيداً ثم أمسكت
شعرها الطويل بلطف وأبعدته عن ذراعها ثم حولته لصفائرها..
ربطت شعرها وبعدها اخرجت قلم الكحل من جيبي ..
لما رأته القلم قالت: إيه اللي بتعمله دا؟!
اقتربت من أذنها بصوت هادئ:

هوووووش أسكتي خالص.. سيبي نفسيك يا حبيبي“
أمسكت قلم الكحل ورسمت أعيونها وأتيت بحمر الشفاه، لونه أحمر هادئ جداً
ورسمت شفثيها بالحمرة وهي جالسه أمامي صامته ومستسلمه لي، أسير بيدي على
خديها وامسكت المنديل امسح أي غلظه مني بالحمرة أو بالكحل وهي صامته وشفثاي
قريبة جداً لشفثيها وأشعر بنفسها الدافئ وهو يلاعب وجهي ومستمع لصوت دقات
قلبها ...

بعد ما انتهيت: ها إيه رأيك؟ شوفي كدا أحلى بكتير من الألوان اللي كُنتي بتحطيهما على
وشك صح؟!!

نظرت لمرأتها وقالت بيتسامه: تصدق كدا أحلى بجدة، أنت إيه رأيك برده؟
قولتلها:

- أيوة أحلى بكتير وأشيك كمان وبعدين عاوز اقولك على حاجة مهمة أوي تحطيهما في
دماغك ولازم تفكري فيها بعقلك مع نفسك كويس أوي ربنا لما خلقك، خلقك في
أحسن صورة لما تيجي أنتي وتبوظي شكلك بشويه ألوان ملهاش لازمه تبقى خسرتي
كتير خسرتي جمالك المميز والطبيعي وخسرتي الصورة اللي ربنا خلقك بيها، عامل
بالظبط زي العصير الطبيعي والعصير البودرة، لما تشربي عصير مانجة طبيعي أكيد مش
زي ما تشربي عصير مانجة بودرة وبتحسي بالفرق أوي في طعم دا وطعم دا حتى لو

البشر حاولوا يغيروا وخلوه نفس الطعم هتعرفي تفرقي ما بين دا ودا وتحسي بجمال
الطعم في بوقك.

- ميادة: عارف أنا حاسة إن قلبي هيقف من حبك ليا، حاسة إن مُمكن أموت بسببك،
قلبي بيدق بطريقة مش طبيعية لإنك جنبي.

- تموتى إزاي يعنى؟

- أموت كدا اهوزي الناس..

- أنتي بتهزري؟! موت إيه اللي بتكلميني عنه دا وبعدين أه كلنا هنموت بس متكلميش
عنه تاني مهها كان ومش عاوز اسمع سيرته طول ما إحنا مع بعض فههاني يا ميادة، مش
عاوز سيرته تيجي على لسانك..

- أنا مش متخيله إن في حد بيحبني كدا؟!؟

كانت كل أحلامي إن ألاقى واحد يخلص ليا ويكون بتاعي إنما أنت كسرت كل الحواجز
اللي بيني وبين كل حلم وبعد ما كان حلم بقى حقيقة بشوفه قدامي في كل وقت، أنا مش
عارفه أقولك إيه ولا عارفه أوصف الإحساس اللي جوايا بكلام ولا حتى قادرة أقولك
بحبك، عارف حتى كلمة بحبك بقيت قليلة عليك مش ده كلامك يا ياسر!؟

بُص أنا فعلاً بغير بس في شعرة بين الغيرة وعدم الثقة أنا قدرت أشوفها مع إنها شفاهه
أوي لكن عرفت أشوفها لما حسيت بيك وعرفتك وتأكدت إن الغيرة وعدم الثقة مُمكن
يضيعوا علاقات نبيلة وطاهرة بسبب شك بسيط أوي إنما أنت حاجة تاني غيرهم تماماً..

أبتسمت وأمسكت يدها ثم قبلتها ضغطت علي يدها كي تشعر بأنني سأظل بجانبها الى
الأبد وجلسنا نتحدث كثيراً عن مستقبلنا معاً ثم تركتها ليلاً الساعة الـ 8 مساءً وأنا أسير

في المواصلات أحمد فراج اتصل بي:

ياسر حبيبي أنت فين كدا؟!؟

- أنا راجع البيت في حاجة؟!؟

- تعالى في كافية "بلايستيشن" في حد عاوز يشوفك !

- مين ؟!

- دي مفاجأة لازم تيجي ، تعالى وهتعرف..

- طيب إديني نص ساعة بس وجاي.

ظللت طول الطريق افكر من هذا الشخص وعند وصولي للمكان وأنا هناك تفاجئت فعلاً رأيت ياسين حمدي، فرحت جداً وعانقنا بعضنا البعض وجلسنا نتحدث عن أيام الدراسة وعن قذارة تفكيرنا القديم الذي كان يجمعنا نحن الثلاثة معاً..

سألت ياسين: أنت فين يا إبني من بعد ما الدراسة خلصت أنت اختفيت ؟!

- ياسين: هعمل إيه بقى دورت على شغل وبعدها لبست في الجيش 3 سنين ظابط

إحتياطي وبعد ما خلصت دورت على شغل ولقيت هنا في الإسكندرية شغل في شركة

كدا مُرتبها حلو ولقيتلي سكن حلو أنا بقالي حوالي 3 شهور هنا اهو هقفل الرابع، دا

عشان إسكندرية صغيره كمان عرفت أجيب أحمد بالصدفة شوفته واقف قدام كُشك

قريب من بيتي وأنت بقى فينك ؟!

- أنا يا سيدي خلصت واشتغلت على طول بابا يعرف واحد شغلني في شركة برده

كويسة محترمة وأهو شغالين بس أنا حالياً واخذ أجازة مفتوحة يعني تغير جو من قرف

الأيام ..

نظرت لـ أحمد فراج، مشغول يتحدث مع شخصاً في الهاتف ولا يريدني سماع ما يقوله

فقلت له:

- في إيه يا ض؟ مش على بعضك ليه ؟

- أصل في كمان مفاجأة ليكم تانية..

- مفاجأة كمان؟! مين دا بقى ؟!

- مين دي بقى مش مين دا ..

ونحن جالسين سوياً نشرب العصير وحت غدیر أمامی، غدیر !!

- های ازیکم کلكم عاملین ایه؟ ایه رأیکم فی المفاجأة دی؟!

وقفنا جمعاً نسلم علیها ثم جسلت معنا وبدأت تحکی لنا عن الحیاة وعن عملها ثم
إندجنا معها فی الحدیث وبدأنا نتکلم عن ذکراتنا فی الماضي مع بعضنا وعن أيام
الإمتحانات والجامعة التي تغيرت جداً.

یاسین: مین قدک یاغدیر بقیتی مُعیده دلوقتی وبتقبضی فلوس قد کدا علی قلبک..

- خالص یا اینی مش أوی یعنی بس الی بیسند معایا الدروس الی بدیها للطلبه بره
الجامعة فی السنتر هی دی الی یعنی تمشی دنیا معایا واهو کله بیقلب فی رزقه یا یاسو..

ضحک أحمد: أنتی لسه فاکره دلعه دا کان بیضایق منه لما حد یقولوه !

- یاسین: أيام بقی وراحت لخالها..

- قلت: طب أنا هدخل الحمام وجای..

ذهبت متجهاً إلی الحمام وترکتهم ثم وقفت أمام المرأة أتنفس بغضب بسبب ما فعله أحمد
وآتی بغدیر لهننا لإننی أصبحت لا أطیق رؤیتها..

أحمد آتی إلی الحمام:

- یاسر أنت مضایق عشان جبتها؟!

- آیوة یا أحمد کان المفروض تعرفنی إنها جایه وأنا قايلک إن هی عاوزة ترجع وأنا منفض
للموضوع دا مش حصل منی؟!

- أحمد: والله ما اعرف هی قالتی غیر کدا وقالتی إنکم بقیتوا أصحاب ولسه مکلماک
ومفیش حاجة فی دماغها فجبته، دی حتی طلبت تشوفک عشان تفهمک إن الموضوع
بقی عادی متقلش أنت بس وتعالی یلا فک کدا متخربش القعدة بتکشیرتک دی، یلا
روح أنت وأنا هدخل الحمام أفضی التنک وجایلک عشان ما حدش یاخذ باله إن فی حاجة
أو أنت متضایق من وجودها..

- ماشي يا أحمد فضي التنك .
- وقفت أمام المرأة ارتب ملابسني وغسلت يدي وأمسكت المنديل وخرجت لهم مبتسم
إبتسامه مزيفة .
- غدیر: إيه يا ياسر حساك مش مظبوط كدا؟!
- لأ مفیش بس عشان بره من الصبح فهلکان من تعب اليوم مش أكثر.
- ياسين بدون قصد: وأنت إيه أخبار الحُب معاك مش ناوي تتجوز بقي، غدیر جربت
حظها ومظبطش معاها وأنت بقي إيه؟!
- أنتهزت الفرصة وقت قريباً جداً سأتزوج ..
- هانت يا ياسين كلها شويه كدا وتسمع خبر حلو .
- غدیر: بجد مين دي؟!
- لسه كدا بنشوف الدنيا فيها إيه !
- ياسين: طيب كويس يا رب نسمع سمع خير كدا .
- بعد إنتهاء أحمد آتى وجلسنا ساعة نتكلم ونضحك ونستمع إلى أحمد وهو يروي لنا
بطولاته في دول الغرب مع نسائهم إلى أن قررنا مغادرة المكان والرحيل ..
- نهضت من مكاني ووقفت بجانب ياسين نتحدث ثم أخذت رقم هاتفه وغدير تتكلم مع
أحمد بصوت منخفض، ركبنا السيارة وأوصلنا ياسين ثم أكملنا طريقنا ولكن فوجئت
عندما وقفت سيارة أحمد عند منزله ومعنا غدیر !
- قلت لأحمد:
- إيه يا إبنی أنت اتسطلت ولا إيه؟ دا عصير اللي إحنا شربناه مش حاجة تانية؟!
- لأ أنت هتاخذ العربية وهتوصل غدیر أصلي تعبان شويه وبكره هاجي أخذها من
تحت البيت ماشي؟!
- طيب ماشي ..

نزل أحمد من السيارة ثم قلت لغدير:

- بيتك فين عشان أوصلك؟!!

- ياسر خيلنا نتمشى شويه بالعربية أو نروح مكان هادي أو نقعد نتكلم في العربية لو

سمحت يعني؟!!

- حاضر ..

ونحن في الطريق سمعت هاتفي يرن، ميادة تتصل بي

- إزيك؟! أنتي وصلت البيت ولا إيه؟!!

- أه وصلت الساعة بقيت 11:30 وأنا تعبت شويه وسييت المطعم شغال فقولت

أعرفك إن أنا وصلت، أنت فين!

- أنا بره في مشوار وهروح بعدها .

وقت مكالمتي مع ميادة سمعت غدير تقول: أحم أحم مفيش مناديل في العربية دي؟!!

وكأنها تحاول ان تلمح لميادة بوجود أنثي معي في السيارة...

ميادة: مين اللي جنبك دي؟!!

- لأ مفيش دا أنا راكب ميكروباص وكدا ..

- ماشي، تصبح على خير بقى يا حبيبي .

- وأنتي من أهله يا قلبي ..

اغلقت الهاتف ثم قلت بغضب:

- غدير أنتي قصدك إيه بإنك تتكلمي وأنا بتكلم مع اللي بحبها، عاوز إيه ياغدير؟!!

- مش عاوزة حاجة بس أنا كُنت بشوف مناديل ..

- أه وعلبة المناديل اللي قدامك دي؟!!

- تصدق مشوفتهاش؟!!

وقفنا في مكان هديء يخلوا من الناس ثم قالت:

- ياسر، أنا بحبك والله بحبك أنت ليه مش عاوز تصدقني؟!
- مش، مش عاوز أصدقك.. الحكاية إن أنا خلاص شلتك من جوايا وكمآن مبقاش
ينفع يا غدِير..
- لا أنا جواك وبعدين قصدك إيه مابقاش ينفع؟ عشان نمت مع راجل غيرك؟!
عموماً دا كان جوزي مش واحد من الشارع ..
قلت:
- مهما كان مين الموضوع خلص وأنا مش عاوز اتكلم في الموضوع دا بمد إيدي على
مفتاح العربية اشغلها عشان نمشي سبقتني وخذته وحاطت المفتاح في صدرها.
- هاته لو عاوزه؟!
- على فكرة دي اسمها وساخه يا غدِير!
- يا ياسر أنا نفسي في حُصنك عاوزاك، نفسي أجرب الحب معاك ..
- تجربي الحب ولا تنامي معايا؟! في فرق ما بين الإثنين!
- قصدي أحس بجسمك عشان بحبك، أحس بيبك وأنت معايا!
وضعت يدها على كتفي فقلت: غدِير لو سمحتي ماينفعلش كدا أنا بحب واحدة تانية ولو
سمحت هاتي المفتاح وزعقت فيها ..
اخرجت مفتاح السيارة من صدرها: خده اهو..
أخذت منها المفتاح بقوة ثم أخذتها وأكملنا طريقنا ونحن في الطريق قالت:
- ياسر لو ماقولتش ليا أنا بحبك هرمي نفسي وفتحت باب العربية واحنا ماشيين، قولها
حتى لو بتكذب عليا ..
أوقفت السيارة بسرعة فجأة ..
فتحت باب السيارة وخرجت وهي أيضاً خرجت منها قولت بصوت ممتلئ بالغضب:
- أنتي عاوزه مني إيه؟!!

انسيني يا غدير أنا عمري ما هكون ليكي والموضوع اتقفل من يوم ما أبوكي وأمك
أهانوا أهلي وأنا عمري ما هنسى فاهمة، يا غدير أنتي دورتي على ميدالية المفتاح والسفر
أكثر ما دورتي علي الي بيحبك ..

- يا ياسر أنا مش وسخه كدا

ضحكت بسخريه.

قالت غدير: قصدك إيه بالضحكة دي إن أنا وسخه!؟

- مقصدش حاجة وكل واحد عارف نفسه..

فتحت غدير باب السيارة وأخذت حقيبتها وقالت:

- أنت أوسخ إنسان شوفته في حياتي أنت نسيت الأحضان والبوس الي كان بينا وأنا

هوريك أنا هعمل فيك إيه يا ياسر وهخليك تندم على اليوم الي شوفتني فيه وقريبتك

دي بقى هنيمهالك في الكلية طول ما أنا موجودة فيها ..

- غدير اقسم بالله لو جيتي جنب جيهان لمدرك وأنتي عارفه أنا لما بتحول ببقى عامل

إزاي، خلي بالك أنا ممكن أجيبك من شعرك فاهمة!؟

- هشوف مين الي هيموت الثاني ..

أقف بجانب السيارة والغضب يصب من عيني كالدموع، شعرت بلحظه بأنني أريد أن

أمسكها وأضربها على وجهها ألف مرة..

أخذت حقيبتها ووقفت على الطريق المعاكس، أوقفت تاكسي وركبت وذهبت...

لم أستطع السيطرة على نفسي وبدأت أضرب برجلي في السيارة ويدي..

اتصلت بأحمد:

- أنت يا ابن الكلب إيه الي أنت عملته دا أنا مش عاوز أعرفك تاني والحركة الوسخة

الي أنت عملتها معاها عليا أنا هعرفكم هعمل فيكم إيه!

- يا ياسر أهدي بس عشان خاطري أنت فين!؟

- أنا قدام المكتبة ..
- خليك متحركش أنا جايلك ماتمشيش أصبر ..
- دخلت السيارة أجلس فيها إلى أن سمعت صوت طرق على زجاجها، أحمد آتى، فتحت باب السيارة وخرجت منها وبدأ يعلو صوتي عليه وقلت له ما حدث بيني وبين غدير وتهديدها لجيهان ..
- والله يا ياسر أنا مفكر إنها هتتكلم معاك عادي مش في حوار الحب وكدا وإنكم ترجعوا لبعض؟!!
- دي واحدة وسخة وممكن تعمل أي حاجة عشان توصل للي عاوزاه ..
- لو على حوار بنت خالتك أنا هكلمها ومتقلقش أنا هظبط الدنيا ومش هخليها تعمل حاجة وكمان هخليها تظبطها في الجامعة..
- لو بنت خالتي شالت المادة بتاعتها أنا هفشخك وهفشخها ..
- خلاص متخافش مش هتيجي جنبها يلا تعالى هسوق أنا عشان أنت متعصب ومش هينفع تسوق بحالتك دي ..
- ركبت السيارة ثم وصلت لمنزلي وقبل أن اخرج من السيارة قلت :
- أحمد أنا لو عليا أولع أنا بجاز وسخ إنها بنت خالتي مالهش ذنب إنها تشيل المادة أو تعيد السنة لأ فاهمني يا أحمد؟!!
- يا ياسر متقلقش أنت بس أنا هتصرف معاها، مش أنت مش عاوز تعرفها تاني؟!!
- يا ريت لو جبنتي تاني وهى معاك هبقى مش عاوز اعرفكم أنتوا الإثنين.
- خلاص ياعم إتفقنا متشيلش أنت هم حاجة.
- خرجت من السيارة وإقتربت من بابها وقلت :
- بكره تكلمني تعرفني إيه اللي حصل وهى ناويه على إيه فاهم؟!!
- ماشي ياعم خلاص بس أنت فك كدا وسيبك منها وأنا هتصرف..

صعدت على سلم منزلي خائف على جيهان بسبب غدير وما قالت لي وهي ليس لها ذنب وسأكون أنا ذنبها التي لم ترتكبه، قررت أن أحاول لحل المشكلة قبل أن تكبر وتزيد وأحاول أضغط على أحمد ليتصرف معها ويجد حلاً، إقتربت من نتيجة الحائط أدركت أن اليوم هو الأربعاء موافق 14 / 12 / 2005، تبقى 16 يوماً فقط على رأس السنة الجديدة .. 2006

بعدها ابدلتُ ملابسِي مكثتُ على الفراش أفكر في أكثر من موضوع مُهله أفكر في ميادة ومُهله ثانية افكر في غدير ومُهله أخرى افكر في جيهان إلى أن أتاني النوم أخذني لأحلامي..

أقف في مكان مظلم لا أرى أمامي أخطيت خطوة بقدمي والهواء يشتد من حولي ملت بجسمي لأسفل وحاولت أزحف على الأرض من شدة الظلام لكن وجدت فراغ إذا تحركت أقع لأسفل رجعت للوراء بجسمي وجدت نفسي على صخرة إذا تقدم خطوة سوف أقع لأسفل لكن أين لا أعرف!؟

وفي وهله أضاءت الدنيا من حولي نظرت للمكان رأيتني أقف على قمة عالية ومن حولي جبال قائمة السواد لكن يوجد جبل لونه أبيض من كثرة الثلج عليه، لكن وجدت جسور غير كاملة أمام كل جبل، لكن لا تصل إلى الصخرة التي أقف عليها، إذا قفزت لا أصل حتى إليها وجدت نفسي أصرخ لكي يسمعني أحد نظرت إلى السماء ونديت وقولت يا رب بناجيك وحدك تسمعني ضممت قدمي ووضعت رأسي عليها وظللت أبكي لكي ينجدني أحد..

عندما كنت أوصل في البكاء سمعت صوت غريب يتردد بين أضلوعي يقول: أنظر إلى قلبك..

وقفت مكاني ..

أقف أناادي على صاحب الصوت، من يحدثني؟! أجب من أنت!؟

أجبني أين أنا؟!

صرخت بأعلى صوت، انتظر إلى أين أنت ذاهب!

أنت أين؟!

أنادي على شخص لا أعرفه ولا أعلم من أين إتجاه يأتي هذا الصوت!

صرخت بصوت عالي إلى أن راح صوتي من كثرة الصرخ..

أمي: ياسر!،، ياسر! أنت يا زفت؟!

استيقظت من النوم وأنا اقول: أنت مين؟!

أمي: أنا أملك يا موكوس ..

كُنت بتزعق وأنت نايم بتحلم بياه؟!

قولتلها:

- كنت بقول إيه يا ماما؟!

- مافيش عمال تقول استني! أنت مين! متسبنيش؟!

- طيب يا ماما خلاص ..

- أنت كنت نايم بتحلم بمين؟!

قولت:

مش عارف، مش عارف أي حاجة .. حلم غريب كل حاجة فيه غريبة!

- طيب يا حبيبي ابقى اتغطى كويس عشان خلاص داخلين على الشتا والجو هيبرد، أنا

هطلع اللبس الشتوي عشان خلاص داخلين على الثلج..

- أحلى حاجة الشتاء، الشتاء اللي بروده بيدفي..

- أمي: وأحلى حاجة لما تقلع جزمك قدام الباب عشان الطينة عشان لو لقيت السجاد

إتوسخ أنا اللي هخليك تكره الشتاء يا حبيبي، قوم يلا من النوم عشان الساعة بقت 10

الصبح ..

إقتربت من هاتفي وامسكت به لكي أرى هل توجد مكالمات أم لا، أكثر من 26 مكالمه من مياده لم يرد عليها، قفزت من على سريري سريعاً وعندما رأيتني أمي بهذه الحاله قالت:

- إيه البنت الصايعة بتاعتك بعنتك رساله بتقولك فيها شوفلك غيري؟!!

- يوه يا ماما بقى، بتصل بيها لقيت موبيلها مقفول؟!!

إتجهت لحمامي مسرعاً وقلبي يدق بسرعة غريبيه من شدة الخوف ثم إرتديت ملابسى ونزلت مسرعاً على المطعم ثم سألت عليها فقالوا لي بأنها تجلس في مكتبها، طلعت على سلام المكتب ثم فتحت الباب، رأيت مياده تبكي وعيناها تكاد أن تنزف دم من شدة البكاء ..

أول شىء خطر ببالي أن غدیر قد استطاعت أن تصل لغدير عن طريق أحمد لأنني في حديثي مع أحمد قلت له كل شىء عنها وعن عنوان المطعم؟!!

قفلت الباب وإقتربت منها بخوف وأنا متجمد اللسان والعقل ..

إقتربت منها وقولت بصوت مرتبك: مياده، مالك؟!!

- ياسر أنا مبقاش حد في حياتي دلوقتي بيحبني غيرك، أرجوك ماتسبنيش لوحدي، أنا خايفه أوي لتسبني يا ياسر؟!!

أمسكت يدها وظللت لأطمئنها وقلت:

- إهدي الأول وأحكيلى بس مالك في إيه؟!!

- بابا وماما لما ماتوا كان ليا واحده بس هى اللي صاحبتى ودلوقتي هى كمان ماتت في حادثه، البنت اللي كانت قاعدة جنبي لما أنت دخلت وشوفتني في المستشفى، يارا ماتت ..

ملاحى حزينه ولكن لسانى عاجز عن الكلام بعد ما سمعته منها ..

وفي لحظه قفزت في حضني وتبكي على صدري فعانقتها بيدي أكثر وباليد الأخرى أسير بيدي على شعرها، أحاول أن أخفف الألم بداخلها ..

أجلستها على الكرسي وجلست بجانبها ويدي على كتفيها وهي تميل برأسها على جسدي، أحاول نزع الألم والحزن من قلبها على فراق صديقتها وأعلم أنه من الصعب أن تجد كلاماً يداوي الجرح ..

لا أعلم ماذا أقول وكيف أواسيها لأن الكلام في بعض الأوقات لا يقدر أن يمحي الألم وتحديدًا إذا كان سبب الألم فراق ميت كان بالنسبة لك كل شيء وأصحبت الآن أنت فوق الأرض وهو تحتها، فالسكوت أحياناً يكون أنسب رد في هذه الحالات، السكوت أنسب بكثير من كلام سمعناه ويتردد كثيراً..
قالت:

- ياسر، مُمكن تيجي معايا العزاء؟!
- أكيد مُمكن هفضل قاعد معاكي النهاردة لحد ما نروح أنا وأنتي وبعدين هوصلك للبيت عشان ماينفعلش اسبيك لوحدك..
قالتلي:

- هتسييني؟!
- عاوزك توفقي قدام البحر وتبضي بعيونك وتركزي لو شوفتي نهايته مع السحاب لازم وقتها تتأكدي إن أنا هسيبك بمجرد ما تلاقي نقطه نهاية..
أخذت نفساً طويلاً بداخلها وهي بين ضلوعي ثم قالت:

- يارا دي أنا اعرفها من 3 سنين أول كلام ما بينا كان خناق وبعدها إتصاحبنا أوي وبقينا أصحاب لدرجة أنت متتصورهاش، تعرف يارا عارفه حكايتك معايا وقالتي لو حاسة إنه يبحك ماتسيبهوش خليكلي ماسكه فيه عشان في فرص بتجيلنا مرة واحدة مُمكن تعوضنا عن سنين اليأس ومن كلامك عنه شكله حد كويس هيحافظ عليكلي،
إتمسكي بيه..

- ربنا يرحمها..

- كانت كُل حاجة في حياتي لما أنت ظهرت قاسمتني حياتي بقيت أنت وهى أنتو الإيتين بحبكم أوي ..

- وأنا بحبك ويارا كمان بتحبك زي ما أنتي بتحبيها وأكيد هتزورك دايماً بروحها وأنتي لازم تزورها دايماً يا ميادة..

أكملت يومي معها ثم ناديت على أحد العاملين وطلبت الغداء لها
قالت:

- مش هقدر أكل صدقني ماليش نفس لأي حاجة.

- وأنا كمان ماليش نفس بس الأكل هيخلينا نكمل يومنا أحسن ما ندوخ ونقع من طولنا وعشان خاطرني هتاكلي معايا، اطلبي الأكل يجيلنا فوق المكتب وهناك هنا ..
حاولت معها ولكنها ترفض الأكل بشده ثم بعد إلحاحي عليها وافقت وبعد انتهائنا من الغداء طلبنا مشروب غازي ثم جلست معها الي ان بدأت الشمس بالغروب وذهبنا الي الغزاء..

بعد وصولنا فوراً ذهبت أنا أجلس مع الرجال وذهبت هي إلى منزل يارا ثم بعد ساعة إتصلت بي وقالت لي أريد أن أذهب، فذهبت انتظرها عند السيارة ثم أمسكتها بيدي وضغطت على يدها حتى تشعر بأنني اشعر بالذي تشعر هي به، فالحزن يؤكد أن ينهك قواها ..

ونحن في الطريق قالت لي:

طلبت أدخل أوضة يارا وطلبت محدش يدخل عليا، قعدت على السرير أعيط وأمشي بإيدي على فرشتها ومخدتها وأبص على صورها وأنا بقلب شوفت صورنا مع بعض وفضلت أعيط وعماله اقول: حتى أنتي يا يارا؟! حتى أنتي مشيتي؟! ليه؟! .. أنا كنت محتاجاكي أوي الفترة دي جنبي.. أنا شامة ريحتك في الأوضة كلها، ربنا يرحمك.

وقفت بالسيارة تحت منزلها..

- يارا مش نسيافي وأكيد حاسه بيكي يا ميادة!

- يا ياسر أنت مش فاهم أنا ويارا كنا أصحاب إزاي!

- حاسس بكل اللي جواكي.

- تصبح على خير.

- هشوفك بكره وهاخدك لقبرها تزورها..

- ماشي .

نزلت من سيارتها و وقفت أنتظر المواصلات ثم إتصلت بأحمد“

- عملت إيه يا أحمد!؟

- خلاص أنت متقلقش من حاجة بس عاوزك الفترة دي متتصلش عليا خالص لحد ما

أنا اللي أتصل عليك وأكلمك ماشي، ياسين كان بيسأل عليك ابقى كلمه وأبقى رد على

الناس اللي بتكلمك يا حبيبي متعملش فيها مهم كدا.

- طيب يا أحمد ، سلام..

رجعت المنزل

يوم الجمعة 16/12 جيهان تركت لي رسالة مع أمي وأنا نائم

"لما تقوم تعالى البيت عاوزاك" ..

روحت لجيهان بيتها وقالت لأمها: ذهبت الي منزل جيهان ثم قالت لأمها:

- الساعة لسه 11 الصبح!؟

- يا ماما عادي في محلات بتبقى فاتحة، سلام.

خرجت معها ونحن نسير في الطريق قالت: عاوزين مكان نقعد فيه..

خطر ببالي أن أخذها إلى مطعم ميادة ليتعرفوا على بعض ويغيروا من مزاجهم المتعكر.

قلت:

- هوديكي المكان الي ابن خالتك مقيم فيه .

- فين ؟!

- عند ميادة .

- دي الي بتحبها ؟!

- أيوة .

- طيب كويس هنعرف نتكلم هناك ؟!

- يا بنتي دي صاحبة المطعم ..

وصلنا إلى المطعم وجيهان تبحث بعينها عن ميادة وكأنها تريد أن تعرفها قبل أن أقول لها عليها فذهبت أسأل عنها "الكاشير" فقال لي إنها لم تأتي من بيتها بعد، جلسنا على الطاولة وإتصلت بميادة، أيقظتها بإتصالي فقلت لها:

- أنتي لسه صاحبة؟

- معرفتش أنام يا ياسر إمبراح .

- طيب يلا تعالي في واحدة عاوزة تعرفك .

- مين ؟!

- تعالي بس وأنتي هتعرفي .

طلبنا شىء نشر به إلى أن تأتي ميادة ..

- مالك يا جيهان ؟!

- زياد سابني يا ياسر .

- تصدقيني لو قولتلك إن كنت حاسس إنه هيسيبك عشان دا واحد مُعتمد على أهله أكثر ما هو مُعتمد على نفسه ولسه في سن المراهقة والدنيا مجاتش عليه عشان يتعلم إزاي يشيل المسؤولية وبعدين بصراحة أنا خايف تتجوزوا، دا واحد مش عارف يشيل مسؤولية نفسه هيفتح بيت إزاي ويشيل مسؤوليتك والأطفال بعدين ؟!

- مش دي المشكلة، المشكلة إنه سابني بقاله 3 أيام وامبارح شوفته ماشي مع فريدة وعرفت إنهم إرتبطوا ببعض وعرفت من صاحبه إنها بتقول لزياد إنها كانت بتحبه وأنا وهو كُنا مع بعض !

ضحكت بصوت عالي، كل الموجودين بالمطعم نظروا لي

- كُنت عارف إن دا هيحصل ما هو أصله لسه طفل وفريدة دي مابتحبش تضيع وقت زي ما أنتي كُنتي بتقولي ومسيرها تسييه وتشوف غيره.

- لأ يا ياسر فريدة مش هتسييه دا واحد مبسوط مادياً وأهله يبساعدوه وعنده عربية وشقق كثير وهى نفسها في حد كدا يعني من الآخر هتوب على إيده كدا وهتحاول تحافظ عليه وممكن كان تعمل معاه حاجه عشان يلبسها..

- سيبك أنتي كدا أحسن دي واحدة شمال وأنتي عارفة وزياد واحد خرا وأنتي برده عارفه .

- هقولك على حاجة بس متزعلش مني، زياد أكثر من مرة حاول يبوسني وأنا رفضت ومنعته وكُنت هسييه وقتها فعشان يرجعلي صمم يقابلك، أنا فرحت وقولت هيتغير وداخل جد بس اكتشفت وقتها إنه كان بيحاول يصلح الغلط عشان مايطلعش زباله قدامي، بس إحنا بنكتشف حقيقه العالم اللي زي دي متأخر أوي.. وصلت ميادة وعند رؤيتها لجيهان تبدلت ملامحها..

قالت:

- أهلاً .

- أعرفك بنت خالتي جيهان عندها 22 سنة وميادة يا جيهان اللي حكيتلك عنها عندها 25 سنة وطبعاً أنا ياسر 28 سنة، هايف جداً انا ..

جيهان صامتة لا تتكلم من الحرج فبدأت أنا بالحديث حتى أنزع حجاب الصمت وبعدها بدأ الكلام بينهم وفتحت جيهان موضوع زياد وتحدثت قليلاً عنها وعنه..

- ميادة: دا كان لازم تسيبيه من أول يوم لإن اللي زيه عمرهم ما فكروا يجبوا، أنا واحدة عندي 25 سنة بس شوفت كثير وعارفه أنا بقول إيه ، الفرق ما بينا مش كبير ..

- جيهان: ياسر حكالي عنك واحنا في الطريق، ياسر دا عمره ما قال لحد عن حاجه بيعملها عشان بيخاف من الحسد أوي وخصوصاً لو بيحب بيحافظ على الحاجة اللي في إيده وبصراحة عنده حق..

أكلنا سوياً وبعد إنتهائنا أخذت ميادة وجيهان ثم أوصلت جيهان إلى منزلها بعد تأكدها بأنها أخطأت وارتكبت خطأ كبير في حق نفسها لأنها سمحت لنفسها بأن تحب شخصاً مثل زياد، بعد ما نزلت جيهان من السيارة إتجهنا إلى القابر لنزور صديقتها يارا..

دخلنا المقابر فوجدنا أهل يارا هناك، وقفت أنا بعيداً وميادة وقفت مع أهل يارا، قرأت لها الفاتحة ودعيت لها أن يدخلها ربي الجنة ودعوت لميادة بأن يصبرها الله على فقدان صديقتها، أفف بعيداً عنها بخطوات أنظر لها ولجملها الذي كاد أن يدبل بسبب حزنها الذي أثر على حياتي قبل أن يؤثر عليها، أخاف عليها

أكثر من نفسي.. ثم أخذت جيهان رخصة الإستأذن من أهل يارا وخرجنا من المقابر، ركبنا السيارة نجلس صامتين فقلت لها:

قولتها:

- إيه رأيك نغير المود شويه؟!!

- إزاي؟!!

- هقولك إزاي ..

الشريط التاسع
عام الصراعات

2006

إتجهنا إلى شاطئ البحر..

الساعة 5 المغرب..

أوقفنا السيارة بعيداً وجلسنا على الرمل، أتى طفلاً يبلغ من العمر 12 عاماً أقرب منا

وهو يحمل غزل البنات..

قال :

- تاخدي غزل البنات يا أنسة؟ تاخدي يا بيه للعروسة؟!!

- بكام غزل البنات؟!!

- أنا هديك كيس بفلوس وولي جنبك هتاخذ مني إثنين ببلاش..

إبتسمت مياده من كلام الطفل..

قلت له: واشمعنا اللي جنبني تاخذ ببلاش؟!!

- عشان حلوة..

- أنت بتعاكس بقى؟!!

- أبدأ بس شكلها زعلانة ف حبيت أفرحها عشان أشوف ضحكتها دي.

- ميادة: ربنا يخليك بس أنا مش هاخذ إلا لما أدفع .

- ماشي موافق..

أشترينا منه 4 أكياس ..

ونحن نأكل غزل البنات قالت مياده:

- تعرف يا ياسر أنا بقالي حوالي 4 سنين مادوقتش طعمه أبدأ لو حتى كنت دوقته مش

هيبقى حلوزي ما كان بابا بيجهولي أبدأ.

- ربنا يرحمه .. بُصي بقى أنا جايبك هنا وعارف إن الجو برد بس عاوز نقوم أنا وأنتي

ونرقص سوا على الشط قولتي إيه؟!!

- نرقص؟!!

- أه هنرقص ..

أمسكتها من يدها وأوقفتها وقلت لها أغمضي عيناي مثلي واتركي جسدك للهواء وهو يحركنا مثل ما يريد، أغمضنا أعيننا وبدأنا بالرقص مع الرياح، نميل معها ونطير معها، فتحت عيني أنظر لها لازالت ترقص وملاحمها هادئة..

ونحن مستمرين بالرقص تركت يدي ورقصت بمفردها، أنتقلت إلى عالماً آخر هي من صنعته بنفسها لترقص فيه..

تتحرك كالفرشه بكل هدوء وجسدها تأقلم على الهواء بتركت نفسها للرياح، ثم وقفت وفتحت ذراعيها للسماء وصامتة، جلست أنا على الأرض، وجودت طفل غزل البنات يقترب منها ووضع عصا غزل البنات على الرمل ورقص بجانبها وهي لا تشعر به، إنتقل الاثنتين إلى عالم آخر ولكن كلاً منهم يرقص بمفرده..

لما فتحت عيناها هي أيضاً وجودت طفل غزل البنات يرقص بمفرده..
وقفت تنظر إليه وهو يرقص ثم قالت: إحم..

فتح الطفل أبواب عينيه وهو سعيد جداً وعند إستيعابه بأنه ما زال على الأرض حزن لأنه كان يطير في السماء مع الطيور ويتقل من مكان لمكان بدون حواجز تعيق طريقة...
شعر الطفل بالخجل..

مسكته من يده وقالت: تعالي أقعد معانا..

جلس بيني وبينها قوت له:

- أنت عندك كام سنة؟!

- عندي 12 سنة وأنتوا!

- أنا عندي 28 سنة ودي عندها 25 سنة، وأنت أسمك إيه بقى؟!

- أنا أسمي بياع غزل البنات كل اللي عايزني بيندهلي بالأسم دا وعمر مافي حد ندهلي غير ببياع غزل البنات.

- ميادة: طب لو حيينا نعرف أسمك؟!

- جون.

- إحكي لي عنك يا جون؟!

- أنا عندي 12 سنة و حط عليهم كمان 12 سنة يبقوا 24 سنة وده سن عقلي إنها السن اللي الكل بيؤمن بيه في شهادات الميلاد ف هو زي ما قولتلك 12 سنة، أنا ماليش أم ولا أب تقدري تقولي فتحت عنيا لقتني شايل غزل البنات، لما بشوف ولد ماشي جنب أمه ببقي عاوز أسأله أنت مبسوط؟ طب حاسس بإيه وأمك ماسكه إيدك؟!

كان نفس ببقى عندي أم زيك وزياها وزى الناس اللي ماشيه في الشارع مع أهلهم كان نفسي أحس أوي بالإحساس دا ولحد دلوقتي عمري ما حسيته في حياتي لما شوفت الأنسه بترقص قدامي غمض عيني ورقصت جنبها حسيت إن رجلي بتترفع من على الأرض وطاير في السما، كنت بفكر في كل حاجه في حياتي ماكونتش عاوز أفتح عيوني عشان كنت مبسوط..

وضعت ميادة يدها على شعر الطفل تلاعبه وقالت:

- مُمكن نبقى أصحاب؟!

- أنا وأنتي؟

- أه، أصحاب وتبقى صاحب ياسر كمان!

فرح جداً ومن فرحته بدأت عينيه تمطر بدموعاً نقيه وقال :

- هتقبلوا نبقى أصحاب وأنا كدا؟!

- أيوة، قولي تحب تشتغل عندي في المطعم ولو عاوز تنام هوفرلك مكان تنام فيه قولى

إيه؟!

- بكام؟!

ضحكت ميادة وهو يقول بكام وقالتله: 1000 جنية وهتاكل وهتشرب وهتنام ببلاش
ومش هتدفع حاجه خالص .

قلت: فرصة مش هتتعوض يا جون وبعدين دي طيبة أوي وهتفرح لما تعرفها أكثر ومش
هتחס إنك شغال على قد ما تحس إنك فعلاً وسط عيلتك .

- أنت جوزها؟!

- هبقى جوزها..

- حبيبها يعني؟

- أه حبيبها.

وقفت من على الرمل وقلت لميادة هيا لنذهب، وقتت ميادة، نظر لها الطفل ينتظر ماذا
ستفعل !

ميادة قالت:

يلا هات غزل البنات وتعالى نروح نوديه للراجل الي بتشتغل معاه وتجييب هدومك
ونروح أنا وأنت على مطعمنا أو شغلك زي ما قولنا.

أخذناه معنا وركبنا السيارة وذهبنا الي الرجل الذي يعمل عنده جون ثم دخل جون
فتتظرنا قليلاً إلى ان أتى، نظرت له وهو يحمل ملابسه في شنطه بلاسيك سوداء .

قالت: يلا يا جون عشان نلحق المطعم قبل ما يقفلوه عشان إحنا أخرنا 12 وبنقفل،
وصلنا إلى المطعم ودخلنا من باب الزبائن، عين الطفل كانت تتجول في كل مكان في
المطعم، شىء غريب عليه أول مرة يدخله ..

دخلت المطبخ وتحديث مع الشيف خليل وقالت:

- يا شيف خليل، جون هيشغل معاكم.. هيساعدكم في غسل الأطباق والتنظيف
وعلموه يطبخ عشان في المستقبل يبقى مساعد الشيف وخدوه الشقه ينام معاكم فيها..

- شيف خليل: حاضر يا بتتي، نورتنا يا عم جون.

إبتسم جون ثم بكى، إقتربت منه وقلت:
الصحاب دايماً يبخافوا على بعض ويساعدوا بعض وأنت صاحبنا فلازم نشوفك
كويس، يلا امسح دموعك ..
أخذ الشيف خليل جون لبدأ عمله الجديد..
قلت لميادة: أنتي فعلاً إنسانة ولو كل واحد عمل كده مُمكن نطلع ناس عندهم موهبه
وُممكن جون يبقى هو الشيف بعدين..
- ميادة: أنا كنت فاهمة إن أنا اللي حياتي صعبة لما بابا وماما ماتوا لكن اكتشفت إن في
ناس أساساً معروفش حنان الأم ولا عطف الأب..
بعد رجوعي إلى منزلي قالت لي أمي :
- رfdوك من الشغل يا موكوس عشان متبروحش وطول اليوم صايح برا معرفش صايح
فين؟!
- عرفت .. صاحبي قالي، دخلت الأوضة أغير ولما خلصت طلعت من الأوضة قولت
لبابا عاوزك لو سمحت في الأوضة أنا وأنت في موضوع لو فاضي يعني بعد إذذك بس ؟
- أمي: هو في بينكم أسرار ماشي يا إبن بطني..
دخل أبي الغرفه وجلس على سريري ثم قلت له:
- هو لسه في مكان ليا عندك في المعرض بتاعك؟!
- إيه عاوز تسبب شغلك وتيجي تشتغل معايا في أثاث البيوت والديكورات؟
- أه .
- كويس أنا موافق.
- أصل أنا اترفدت من الشغل عشان من شهر 3 وأنا مأجز من الشغل.
- اعمم، طيب يا إبنني أنا مبسوط من قرارك ده عشان لما أموت تمسك المعرض
وتحافظ على اسم أبوك اللي فضل يحافظ عليه سنين من عمره.

- بس إديني شويه وقت مُمكن؟!؟
- قد إيه كدا؟!؟
- يعني بعد رأس السنه .
- هو النهاردة كام في الشهر؟!؟
- 29 /12 يا بابا.
- طيب وقت ما تحب قولي عشان أنزلك أفهمك الدنيا فيها إيه وأعرفك على التجار والمصانع والمهندسين اللي بتتعامل معاهم .
- شكراً يا بابا ..
- بتشكر أبوك؟!؟
- طب اقولك إيه؟!؟
- ماتقولش يا إبني حاجه ..
- خرج من الغرفه وجلس مع امي ومتأكد بأنها لن تترك أبي قبل أن تعرف ما حدث بيني وبين أبي فكان مضطر أبي أن يقول لها حتى تتركه هى أيضاً في حاله ..
- مرت الايام وأنا بجانب مياده ..
- وفي يوم السبت خرجت معها نجلس في مكاناً عام وفجأة بكت بدون أي أسباب للبكاء المفاجئ!
- سألتها: مالك؟!؟ قالتلي:
- أصل شوفت البنتين اللي هناك دول فكروني بيهما، ب يارا ..
- اعمم، مُمكن تهدي شويه يا حبيبتي أنتي عارفه إن العياط مش كويس عشان صحتك وكيان ماينفعش تعيطي أصلاً ..
- امسكت بحقيبتها وفتحتها واخرجت مرآتها الصغيره، فوجدت بالصدفة كيس
- "اولويز" ..

- بتشيلي أولويز في الشنطة يا قليلة الأدب !؟
- أمسكت حقيبتها وملاحمها قد خجلت مني ثم إبستمت وعيناها ممتلئة بالدموع..
- أنت اللي قليل الأدب .
- وماله كله في ميزان حسناتي..
- انظري لوجهك، كيف تبكي، تبكي عيناكي وأنتي جميلة؟ أريد منك ألا تبكي مرة أخرى
 مها كان فإن قلبي يبكي على بكائك..
- أصلك متعرفيش إن دموعك دي بتوجعني إزاي !
- قالت: على فكرة أنت بتأفور أوى معايا !
- قلت: أنا بقول اللي حاسه وبس ومش فارق معايا أفوره أو لأ وبعدين أنتي المفروض
 تكوني عارفه إن كل كلمة بتتقال بتبقى طالعه من جوايا..
- ونحن نجلس نتحدث، فجأة أشتد التعب عليها وأخذتها بسرعة إلى المستشفى..
- الدكتور قال: المفروض كانت تغير دم من فترة لكن هي ماجتش عشان تغير دم زى كل
 مرة، كان المفروض تغير الشهر اللي فات شهر 11.
- قلت لميادة: عاوزة تموتي نفسك مش كدا!
- أموت أحسن ما تسييني أنت كمان زي يارا.
- إقتربت منها و وضعت رأسي على رأسها:
- لما تموتي أنا هعيش لمين بعدك! تفتكري هعرف أعيش أصلاً!؟
- متخفش أنا كويسة بس عشان بطني وجعاني وكدا فالتعب زاد.
- فاهم قصدك عندك الـ ..
- بطل قلة أدب.
- الحمد لله إنك كويسة.

خرجت من غرفتها ثم تحدثت مع أهلي اطمئنهم علي حتى لا يقلقوا وأنني سأنام اليوم خارج المنزل.. ثم رجعت إلى غرفتها وهي نائمة على سريرها، أمسكت بيدها وأنظر لها إلى أن نمت أنا أيضاً، أستيقظت على صوتها وهي تتألم وشاهدت المرضيين بجانبها سألتهم:

- في إيه مالها ميادة؟ حد يرد عليا في إيه؟

- مفيش حاجة، حصلت تضاعفات بس هتاخذ حقنه وهتبقى أحسن قربت منها وهي نايمة وقولتلها :

- تفتكري ربنا هيزعل لو حبيتك أكثر منه؟

- إبتسمت، ربنا هو اللي أختارك ليا وعارف إن أنت اللي هتفهمني وتجنبي بجد من جواك عشان كده لقيتك بسرعة قبل ما العمر يعدي بيا..

إقتربت بيدها لتمسح دموعي..

إقتربت منها ووضعت يدي تحت رأسها وأمسكت بيدها وأخذتها بين ضلوعي وقولت لها:

- عارفه عمري ما تخيلت إن هحب حد كدا أساساً !

متخيلتش في يوم إن ممكن أحب حد أكثر من اللي خلقتني بتبص ليا ومبتسمه..

أنتي بالنسبة ليا حاجة أكبر من الكون دا كله حاجة متوصفش أنتي حُبك عدى حُبي للي خلقتني ونفخ فيا الروح، حُبك بالنسبالي كيان ودستور عايش عليه أنتي، أنتي كل حاجة، أنتي كل حاجة فيكي كاملة ومش ناقصك أي حاجة.

قالت :

- ساعات بييجي علينا وقت نلاقى الشخص اللي بيحبنا من قلبه بجد بس من كتر العلاقات الفاشله واللي بنشوفه بقينا بنخاف نقرب لتضيع كل حاجة جوانا ومفيش حد عارف امتي هنحب ولا امتي هنفارق عايشين وسايين الدنيا تودي وتجييب فينا ومفيش حد عارف في زمنا دا اللي بنعمله صح ولا غلط من اللي بنشوفه.

قبلتها على رأسها:

- أنا عن نفسي عارف أنا بعمل إيه دلوقتي وعارف موجود هنا ليه!

عاوز اقولك حاجة قبل ما أحبك كنت بقول:

لما أحب مش هحب واحدة عشان صدرها ولا عشان ظهرها أو تقسيمة جسمها، أنا هحب واحدة لما اتعب واحط رأسي على صدرها أحس بالأمان معاها والتعب يزول بمجرد ما أحس بدفي حضنها، لما أحب مش هبص لأي واحدة صحيح يقولوا إن عيون الرجل زايفه لكن اللي بيحب استحاله يبص على واحدة تانية

عشان اللي بيحبها أصلها ماليه عنيه ومكفياها زي ما أنتي مكفياي ومش مخلياي اعرف أبص برا من غير حتى ما تعملي أي حاجة..

في بنات عاملين زي قطعة الماس مدفونه وسط الجبال مستنيه الشخص اللي يجي ويدور عليها ويكتشفها ويطلعها للحياة لإن حرام اللي زيها يندفن وسط شويه تراب..

عارفه لما بسمع مزىكا بفتكرك ولما باكل بفتكرك ولما بفكر مبفكرش غير فيكي ولما بصحى من النوم بتيجي على بالي ولما أنام برده بحلم بيكي، أنتي ساكنة حياتي وقاعدة فيها بدون ما أقاوم أو حتى تلاقي رد فعل مني، أنا مستسلم بكل إرادتي ليكي ورافع قلبي على إيدي زي الرايه البيضة..

أنا مش عارف إيه الحب اللي جوايا ليكي دا؟

أنا بقيت حاسك إله من السما بقيت بحبك أكثر من اللي خلقني أنا، أنا مش عارف بحبك كدا ليه أصلاً!!

خرجنا من المستشفى اليوم التالي..

وأنا معها سألتها سؤال غريب:

- هما أهلك من أبوكي أو أمك ماجوش سألوا عليك ليه أو مفيش حتى أي حد من

قريبك قريب منك؟!

- تخيل إن مفيش ولا حد من أهل أمي أو بابا بيحبني عشان ..

أولاً: أهل أمي بيسألوا بس عشان لو عاوزين فلوس .

ثانياً: أهل بابا من بعد ما عرفوا إن البيت والمطعم وكل حاجة تخص بابا إنكتب بإسمي وهما بيكرهونا حتى لما عرفوا إن أمي ماتت محاضروش العزاء عشان أكتشفوا إن سني بقي 21 سنة اللي هو خلاص مباحثش قاصر وقادرة أتحكم في فلوسي وهما همهم الفلوس ويبتمنوا موتي عشان ياخدوا كل حاجة ..

تعرف يا ياسر لو جاتلهم الفرصة يموتوني هيعملوها، دا حتى ولاد عمي مبيسألوش عليا ولا حتى ولاد عمتي، زي ما أنت شايف جيراني، أصحابي هما دول أهلي إلي حد ما إننا اللي من دمي نكرين وجودي ويبتمنوا يتخلصوا مني .

ذهبت معها إلى منزلها وصعدنا على السلم وجدنا ورد أمام باب المنزل فأمسكت بالكارد: ألف سلامه عليك، أنا لما عرفت خفت أوي عشان بحبك أوي أخوكي الصغير جون ..

وقفنا على باب المنزل وهي تمسك بالباب ابتسم لها وهي تبادلني الابتسامه ثم نزلت، أغلقت باب منزلها عليها وأنا أنزل على السلم وجدت رسالة من أحمد فراج "مويالك غير متاح طول اليوم لما تفتح كلمني ضروري" ..

إتصلت بأحمد:

- أنت فين يا إبنني!؟

- أنت اللي فين!؟

- خلاص كنت بوصل ميادة ورايح على البيت .

- طيب عموماً عندي خبر حلو ليك بس الأول لازم نتقابل .

- طيب أنت فين وأنا أجيلك!؟

- أنا عند محطة الرمل في كافية "لاكوستا" ..

- طيب تمام، ساعة بالكثير وأكون عندك.

وصلت للعنوان أنظر الي الناس فوجدت أحمد وجلست معه..

- إيه الأخبار اللي عاوزني عشانها؟!!

- طب مفيش إزيك ولا أي حاجه!

- يا أحمد أنجز عشان أنا فيا اللي مكفيني .

- عموماً غدير دي طلعتها من دماغك خالص وانساها.

- إزاي؟!!

- رسمت عليها دور الحب وهى صدقت وعشمتها بالسفر معايا وهى إقتنعت أوي ومبسوطة..

- ضحكت وقولتله، تصدق الوسخ هيفضل وسخ وهى فعلاً كده عمرها ما هتتغير لسه بتبص للماديات وللميدالية المفاتيح اللي معاك زي ما بصت لي قبلك..

قال: بس بصراحة يا ياسر لما أتكلمت معاها حسيت إن في حاجه جواها ليك، حاجة نظيفة كده، زي ما يقولوا الحب اللي مش بنعرف ننساه..

- فكك من حبهها والحوارات دي، أنت هتسفرها معاك فعلاً؟!!

- أسفر مين ياعم أنت بتصدق، إحنا بنعيش يومين وبس يعني أقضي أجازتي معاها واهو تتحسب من ضمن اللي عرفتهم وبعدين هى مالهاش عازة عندك يبقى خلاص "

أصبحت ملكي " ..

- طيب كويس، حوار جيهان بقى عملت فيه إيه؟!!

- لما كلمتها قالتلي أنا كنت بضايقه وكنت فعلاً هشيّلها المادة، بس أنا يا ياسر بخبرتي ك ابن للحج فراج عرفت إزاي ألفها وأحطها في جيب البنطلون وقولتلها لو جيتي جنبها انسيني وهي خلاص اقتنعت بيا، شيّلها من دماغك بقى لحد ما أعرف أجيلك حقك ..
- أنا اتشمت منها في الشارع .
- هخليها تندم على اليوم اللي عرفتك وعرفتني فيه بس متقلقش..
- أعمل حسابك يوم رأس السنة أنت وياسين معزومين وهتصل بيكم، هنعحتفل برأس السنة الجديدة في مطعم ميادة..

19/12/2005 أمام المطعم..

أقف أمام المطعم مع ميادة نسند على السيارة ونحدث، قلت:

- تفتكري لو أتقدمتلك للجواز هتوافقي؟!!
- إتصدمت من سؤالتي وقالت: أنت بتهزر صح!
- ردي على السؤال؟! هتوافقي؟
- لازم أوافق، مجبره أوافق عشان بحبك..
- وهي سعيدة وتقفز من فرحتها، كف رجلها مال - اتلوح - سندت بيدها على السيارة وتألّم من شدة الألم.. قلت:
- استني خليك زي ما أنتي ..
- إنحيت بجسدي وقبل أن أمسك برجلها المصابة رفضت وقالت:
- لا يا ياسر ماينفعش هي هتبقى كويسه قوم عيب كدا..
- يا ياسر الناس بتفرج علينا ماينفعش كدا!
- مُمكن تهدي شويه! سيبك من الناس..

- استني وإهدي، نزلت بركبتي ومسكت رجليها وهي بتتوجع من ألمها ويأيدي حاولت
أحرك رجليها واحده واحده ..

وقف بعض الناس ينظرون لنا ومتبهين لما أفعله وتحديدأ بعض البنات عند رؤيتهم لي
كانت أعينهم تتحدث وهي تقول " أريد مثل هذا الرجل " ..

ميادة: يا ياسر كفاية كذا الناس بتبص علينا أرجوك !

- لسه حاسة بوجع فيها !

- خلاص بقى عشان خاطري ماينفesch كدا وهي بتحاول تخليني أسيب رجليها
فأبعدتني بيدها وبدون قصد وقعت على الارض ..

- أنا أسفة بجد مش عارفه، أنا أسفة.

- لأ مفيش حاجة المهم إن رجليكي كويسة دلوقتي ..

وأنأ أقف معها قال أحد الماره: الرجالة ماتت ..

نظرت له ثم إبتسمت إبتسامه ترد على ما قاله فهو لم يجب من قبل ..

- أنا مش قولتلك إنك كتير عليا؟

- عمري ما كنت كتير عليكي عارفة، لما تفرحى ببقى عاوز أكون سبب فرحتك

ولما تتخنى ببقى عاوز أكون أنا سبب راحتك ولما تتعبي لازم أكون أنا اللي بشاركك

تعبك أصل " أنا أنتى " ..

الشريط العاشر

عجباً على زمناً تحولت فيه الدماء لماء

يوم لك و يوم عليك

11:49 الساعة 31/12/2005

أقف مع ياسين وأحمد وميادة في المطعم نحتفل برأس السنة..

وكل من بالمطعم يشارك في إحتفال رأس السنة وعندما وقف العقربان عند الساعه

12:01 فتحت الأنوار والمزيكا تلاعب أذاننا..

جلسنا على الطاولة كلنا ثم قدمت أحمد وياسين لمياده وأحبتهم مثلي والفرحة في عيناها
لإنها بدأت تقترب من الناس أكثر وتحدثنا سوياً وكان المزاح بيننا قوياً ومياده سعيدة لإن
أحمد بدأ يتحدث عن أيامنا معاً وعن فضائحننا القديمة..

ميادة: على فكرة يا أحمد أنت دمك خفيف أوي .

أحمد: ربنا يخليكي دا من ذوقك وياسر دا أنتي متعرفهوش لما يبقى مزاجه رايق بيتحول
وبيتشقلب يخليكي تموتي من الضحك..

ميادة: وأنت يا ياسين شكلك طيب الصراحة ..

ياسين: ربنا يكرمك، دا شرف ليا أنا والله إن إتعرفت عليك، على زوجة ياسر في

المستقبل..

أمسكت يد ميادة وسعيد بها وهي تنظر لي أرى نفسي في لمعان عيونها..

وأنا انظر لعيناها كالمرآة تعكسني ولمعة العين من الفرحة تملئ عيناها الجميلتين..

قالت ميادة: يلا يا جماعة عشان هناخد صورة مع طاقم المطعم، صورة لذكري لأول يوم

في السنة ..

وقف العاملين في المطعم ووقفت بجانب ميادة وجون جالس على كرسي بيني وبينها
وعلى يساري أحمد وياسين و وراءنا العاملين بالمطعم، ألتقطت الصورة..
بعد إنتهاء الإحتفال ركبت السيارة ومعى ميادة و وراءنا في السيارة الأخرى أحمد وياسين
وبعد ما تأكدت بأن ميادة دخلت منزلها وفتحت نور منزلها ركبت في المقعد الخلفي وأحمد
وياسين أمامي ثم ذهبنا.

أحمد: مد إيدك يا ياسر تحت الكرسي بتاع ياسين هات الإزازة..
طلعت الإزازة وقولتله: خد..

أحمد: أصل ما ينفعش نحتفل برأس السنة كده يعني .
شرب ياسين مع أحمد إلى أن أصبحوا مثل المجانين فطلبت من أحمد أن يقف يتركني أقود
أنا السيارة ورجعوا هما الإثنان في الكرسي الخلفي والسياره تهتز من صوت المزيكا وبعد
إنتهاء إحتفالهم الخاص أوصلت ياسين بيته ثم وصلت بيتي ونزلت من السيارة فخفت
على أحمد فأنزله من السيارة يقف على قدميه ليستعيد وعيه ليعرف يقود سيارته وقبل أن
يذهب أحمد بسيارته قال لي:

صحيح ياسين عارف حوار غدير ومرسيه على الدنيا من الأول عشان هيساعدني في
حاجات هعملها مع غدير..

قلت:

- وأنت تقول لـ ياسين ليه وتعرفه حاجة زي دي؟ وإيه حاجات دي؟!
- غدير كلمت ياسين وبتلعب في دماغه وبتحاول تكرهه فيك وبتجيب القديم والجديد
وبتقول عنك كلام محصلش في حق ياسين عشان تشدوا مع بعض فياسين كلمني وكان
لازم أقوله الحوار كله وأعرفه غدير ناويه على إيه وكمان غدير بتحاول تكرهني فيك
بحوارات قديمة، بس صحيح أنت قولت لغدير قبل كدا دا أنا لو عندي أخت مش
هجوزاها لواحد زي أحمد؟!!

- تفتكر أنا مُمكن اقول عنك كدا؟! -

- اعمم، لأ بس أنا شكيت يا جدع!

- وإيه الحاجات اللي ياسين هيساعدك فيها؟! -

- ياسين بُص على آخره منها لما عرف إنها عاوزه تقلبك حياتك وتعمل معاك مشاكل لكن الحاجة الثانية دي هسيبها مفاجأة ليك أنت عشان تاخذ حقك قدام عينيك .

- ماشي، سلام.

ذهب أحمد سريعاً متجه لبيته وأنا طلعت على سلم البيت ..

في اليوم التالي وجدت الصور التي أخذتها أمس وضعت واحدة في صالة المطعم والثانية موضوعه جنب صور أبيها ..

سألت عليها لم أجدها في المطعم، إتصلت بيها موبيلها كان مشغولاً!

دخلت المطبخ أبحث عن جون، سلمت عليه وسألته عن أخباره وأخبار العمل معه قال: أنا مرتاح هنا، زمان كان الواحد متبهدل في الشوارع إنما دلوقتي حاسس إن كل الناس اللي هنا زي أهلي بالظبط ومفيش فرق بيني وبينهم.

- إيه دا إيه دا؟! أنت جيت موبيل!

إبتسم والفرحة في عينيه، هكذا هم البشر أصحاب المشاعر الرقيقه من أقل شيء بيتسمون ويفرحون ..

- أه وفي نغمات مجسمه كمان .

قلت: حلو حافظ عليه بقى وأنا معاه ميادة إتصلت وقاتلي تعالى الإبراهيميه ضروري ولما توصل كلمني عشان أقابلك ..

لما ذهبت تحدثت إليها وطلعنا عند محامي فسألته: إيه اللي حصل في إيه؟! -

قالت: مرفوع عليا قضيه من أهل بابا إن أنا مابعرفش أتصرف في مالي وعاوزين يطلعوني
مجنونة عشان ينهشوا فيا وتبقى كل أملاكي تحت سيطرتهم واللي شاكيني عمامي وعماتي
كلهم وماضيين على الشكوى ..

طلعنا للمحامي وجلسنا معه ثم قال :

هما عاوزين كل فلوسها تبقى تحت وصايتهم هما وطبعاً دا لو حصل والمحكمة
حكمتلهم يبقى كده الأنسة ميادة راحت عليها..

قالت: صحيح يا ياسر أعرفك ده المحامي سعيد الطلوشي من أكبر محامين الإسكندرية
وكان صاحب بابا وكان واقف معانا زمان لما كنت صغيرة لما أهل بابا عملوا نفس
الحكاية في أمي وساعدنا ..

- تشرفنا، طيب حضرتك إيه الحل في نظرك!؟

- المحامي: المحكمة هتطلب شهادة من مستشفى الأمراض النفسية بحالتها عشان تتأكد
من الشكوى إذا كانت كيديه ولا لا و وقتها الشهادة دي هي اللي هتثبت كل حاجه ولو
كيديه هيبقي وقتها من حق الأنسة ميادة ترفع قضية رد شرف وتطلب اللي هي عاوزه
واحتمال يتحبسوا .

قولته : طيب والجلسة امتي !

- 15 / 1 / 2006 وطبعاً القاضي هيقفها ويسألها كام سؤال وتاني جلسة هينطق بالحكم
بوجود الشهادة اللي هتثبت كل حاجة ..

قولته: وطبعاً لو ليهم حد هناك ممكن الشهادة تتزور .

- ده لو حصل وقتها هتبقى كارثة وهنطعن في الشهادة وفي الدكتور اللي كشف عليها .
طلعنا من مكتب المحامي وقودت السيارة مكانها، ميادة منهارة من البكاء، أهلها الذين
يشاركونها نفس الدم يحاولون الإستيلاء على كل أموالها بدون وجه حق.

سألت ميادة عن المال والأمالك التي تمتلكها قالت:

- عمارتين والمطعم وفلوس في البنك والعربية دي.

- أه طبعا ما الحاجة دي تساوي كثير، حسبي الله ونعم الوكيل.

متقلقيش خالص أنا جنبك فاهمة! لو حد قربلك بس هقتله بإيدي ..

قالت: ياسر مالكش دعوة بحاجة عشان خاطري ومدخلش نفسك في مشاكل وممكن

لو إستفزوك وعملت حاجة هياخدوها بالمقابل وأنا مش عاوزاهم يمسكوا عليا غلطة

وكمان عاوزاك جنبي بعقلك وبحبك ليا أكثر من أي وقت تاني ..

14 / 1 / 2006

منزل خالتي ..

ركبت السيارة مع أمي أذهب بها لخالتي وبعد وصولي للمنزل جلست أمي مع خالتي

ويتحدثوا بصوت منخفض وأنا أقف بجانب جيهان في شرفه المنزل أشرب سيجارة

وأتحدث معها ..

جيهان: أخبارك إيه مع ميادة!؟

- كويس عندها مشاكل مع أهلها وعندها بكرة جلسة مهمة في المحكمة، إدعيها يا

جيهان ..

- ميادة دي بنت طيبة أوي، صحيح نسيت أقولك آخر التطورات زياد ساب فريدة

وفريدة إنخطبت لواحد شغال مهندس بتروول وزياد إرتبط بواحدة تانية معرفهاش

والبنت بتحبه أوي يا ياسر .

- أنتي بتعرفي الكلام دا إزاي!؟

- يا إبني مفيش حاجة بتستخبي خالص على البنات لإن إحنا بتتجمع أنا وصحابي نتكلم

وينعرف بقى كل حاجة ولإن كمان زياد في بنات صحابي يعرفوه ونفس الكلام فريدة

فبجيب أخبارهم وأنا قاعدة ..

- طب وأنتي قلبك أخباره إيه!؟

- بُص يا ياسر أنا جريت مرة وفشلت والمرة دي أنا هسيبها لنصيبيها ومش هفكر في أي إرتباط تاني دلوقتي لحد ما أخلص الكلية وأشتغل، أنا تعبت بما فيه الكفاية..

يا إبنى أنا عيشت فترة لما زياد ده سابني كنت بشوفهم ماشيين جنب بعض زي ما يكونوا بيغوظوني، كنت مفروسة أوي يا ياسر، كنت عاوزة أشدها من شعرها بنت الكلب دي، تعرف أحسن إنهم سابوا بعض أنا شمتانه أوي فيهم..

- فريدة خلاص متقلقيش عليها إتخطبت لواحد مرتبه بالدولار يا ماما..

- يلا إحنا مالنا بلاش نجيب في سيرة حد.

- لااااا والله !!؟ بلاش نجيب في سيرة حد! ماشي يا جيهان.

- عارف أنت لو كنت أخويا فعلاً ما كنتش هتحنيني كده وأنت فاهم أخويا لسه صغير وطبعاً مش هروح أقوله حاجة لأن أكبر طموحاته ينزل يلعب في الشارع..

- أنا قولتلك إن أنا أخوكي وزى بابا بالظبط كان..

- ربنا يخليك ليا يا رب.

- بس عارفه لما كنت معاكي في الجامعة آخر مرة البنات كانت غريبة، جميلة أوي هما تحولوا ولا إيه مش فاهم أنا!

- أنا هسيبك ورايحه أقعد معاهم..

اليوم التالي نجلس في قاعة المحكمة..

أجلس بجانب ميادة، دخل القاضي وقال رقم القضية ووقفت ميادة أمامه

القاضي: عمالك رافعين عليكي قضية إن أنتي مختلفة عقلياً وبتصرفي في مال أخوهم غلط وطالبين الوصاية عليكي وعلى كل أموالك وممتلكاتك إيه رأيك!

قالت:

حضرتك لما بابا مات كانت آخر مرة أشوف فيها أهلي، اللي هما عمامي..

عمامي اللي رافعين عليا قضية دلوقتي هما نفس الأشخاص اللي بيتمنوا موتي لما ماما ماتت إتفاجئوا إن أنا عندي 21 سنة يعني عدت السن القانوني وأقدر أتحكم في فلوسي وهما نفس الأشخاص اللي لما بتعب وبنام في المستشفى مفيش حد فيهم بيجيلي ويزورني أو حتى يقولي عامله إيه؟! حضرتك أنا لو مجنونة زي ما يقولوا كنت صرفت فلوسي وفلست لكن تقدر تشوف بنفسك من بعد ما بقى عندنا مطعم صغير كبرته وخليته أكبر مطعم في إسكندرية عشان بابا يبقى فخور بيا وإن هو سايب وراه بنت هتقدر تشيل المسؤلية..

تقدر تسألهم كانوا فين لما أمي ماتت وبقيت لوحدي؟ طب أسألهم فكرتوا في مرة تسألوا عني؟ بيمننوا موتي دلوقتي قبل بكرة عشان يورثوني، أنا مش هفرط في مليم واحد لأنه مش من حقهم وده من حقي لأن اللي تعب كان أبويا، أخوهم اللي مش بيسألوا عن بنته اللي من دمه، أسألهم حضرتك ليه مطلعني مجنونة؟! عشان يحافظوا على فلوسه ولا عشان يسكنوا العمارات هما وعيالهم!؟

طلب القاضي عمها، وقف عمها أمام القاضي..

القاضي قال: إيه رأيك في كلامها!؟

قال: حضرتك البنت دي عماله تصرف فلوسها على الولاد وبتشرب وبتعمل حاجات غريبة وكل يوم بتيجي متأخر بيتها ومعها الشاب اللي قاعد جنبها ده والله أعلم بيعملوا إيه، ثانياً إحنا خايفين على اسم العيلة اللي هي خلاص قربت تضيعه..

القاضي طلب شهادة من مستشفى الأمراض العقلية لميادة عشان ينطق بالحكم الجلسة الجايه وأجل الجلسة لتاريخ 10/4/2006 ..

وعند باب المحكمة وأنا خارج مع ميادة أمسك بيدها تقدم فرداً من أهلها وقال:

فعص في إيدها كمان ما هي بتصرف عليك وسايه أهلها من غير أكل ومظبطاك كل يوم في شقتها، الله اعلم بتعملوا إيه ولا بتروح الساعة كام!؟

عمتها قالت: يلا يا فاجره وسختينا ..

كدت أن أفقد صوابي وأقتلهم على إهانتهم لها وسبهم لكن بدأت ميادة تهدثني ثم وصلنا للسيارة وركبنا وبدأت تنهار بالبكاء ..
قلت:

- مسبتنيش ليه أضربهم !؟

- ياسر .. أرجوك كفايه مش عاوز أتكلم دلوقتي، مُمكن توصلني المطعم؟
ونحن في الطريق الصمت هو من يسيطر علينا فأنظر لعيناها وقد تغير لونهم للون الدم من شدة البكاء وأكمل طريقي إلى أن أوصلتها للمطعم ثم قالت:
عاوزه اقعده لوحدي طلعت تجري على المكتب لمحها جون، أقترب مني وقال:
- هي مالها ميادة !؟

- مفيش يا جون إديعلها تبقى كويسة ..

جلست قليلاً في المطعم فقلقت عليها فصعدت إلى المكتب، فتحت الباب وجدتها نائمة على كنبه المكتب، دخلت وأغلقت الباب وإقتربت منها وقلت:

- ميادة! يا ميادة!

فتحت عيناها وقالت بصوت مكسور: أيوة يا ياسر؟

- أنا مش عارف أقولك إيه بس أنا جنبك مهما حصل أنا جنبك.

- ما ده اللي مطمني، إن أنت لسه جنبي.

- طيب قومي أوصلك البيت .

- لأ يا ياسر أنا هروح لوحدي وعشان خاطري خيلنا بس الفترة دي بعيد شويه عشان أنا خايفة عليك وعليها وهنظمن على بعض متخافش ..

- بعيد إزاي يا ميادة !

- لحد ميعاد المحكمة، أنا هروح يوم الخميس المستشفى اعمل الشهادة وعاوزة أكون لوحدى .

- عموماً أنا مش عاوز غير راحتك، أنا ماشى .

نزلت من المكتب ودخلت المطبخ لجون ..

- جون عاوز منك طلب صغير .

- أنت تُأمر !

- خلي بالك من ميادة فاهمنى ؟

- حاضر، هى مالها !

- تعبانة شويه، هات رقمك .

- أنت مش جاي تانى ولا إيه !

- لأ، جاي بس فترة كده وهرجع .

نظرتي جون مندهش من كلامي ثم اختفيت ..

إتصل أحمد بي وقال :

ياسين هيعدي عليك الساعة 9 ونص تحت البيت تنزل معاه بسرعة وهو هياخدك

وهجيبك عندي ..

- فين ؟!

- أقولك فين ؟! وضحك .

- ماشى يا وسخ .

رجعت البيت الساعة 6 مساءً، أبي يشاهد التلفاز وأمي بجانبه تمسك بهاتف المنزل

وتتحدث مع خالتي عن طريقة عمل المكرونة بالفراخ ..

بابا: ياسر عاوزك، غير هدومك واندهلي ..

- حاضر .

دخلت الغرفة وبعد ما أردت ملابسات النوم ..

دخل بابا الغرفة وجلس على كرسي المكتب وينظر لي وأنا لا أفهم شىء ثم قال:

- أنت مش ناوي تتجوز بقى؟

- شايفلي عروسة؟

- أنت إيه اللي مانعك تتجوز جيهان!

- أنا وجيهان أخوات وعمرنا ما فكرنا نتجوز بالعكس دايباً لايق علينا أوي الأخوات

وحاسين براحة وإحنا كدا وهى كمان نفس الشىء..

- بٌص يا إبني أنا مش هغصبك على حاجة بس ساعات الواحد بيبقى نصيبه قدامه

ومش شايفه، أنا عاوز أطمئن عليك فاهمني!

- متقلقش يا بابا، أنا ماشي في موضوع واتمنى يوصل للأخر..

وقفت من مكاني وذهبت بهدوء أنظر لأمي فوجدتها مندمجة مع خالتي فرجعت وأغلقت

الباب وتحدثت معه عن كل شىء بيني وبين ميادة ثم وقف أبي ونهى الحديث بيننا بثلاث

كلمات "اللي عاوزة ربنا يابني هو اللي هيكون" ..

ثم فتح باب الغرفة وخرج.

الساعة 9:30

ياسين يتصل بي، إقتربت من شرفة غرفتي، رأيته يقف تحت البيت، إرتديت ملابسي

ونزلت له لا أعرف إلى أين سنذهب؟

- رايحين على فين؟!

- هتعرف كل حاجه لما نوصل..

- أنتوا خاطفني يا إبني ولا إيه؟!

- إحنا لو بعناك في سوق الرقيق ماتجيبش علبة سجائر..

- ماشي يا خفه..

وقفنا أمام بوابة عمارة ثم قال:

- اطلع

- الموضوع كدا قالقني أوي ..

- ياعم إنجز وأطلع ورايا..

صعدت وراءه ثم وقفنا أمام باب شقة ..

قلت له: شقة مين دي؟!؟

- إدخل وھتعرف، توطي صوتك، باب الشقة أصلاً مفتوح .

دخلت وراءه الشقه وقفت في منتصف الشقة وقلت:

- يا إبني أنت جايني هنا ليه؟!؟

- هوووووش

- بصوت واطي: أحمد فين؟!؟

إقترب ياسين وفتح باب غرفه محددة وفجأة قال:

إيه دا؟ مين دي يا أحمد؟ غدير!! تَو تَو تَو..

شاهدت غدير نائمه بدون ملابس في حضن أحمد، أنظر لها وأبتسم إبتسامه فيها معناها

"كنت أعلم أن هذه هو ما يليق بيكي" قامت غدير خائفة جسدها يرتعش من الصدمه

وتغطي نفسها ويدها الأخرى تحاول أن تمسك بملابسها الداخليه فتقدم ياسين وأمسك

ملابسها بيده..

أحمد: أنا أسف يا غدير، بس فعلاً هو ده أخرك .. ملاية تتلفي فيها..

أمسكت بكرسي وجلست في منتصف باب الغرفه أنظر لها ثم قلت:

شوقتي أهو، أخرك .. زي ما أحمد قال ملاية، أنتي فاكرة إن أنتي ممكن توقعينا في بعض

عشان نتتقمي مني؟

ياسين أمسك الهاتف وِلتقط صورة لغدير وهي تقف عاربه وقال :

دي صورة لذكري وبرده عشان لو حاولتي عملي حاجة في جيهان بنت خالة ياسر
وتضرىها في دراستها ..

قلت: بُصي يا غدير إحنا مش وسخين، أه أحمد وسخ ده طبيعي .

أحمد: الله يكرمك يا صاحبي ده شرف ليا والله ..

لكن مش إحنا اللي يضحك علينا أو حتى تفكري في يوم عملي حركة مش كويسه فينا
وأنتي اللي عملتي في نفسك كده وفعلاً ده أخرج إنك تنامي مع أي حد وخلاص وأحمد
طلع صابع لما لفك في ملاية قدامنا، إحنا مُمكن دلوقتي نطلعك من البيت بالملاية تروحي
بيتك بيها دا لو وصلتي بيتك اصلاً ..

غدير: أرجوك يا ياسر مانفضحنش وحياء أبوك .

أحمد: أنا عملت اللي عليا وهي دلوقتي بتاعتك أنت .

غدير: لو عاوزني أنا مستعدة بس بلاش تفضحني أرجوك !

قلت: لا لا، أصل أنا إنف اوي عمري ما أكل من طبق غيري أكل منه .

نظرت غدير إلى الأرض وهي تبكي بندم وتنظر لأحمد ولا تعرف ماذا تقول وجسدها
يرتعش من الخوف ..

أحمد: أنا نازل أجيب إزازة ويسكي نشرىها بالمناسبة الحلوة دي .

غدير: أنتوا هتعملوا إيه فيا أكثر من اللي عملتوه ..

قوت: ياسين إديها هدومها .

ألقي ياسين ملابس غدير على الأرض وهي تمسك بها وترتديها أمامنا ..

قلت لها: مكسوفة تلبسي قدامنا ما أنتي قلعتي قدام أحمد عادي؟ عموماً عادي، يلا يا
ياسين تعال نطلع يلا يا أحمد عشان تعرف تلبس ..

ياسين: ما تلبس قدامنا عادي ..

قولته: ياسين أخلص، يلا ..

أحمد: طب وأنا اطلع ليه وأنا شوفت كل حاجه أصلاً

إبتسمت وقلت: لو عاوز تخليك خليك ..

خرجنا من الغرفة لترتدي غدِير ملبسها بعد إنتهاها خرجت منها وقلت لها:

- شوفي، بنت خالتي لو جيتي جنبها هتبقِي دي نهايتك والي حصل النهاردة دا اعتبريه

حاجة بسيطة ولو حبيتي تجري التقييل قربي من جيهان أو حتى من أي حد يخلصني حتى

لو ماشي وشوفتي خيالي تحترمييه، فاهمة !

قالت: حاضر أنا أسفة ومش هتشوفوا وشي تاني أبدأ ..

خرجت من الشقة وأول ما قفلت الباب وقفنا نضحك نحن الثلاثة مع بعض وقولت

لهم أنتم حقاً أعادتم لي حقي ..

وقلت لهم لن أجد مثلكم يا أصدقائي لن أجد ..

أحمد قال: البت عليها صدر يا ياسر ماشوفتش زيه ..

ياسين: ياخسارة يارتنِي ما فتحت عليهم بدري وكنت إتفرجت ..

قولت: شقة مين دي يا أحمد !؟

أحمد : دي شقة مأجرها كده أقضي فيها ليالي الرزيلة ..

تحدثت مع أمي عبر الهاتف وقولت لها بأنني سأنام اليوم خارج البيت في منزل أحمد لأن

الجو ممطر والطريق غير مطمئن للسير عليه الآن ثم أغلقت مع أمي الهاتف وجلسنا

نتحدث سوياً ثم نمنا في الصاله إلى أن إستيقظنا وخرجنا أنا وياسين صباحاً من شقة

أحمد ..

مرت أياماً كثيرة أتصل بها وأعرف اخبارها عبر الهاتف وعندما يزيد شوقي بداخلي لها

أذهب أقف أمام المطعم من بعيد أحاول أن أراها بدون أن تراني، نتحدث عبر الهاتف

ولكن هل هذا يكفي عاشق مات في حبها !

أفرح كثيراً عند قولها لي أشتقت لك وأحزن كثيراً عند قولها لي لا أستطيع رؤيتك الآن
فتركني لوقت، لا يهمني إلا مصلحتها لأنني قد وعدتها بأنني سأقف دائماً بجانبها،
بجانبها حتى لو عن بعد..

وفي يوماً من الأيام وجدت رساله على هاتفي منها "عاوزه أشوفك" ..

تركت كل ما في يدي وذهبت إلى المطعم، صعدت إلى مكتبها وجدها جالسة أمامي، عند
رؤيتها لي قفزت بين ضلوعي فقبلتها على رأسها وأنا أستنشق العطر الذي يفوح من
خُصل شعرها، دقائق كثيرة على هذا الحال والصمت حل علينا لعل العناق يشبع عشقي
لها فنظرت لعينيها وجدت لمعة اللقاء من بعد الوداع فقلت لها:

- وحشتيني ..

- أنت أكثر، عارف أنا مقدرتش أستحمل كنت محتاجة حضنك أوي الفترة اللي فاتت،
عارف بقالنا قد إيه ماشوفناش بعض؟ أنا حاسه إن مر علينا سنين.

- مر علينا شهرين و 12 يوم و 14 ساعة ماشوفناش فيهم بعض، حاسب بالساعات
والأيام، اليوم اللي بيعدي زي ما يكون سنة في بُعدك

- هتفضل كثير.

- تفتكري ربنا هيضايق مني عشان بحبك أكثر منه هو؟!

- تاني نفس السؤال؟ ربنا هو اللي جابك ليا عشان تلحقني وتاخدني بين ضلوعك
تطمني وتحسني إن أنا عايشة وليا قلب بعد ما مات قلبي مع موت أهلي..

- إحكي لي حصل إيه في القضية؟!

- أنا عملت الشهادة والمحامي ماشي في إجراءات القضية ومرعوبة ليزوروا الشهادة!

- متخافيش لو حصل المحامي قال في طعن..

- يارب يا ياسر

قلت لها بنظره بها شوق:

أنا عارف كل حاجة كانت بتحصل في المطعم بتوصلي امتي وبتروحي امتي ..

اندهشت وقالت: إزاي؟ من مين؟

قولتلها: جون ده غير أن كنت بعدي صدفه من جنب المطعم عشان أشوفك.

إبتسمت: عارف جون ده أجدع ولد شوفته في حياتي ونفسي فعلاً يتعلم كل حاجة في

المطعم ويكبر فيه ..

قلت: هو فعلاً راجل وأرجل من ناس كتير لإن الدنيا داست عليه أوي ..

جلسنا نتكلم لساعات ثم تركتها وذهبت أكمل الليل مع أصدقائي أحمد وياسين لطلوع

الفجر ..

الشريط الحادي عشر

لماذا؟

لماذا الفراق!

ماذا فعلت أنا لك ليكون هذا مصيري!

كرهتك بقدر كرهك لي؟!!

جسر النهايات

...11/3/2006

أسير مع أحمد وياسين أمام مكتبة الإسكندرية..

ياسين: شافين البنت اللي هناك دي؟!!

قلت: فين؟

قال: اللي لابسة بنطلون أسود وهيلز أسود وشعرها بني دي الي واقفه مع البنت والولد

الي هناك يا حمار أنت وهو!

أحمد: أه أه، وبيشاور بإيده.

ياسين: أنت أهبل نزل إيدك دي ..

قلت: مالها!؟

قال: نفسي أكلمها، ساكنة قريب مننا، تخيلوا فضلت ماشي وراها 3 أيام عشان أعرف

هي ساكنة فين وأعرف حاجات عنها، مختلفة اوي البنت دي عن أي بنت شوفتها في حياتي كلها..

أحمد: يا إيني مفيش إختلاف الحاجات الي عندها عند غيرها بإختلاف المقاسات.

قلت لأحمد: أنت ليه يا أحمد كل ما تتكلم، تتكلم بلغة السرير!

قال: عشان دي اللغة الوحيدة الي مفهاش كلام كله فعل..

ياسين: مش عارف إسمها إيه ونفسي بجد أقرب منها أو حتى يبقى في بينا كلام..

أحمد: طب تعالوا معايا ..

قال ياسين: هتعمل إيه يا أحمد أستنى هنا..

قلت: تعالي يا ياسين نشوف هيعمل إيه!؟

ذهبنا وراء أحمد والقلق يسيطر على ياسين ثم قال أحمد أتركوني أتحدث..

ذهبنا لهم ثم أحمد قال: هاي أنا أحمد طالب في الجامعة مش جاي أتعرف والله إحنا

مجموعة شباب هنعمل حفلة في الجامعة هنا ومحتاجين أعضاء معنا وهنجيب مطربين

ومطربات ومسابقات وجوايز ومحتاجين ناس تساعدنا عشان الجامعة شايله إيدها من

الموضوع ده وطبعاً مش عاوزين ندخل إتحاد الطلبة في حاجه وعاوزينها مننا فينا يعني ف

كنا محتاجينكم معنا هو حالياً معايا ياسر وياسين ومجموعة شباب تانية قولتوا إيه!؟

الشاب الذي يقف معهم قال: طب والحفلة دي امتي!؟

قال أحمد: قال يعني في نص شهر 4، صحيح أنا متعرفتش بيكم؟!
الشاب: أنا خليل ودي هبه ودي أمنية ولما أشار الشاب للفتاه التي يحبها ياسين ليعرف اسمها وقال " ودي فيروز" إبتسم ياسين ..
الخجل على وجه ياسين والقلق مسيطر عليه وأنا أمسك بياسين لأنه يريد الرحيل من هذا المكان وكاد أن يحطم كل ما بناه أحمد من أجله..
أحمد: طيب شكراً، مُمكن رقمك يا خليل عشان نبقي نتقابل تاني مع بعض ونشوف البروجرام بتاع الحلقة إيه والتذاكر وكده؟!
خليل: طبعاً مفيش مانع..
سجل أحمد الرقم ثم ذهبنا..
ياسين: إيه يا إبني الدماغ دي! أنت لفيتهم في ثانية وعرفت أسماءهم كلهم..
أحمد: بُص أنت خليك مع فيروز بتاعتك وسييلي أنا هبه وأمنية، شوف بقى إحنا هنبظط الدنيا مع بعض ونقابلهم في يوم هنا وأنت تاخذ فيروز على جنب وتعيش بقى وأنت شاطرتك..
قلت: تعرف يا أحمد أنت إبليس يتعلم منك..
أحمد: ما هو يأخذ كروسات عندي هو عائلته الكريمة..
جلسنا سوياً إلى أن غابت الشمس..
رجعت المنزل..
أبي: مش ناوي بقى تنزل معايا الشغل ولا إيه عجبك قعدت البيت؟!
أمي: أه عجباه أوي مش بياكل ويشرب وبينام!
قلت: هانت يا بابا كله في وقته أنا بس بخلص شويه حاجات كده وهفضالك وقريب أوي، متخافش يا حج إبنيك هيشرفك ويرفع رأسك قدام الناس كلها..

إتجهت لغرفتي، ألقيت بالهاتف على سرير ونمت بجانبه على ظهري ويدي خلف رأسي
أفكر في ميادة وقصيتها وكلام أبي ثم فتحت باب غرفتي وقلت لأبي:

- أنا نازل معاك الشغل بكرة ..

قال: طيب كويس هصحيحك على الساعة 9 كده ننزل أنا وأنت..

إتصلت بميادة أسأل عنها وعن أخبارها..

قالت: واحشني أوي عامل إيه؟!؟

- كويس الحمد لله أنتي طمنييني عليكي؟!؟

- كويسة طول ما أنت كويس، أعمل حسابك هتيجي معايا بقي يوم القضية أنا غيرت
رأي وهتيجي معايا غصب عنهم عشان نغيظهم لما يشوفني معاك وهقولهم إن أنت
خطيبي .

- خبر يفرحني أوي وأنا كمان نازل مع بابا الشغل بتاعنا، أصل إترفدت من الشغل
بتاعي وهمسك شغل بابا ومعرض الأثاث بتاعه.

بعد إنتهاء مكالمتي معاها أرسلت رساله لأحمد وقلت له بأنني قررت النزول مع أبي
للعمل غدا ثم أغلقت عيني ونمت مبكراً لأستيقظ مبكراً..

- يا جزمة أبوك بقاله نص ساعة صاحي ولا بس ومستنيك، قوم والله ما أنت فالح في
حاجة ولا هتعرف تفتح بيت، قوم ..

مستقيظ ولا أريد ان أرد على أمي، أريد النوم قليلاً وعندما وجدتني لا أبالي فعلت نفس
الحركة وشدتني بيدها من شعر صدري..

- أنتي مين اللي علمك عملي الحركة دي؟!؟

- اسأل أبوك وهو يقولك، قوم يلا أفطر مع أبوك..

دخلت الحمام وخرجت أرتديت ملابسي وفطرت ثم ذهبت مع أبي ونحن في الطريق إلى
مكان العمل قال:

بُص يا إبني التجارة شطارة وأنت وذكائك إنك تشتري الحاجة من التاجر رخيصة
وتبيعها بالسعر الي أنت عاوزه بس برده تعمل حساب ربنا في شغلك ومتغليش الحاجة
أوي عشان تكسب زبون وترضيه وبلسانك الحلو مُمكن تبيع الحاجة أم 100 بـ 200
والزبون يمشي وهو مبسوط منك ويحبيك كمان زباين غيره صحابه وقريبه، فاهم يا إبني
!؟

قلت: أه، فاهم..

قال: لازم الأول تعرف أنواع الخشب عشان في خشب صيني وفي أنواع أخشاب كثير
وإحنا بقي بنشتري الخشب ونعمله في الورش ويطلع جاهز للبيع..
قولتله: تمام وصلت ..

نزلت لأرض السوق ورأيت التجار وتعاملت مع الزبائن، نظرة أبي كان فخوراً بي
وأستقر الوضع لأسبوع، أرجع من عملي أضع رأسي على الوسادة ثم أنام، نعم العمل
أخذ وقتي ولكن عملي لم يكن عائق بيني وبين ميادة فدائماً أتصل بها كل يوم وإذا حدث
شئء ولم أحدثها تحدثني هي..

يوم الجمعة.. 23 /3 /2006

أجازة الأسبوع، يوم الراحة وتجمع الاصدقاء..

أبي فخوراً بي يتحدث مع أمي عن ذكائي وكلامي الطيب مع التجار وعن أسلوبني في
الحوار مع الزبائن ..

بعد ما إنتهيت من الغداء أتصلت بميادة..

هاتفها مغلق..

أنتظرت قليلاً ثم حاولت مرة أخرى، مغلق، مغلق!

قلقلت جداً عليها وزاد الخوف بداخلي، أتصلت بـ جون، الهاتف يعطي جرس ولكنه لا يرد، كررت المحاولات كثيراً أكثر من 20 مره ولكنه لم يرد، حاولت الاتصال بمياده مرة أخرى ولكنه مغلق..

تحدثت إلى أحمد وقلت له أن يأتي سريعاً إلى بيتي وعند وصوله بسيارته أخذته وذهبنا إلى المطعم وعند وصولنا وجدناه مغلق!

أحمد قال: مش يمكن أجازة؟!

قلت: يا إبني مفيش أجازات، المطعم بيفتح 9 الصبح وبيقفل على 1 بالليل وكمان يوم الجمعة دا بيقفلوا متأخر والساعة دلوقتي 4:30 ..

قال: طيب أصبر بس شويه وإتصل تاني عليها..

إتصلت بها، مغلق .. إتصلت بـ جون لكنه لم يرد..

أحمد سأل صاحب أحد المحلات المجاورة للمطعم..

لو سمحت ما عندكش فكرة المطعم دا مقفول ليه؟! قال:

- صاحبة المطعم تعبانة في المستشفى وكلهم هناك..

- تعبانة؟ المستشفى دي فين؟!!

- مش عارف والله ده اللي أنا عارفه ..

- طيب مش معاك رقم أي حد من اللي شغالين هناك!

- ثانية كدا..

دخل المحل وأتي بهاتفه وقال: معايا رقم الكاشير خد اهو..

أتصلنا به وعرفنا منه العنوان..

ركبنا السيارة متجهين بسرعة إلى المستشفى ثم أتصلت بالكاشير وسألته عن حال مياده وقال: كويسه..

قلت: ولما أه قافلين المطعم ليه؟

قال: حضرتك مين؟!

قولتله: أنا ياسر..

ونحن في الطريق قلت لأحمد: يا أحمد بسرعه أخلص أنت ماشي بطيء ليه يا عم أنزل أنت وأنا أسوق..

قال: يا عم دي عربية مش طيارة، والله دايس بنزين على الآخر اهو..
وصلنا الي المستشفى..

سألت في الإستعلامات لو سمحت ميادة علي السيد أين؟!

قالت: الإنعاش الدور الثالث، اجري على السلام

وأحمد يحاول أن يلحق بي.. عند وصولي أمام الغرفة

وجدت كل عمال المطعم منهم من يجلس على الكراسي أمام غرفتها ومنهم من يجلس على الأرض والحزن يسيطر عليهم، اقتربت من جون قلت له:

- ما لها ميادة!!؟ .. فيها ايه؟ جون؟ مياده كويسه!

نظرتي ثم بدأ بالبكاء، ذهبت لأفتح باب الغرفة منعوني من الدخول..

- سيوني ادخل في ايه؟؟ أوعي أنت وهو سييني ادخل..

أحمد يقف بجانبي ويحاول ان يهده من روعي

- أهدي يا ياسر هي كويسه اكيد اهدي

- مالكش دعوة أبعد يا أحمد، سيوني أدخل الأوضة ما لها؟! عاوز اشوفها.

سمعت أحد العاملين بصوت مسكور ينبع بجراح الألم يقول: ميادة بتمووت..

قلت بصوت يخرج من أعماق قلبي:

مين اللي بتموت ردوا عليا؟ مين دي اللي بتموت ما تردوا؟

إنهالت دموعي من عيني كالطر يروي الأرض من حولي، ضربت باب الغرفة بقدمي

وإنفتح الباب ودخلت الغرفة..

فتحت الباب، نائمة أمامي على السرير، دخلت الغرفة أسير بقدم طفلٍ صغير وكانني لأول مرة أسير على قدمي، إقتربت منها، وقفت أمام سريرها ومن كثرة البكاء أمسح دموعي في كم قميصي حتى أراها، قلت:

- قالولي برا إنك بتموتي !!

الكلام دا صح؟

أنتي مبترديش عليا ليه؟ ها !

أقتربت منها أكثر وامسكت بيدها، لا تستطيع التنفس، والدكتور والمرضين يقفوا بجانبها، صدمات كهربائية وتنفس صناعي، وضعت يدي على وجهها وقلت:

- خدي صدري، خديني أنا وعيشتي، خدي دمي كله بس بلاش أرجوكي!! قومي، أنتي بجد ناويه تمشي وتسييني ! لأ يا ميادة مش هتمشي صح !

طب مفكرتيش فيا قبل ما تروحي؟ ها ! مفكرتيش هعيش إزاي؟

أمسكت يدها الباردة مثل قطعة الثلج، حاولت أن أدفئها بيدي، عانقتها وهي على سريرها، جسدها بارد، عانقتها أكثر لأدفئها وقلت لها:

حاولي تتنفي أنا عارف إنك سمعاني متستسلميش للموت، صرخت في وجه الدكتور، زودوا الجهاز دا أعملوا أي حاجه أريدها تتنفس وتعيش، أرجوك أريدها تعيش، أرجووك..!

- ميادة ابوس ايدك بلاش تسييني وتمشي

دخل أحمد ومعه العاملين ليهدوني ويأخذوني خارج الغرفة فقلت لهم:
أطلعوا برا ما حدش يدخل، أطلعوا كلكم برا، سيوني معاها أطلعوا..

أبوس إيديك خديني وماتموتيش بلاش تعملي فيا كدا. !

جلست بجانبها على سريرها وأصابع يدي تداعب شعرها..

- قومي يلا عشان نمشى من هنا، أنا كرهت المكان دا، كرهت كل حاجة فيه كرهت ريجته كرهت شكله، كرهت ريجته واشكال الناس اللي فيه، قومي يا مياده يلا، قومي عشان خاطرى!
بلاش تموتى..

قبلت يدها وضغطت عليها بقوه وعانقتها بشده، شعرت بنفسيا طويلا يخرج من جسدها لغمها، نظرت لها وعيني لازالت لا تصدق كل ما يحدث من حولي..
- أنتى موتى؟
لأ ردى عليا متعمليش فيا كده..

إيه؟ قومي يلا قومي مش هسيك غير لما تقومى..
بحاول معها لكن قبل أن تفارق الحياه، فارقتني أنا أولاً..
وضعت رأسي على صدرها وظللت أبكي، أنتى عايشة ما موتيش لأ..
وضعت رأسي على صدرها لأسمع صوت قلبها ثم بكيت، أنتى حيه لا تستسلمي، نعم أنتى تمزحين معي يا مياده..

قبلت أصابع أرجلها لأستعطفها وتكلمني، جسد نائم بدون روح..
- قومي ردي عليا أبوس رجلكي قومي، جريت وبوست رجليها عشان تقوم وتكلمني، نايمه على السرير بدون روح..
- مين اللي خدك مني؟

مين اللي موتك؟

مين اللي مضايق وغيران مني عشان بحبك؟

ردي؟ ردي عليا مين؟

صرخت بصوتاً تردد في كل أرجاء المستشفى:

مين اللي خدك مني؟!

فتحت باب الغرفة، أحمد يحاول أن يمسك بي ولكنني أوقعتة على الأرض، صعدت على سلام المستشفى بكل سرعتي وأنا أبكي، أجري، أكملت الجري ، أريد أن أصل لأخر دور في المستشفى، فتحت باباً، وجدت نفسي على السطح..

أنظر حوالي مثل التائه، نظرت إلى السماء وعيني تمتلئ بالدموع والنار ودموعي تتبخر على فراقها، وجهت يدي إلى السماء وقلت:

- أنت اخذتها مني ليه؟ ها ليه؟!

رجعها لي زي ما أخذتها..

أنت غيران عشان بحبها أكثر منك؟

رد عليا أخذتها ليه؟ كل ده عشان حبيتها أنت مبردش عليا ليه؟

كل دا عشان حبيتها أكثر منك أنت؟ إيه يعني لما أحبها أكثر منك؟!

أنت مضايق ليه؟

عشان قولتلها أنا حبيتك أكثر من اللي خلقتني؟ وفيها إيه لما أحبها أكثر منك؟ فيها إيه!

عاوز أنزل ألاقها صاحيه؟ فاهم؟!

أنت ليه مش عاوزني أحبها أكثر منك ليه أخذتها؟

أنا عمري ما كنت متوقع إنك بتكرهني لدرجة دي؟

أنا عارف إنك شايفني وسامعني ومش عاوز ترد عليا، عارف إنك كنت شايفني من

أول يوم شوفتها فيها، ليه خلقتني أحبها لما أنت هتاخذها مني؟!

تحول لون السماء للون الرمادي وصوت الرعد في كل مكان والهواء من قوته يرجعني الي

الوراء والمطر يكاد أن يغرنني وأنا في مكاني..

- أنت سامعني وشايفني رد عليا! هو دا غضبك؟ رد!

بتاخذها مني ليه؟ دا أنا فضلت أدور عليها كثير!

نظرت الي السماء بغضب شديد وعينا ي ممتلئتين بالدموع وقلت

- أسمع أنا نازل، افتح الباب ألقها صاحية، أنزل ألقها قاعدة ..

نزلت من على سطح المستشفى وأنا أقع على سلالها وأرتطم في الأرض وأقف وأجري للأسفل لغرفتها، فتحت غرفتها وأمسكتها من ذراعيها..

- أبوس أيديكي ماتموتيش قومي، فوقي، أنا أسف، ساعيني لأول مرة في حياتي معرفتش أعملك حاجه، مش هسيبهم يدفنوكى..
أخذتها بين ذراعي، أخرج بها من الغرفة، أمسكوا بي، يحاولون أن يأخذوها من بين يدي بقوة..

- سيوها دي بتاعتي ماחדش يقرب أوعوا شيلو إيديكم، سيوها أوعوا
أمسكوا بي وأخذوها من بين يدي..

- حتى دى كمان مستكترنا عليا؟ سيوها عاوز أخذها ماחדش يقرب منها.. أمسكوها بيديهم و وضعوها على سرير متحرك ليبعدوها عني..

- طيب رجعوها الأوضة ومش هاخذها، مش هاشيلها سيوها وأنا مش هاجي جنبها،
هحضنها بس أرجوكم !!

وقعت على الأرض وأنا ماسك بأطراف أصابعها

- هما واخدينك ورايحين بيكى على فين؟ هيودوكي فين؟!

كانت آخر مرة في حياتي أراها أمامي، نائمة على السرير بدون روح..

اغلقت عيني فقدت الوعي تماماً مُت لفترة، عندما إستيقظت، أفتح عيني أجد بجانبني

أمي وأبي وياسين وأحمد وجيهان، حاولت أن أقوم من على سريري أبحث عنها..

- هي راحت فين؟ ميادة فين يا أحمد؟!

أحمد يقف أمامي صامتاً لا يعلم ماذا يقول لي، وابي يقول لي " خليك ماتقومش نام يابني ريح جسمك ماينفعلش تقوم وأنت كدا، حرام عليك اللي بتعمله في نفسك دا، أنظر لأمي وهي تبكي..

- أنا عاوز أعرف ميادة فين؟! خادوها وراحوا فين!؟

أحمد: ميادة أدفنت من 12 ساعات كان لازم تاخذ حقنة منومه ومهدئه عشان أعصابك كانت منهارة جداً .

- أنا عاوز أنزل دلوقتي، عاوز أروحها..

بابا: يا إبنني الساعة 2 ونص بالليل هتروح فين!

قاومت تعب جسدي ووقفت وأبي يحاول أن يجلسني على سريري لكنني صرخت في وجههم جميعاً فقال أبي "سيبوه خلاص سيبوه براحتة" ..

قال أحمد لأبي:

- هروح معاه أنا وياسين وهنخلي بالننا منه ..

- لأ أنا مش عاوز حد يجي معايا، أنا هروح لوحدي.

- لازم أجي معاك لأن أنا حضرت دفتتها وعارف مكانها، لما أبوك وأمك وصلوا المستشفى وأنت نايم روجت أنا وياسين جالي على هناك..

أمسكني أحمد من ذراعي ليسندني وركبنا السيارة وجسدي يرتعش ولا أشعر بشيء وحتى الآن لازلت لا أصدق أنها فارقتني وفارقت الحياه وكأنه حلم وستأتي أمني لتيقظني من نومي مثل ما كانت تفعل، وصلنا إلى المقابر الساعة 4 الفجر.

قلت بصوت يتألم: تعالى يا أحمد وريني هي فين!؟

تركنا السيارة في الخارج ودخلنا المقابر وعند وصولنا إلى قبرها وجدنا جون يجلس بجانبها ويسند بظهره على قبرها وعينه مغلقه عن الدنيا، وقفت أمام قبرها وفي لحظه لم أشعر

برجلي وسقطت على ركبتي أبكي، نظر لي جون وأكتفى بالنظر، وضعت يدي على قبرها وأنا منهار..

- ليه يا ميادة تسييني؟! ليه خلتييني أحبك بالطريقة دي!

أشعر وكأنها تكلمني، اسمع صوتها يتردد في أذني، نسمة هواء باردة تدفيني في شتاء قارص وكأنها هي، أبكي على كل لحظة عشتها، أرى كل موقف عشناه سوياً وكأنه يحدث أمامي الآن، أغلقت عيني، أتنفس ببطء، أسمع صوت ضربات قلبي من هدوء المكان، جلست بجانب جون وسندت ظهري على قبرها وكتفي يلامس كتف جون، صامتين، أثنين أحبوها، الأول حبيبها والثاني أخاها، جلسنا إلى أن طلعت الشمس..

قلت لأحمد وياسين أذهبوا، إذا إحتاجتوني فأنا أجلس هنا لا تقلقوا..

أحمد: مش هينفع نسيبك يا ياسر، إحنا قاعدين معاك..

- إمشي أنت يا ياسين إلحق ناملك ساعتين قبل شغلك وأنا قاعد مع ياسر هنا متخافش..

- لأ أنا شغلي ليلي، فترات ليلية وبعدين أنا مش هسيبه أنا هاخذ أجازة النهاردة وهقعد معاه.

- أرجوكم سيوني وامشوا، أنا عاوز أكون لوحدي، بعد أذنكم..

- طيب يا ياسر أنا هفضل قاعد في العربية أنا وياسين هنستناك..

تركوني مع جون وذهبوا إلى السيارة، لا أستطيع أن أخرج كلمة واحدة من فمي ولا أشعر بجسدي، أتحدث مع نفسي، ذهبت وأخذت قلبي معها، أخذت كل أيامي، رحلت والسبب أنت، أنت من أختطفها مني لأنني أحببتها أكثر منك ومن اليوم أنا كرهتك وكرهت إسمك وكرهت كل شيء يتعلق بك، من اليوم سأفعل عكس كل شيء أنت أمرت به..

نظر لي جون وقال:

ياسر الجواب دا ميادة قالتلي أديهولك بإيدي ومفيش حد يشوفه غيرك.
بكى وأكمل حديثه وقال: إدهولي من أسبوع، كانت حاسة إنها هتموت..

أمسكت بالرساله وقرأتها..

ياسر، لم أتخيل في يوم أنني سأقابل أحداً مثلك، حين بالفطرة، عند إحتياجي لك أراك أمامي، لم أتخيل في يوم بأني سأحب، أريد منك أن تأتي لي بالشكولاته التي كان يشتريها لي أبي وأنا صغيرة، أريدك أن تفعل مثل ما فعل معي أبي، حياتي كانت سوداء اللون وعند أقتحامك لقلبي ظهرت كل الألوان ورأيت الدنيا بشكل مختلف، عند ظهورك ظهر أمامي كل شيء أتمناه..

الإكتئاب الذي كان يصاحبني طيلة الوقت أنت من شفيتني منه وملامح الحزن التي كانت ترسم على وجهي مسحتها بيدك ورسمت الابتسامه مكانها، لقد تركت علب التزين - المكياج - من أجلك لأنني أدركت إنك تراني أجمل بكثير بدونه وجلعتني أثق في نفسي أكثر لإنك بجانبني..

ياسر أريدك أن لا تحزن إذا إستيقظت من نومك ولم تجدني موجودة في حياتك، أنت حبك لي كان أكثر من حبي لك، أنا أحببتك كما أنت، لا تتغير وسر في حياتك ولا تجعل شيء يعوق طريقك وتذكرني جيداً، إجعل مني ذكرى جميلة لا أكثر ولا أقل، ميادة..

بعد إنتهائي من الرسالة زاد بكائي أضعاف مضاعفه، جسدي يؤلمني من كثرة التعب، نظرت إلى السماء وقلت "ليه عملت فيا كدا؟"، هي عملت إيه في حياتها عشان تعمل فيها كدا؟" نظرت بجانبني لم أجد جون، لقد ذهب هو أيضاً فالتني كانت تجمعنا سوياً رحلت..

مكثت مكاني إلى أن أمطرت السماء وأنا لا أبالي بأي شيء، أمسكت بالرسالة وضعتها في جيبتي وأغلقت عيني والمطر يسقط فوق رأسي..

بعد ساعات وقفت ثم ذهبت إلى السيارة وجدت أحمد وياسين نائمين تركتهم وسيرت
على قدمي لا أعلم إلى أين أنا ذاهب والمطر يحيط بي..

الشريط الثاني عشر

أنظر إلى جيداً، فأنا العاصي لأمرك
سأفعل كل ما أريده على الأرض لأرك وجهاً لوجه.

حتى يحين الوقت

13 / 3 / 2006

أسير في طريقاً طويلاً لا أعلم إلى أين أنا ذاهب ولا أشعر بخطوات قدمي والبرد كسر ضلوعي وأفكاري تأكل المتبقي من عقلي وكل شيء في الحياة يقف ضدي حتى نفسي، أسير ويدي في جيبي لا أسمع صوت الناس من حولي من كثرة الأصوات بداخلي، الأصوات بداخلي تتزايد، تعلو أكثر فأكثر، أسير أعد نبضات قلبي فقط..

وقفت أمام البحر، السماء تمطر من غيمة سوداء تسير فوقني ولا تتركني في كل مكان معي، أغلقت عيني وفتحت ذراعي للسماء لعل المطر يطفئ النار التي بداخلي ويخمد البركان الثائر الذي إنتفض وثار بين ضلوعي..

خلعت حذائي وأمسكته بيدي وأكملت السير حافي القدمين تحت غيمتي السوداء والبرد من شدته أفقدني الشعور بكل شيء، برود، لا مبالاه، يأس من الحياة؛ مع كل إحساس يراودني يزداد الألم، زادت آلامي وعيني تبكي والناس من حولي لا تفرق هل أنا أبكي أم هذه قطرات من غيمتي السوداء !

أمسكْتُ بهاتفي ورجعت بجسدي إلى الوراء ثم جريت ورميته في الهواء، طار في الهواء حتى لمس سطح البحر وغرق، جلست على الأرض ووجهي للبحر صامت، صامت لكنني أتكلم..

أتكلم ولا أحد يسمعني، أتألم ولا أحد يشعر بي، أرى ما لم يراه غيري، استرجع ذكرياتي، أحاول أن أحرقها بداخلي قبل أن تحرقني أكثر، أحاول وأعافر مع كل شيء حتى يهدء

الأم، أحاول أن أكسر حواجز الزمن وأرجع به للوراء وأخطفها بين ضلوعي وأسرق كل لحظة كانت بعيداً عني قبل الموت، قبل أي أم، قبل بداية الأحزان، قبل تحطيمي ..
أخذني الطريق إلى المطعم، أقف على الناصية أنظر له وهو مغلق ومظلم وعيني تحترق زجاجه، أحاول أن أرى طاولتها، أتخيلها وهي تجلس معي عليها، أتخيل أول لحظه بدأ فيها حبي لها، أرى ذكرياتي معها وكأنه شريط مسجل يُدار أمامي باللون الأبيض والأسود، أول يوم رأيتها فيه، أتذكر وأتذكر إلي أن وصلت ليوم وفاتها، اليوم الذي أخذها من بين يدي وأنا أقف لا أستطيع أن أفعل شيء لها وكأنني عاجز عن الحركة..
أخذ قلبي وعذابي، أخذ كل شيء أحبه، أكملت طريقي وذهبت لبيتها أقف أمام عمارتها أشم رائحتها في كل مكان، على جدران العماره وعلى سلالها، أرى كل شيء، أتخيلها وهي صغيرة تسير مع أبيها في الشارع وهي تضحك وفي يدها كيس الحلوى نظرت على يساري فرأيت الكشك الصغير التي كانت تحدثني عنه فإقتربت منه وقلت للبائع:

- عندك شكولاتة !

- أه، تحب أجيبك إيه ؟!

- هاتلي الشكولاتة اللي كانت ميادة بتحبها ..

- أنت تعرفها ؟!

- أه، أعرفها.

- ربنا يرحمها، ربيتها على إيدي من وهي لسه صغيرة ..

أمسكت بالشكولاتة في يدي وذهبت إلى المقابر لم أجد سيارة أحمد أمام بوابة المقابر، دخلت ووقفت أمامها ..

- جبته الشكولاتة اللي أنتي بتحبها تحبي ناكلها سوا؟! ميادة، عاوزك ترجعي، ثممكن ترجعي !

جلست قليلاً ثم خرجت من المقابر وجدت أحمد وياسين أمامي،

- كنت فين يا ياسر؟ ينفع كدا أبوك وأمك قلقوا عليك وقالوا عملت في نفسك حاجة أنا هتصل بأمك أطمئنها عليك وأعرفها إنك معانا، خوفتنا وأبوك نزل يدور عليك وأمك قاعدة في البيت بتعيط بسببك ..
- كلمهم، قولهم إن أنا شبه عايش ..
- ياسين: يا ياسر ما خلاص بقى ما كل يوم في ناس بتموت، مش أول ولا آخر واحدة ماتت، أرجع بقى وعيش حياتك زي الناس!
- أمسكته من قميصه بيدي الاثنين وصرخت في وجهه وقلت:
- مش أول واحدة ولا آخر واحدة ماتت بس هي الوحيدة اللي حبيتها وربك خدها مني، ربك اللي بتقولوا عليه الرحيم بيكم، مرحمنيش وعذبني بفراقها، أنا عمري ما هحب زيتها ولا حبيت زيتها، فاهم!
- أنت كفرت؟! -
- حاجة متخصص حد، دي حاجة بيني وبينه هو، وهو أكيد فاهمني ..
- أحمد: يا ياسر ياسين مش قصده، هو بس خايف عليك ومقدر حالتك ومش عاوزك تتعب أكثر من كدا عشان خاطر أهلك ونفسك ..
- ياسين: أنت كلت حاجة؟! -
- مش عاوز أكل حاجة، ومش هاكل ..
- ركبنا السيارة، جلست في الكرسي الخلفي أمسكت بزجاجة الخمر من تحت الكرسي، فتحتها وشربت منها، أحمد نظري في مرآة السيارة وقال:
- ياسر؟ أنت هتشرّب؟! -
- أه، لو مافيش مانع!
- لأ يا ياسر سيب الإزاة بعد إذنك ..
- هشرّبها كلها، لو عاوز تمنها قول كام وأنا أديهولك .

- يا إبني مش على تمنها بس أنت أول مرة تشرب .

- أول مرة ومش هتبقى آخر مرة..

ياسين: سيبه يا أحمد يعمل اللي هو عاوزه لو دا هيريجه..

- يا ياسين هروح البيت وريخته خمره؟ أبوه يقول علينا إيه شربناه؟

- مين قالكم إن أنا راجع البيت؟ أطلع على البحر عاوز أقعد على الشط.

- إحنا نسينا نكلم أهله..

أحمد اتصل بـ أبي وقال:

هو معانا دلوقتي لقيناه خلاص أرجع البيت يا عمي وأطمئن، لأ هو مش عاوز يتكلم

دلوقتي سيبه برحته وشويه كده وهنجيبه البيت متقلقش عليه، لأ مش هنسيبه يتحرك

لوحده وعيننا هتفضل عليه، قفل مع بابا وكملنا طريقنا..

- طب هات شويه من الإزازه مشربتش النهاردة خالص!

- اشتريلك غيرها.

وقف أحمد بالسيارة على الناصيه وذهب ليشتري الخمر فقلت له:

- هاتلي معاك إزازتين وشوف تمنهم كام..

- لأ كفايه عليك دي.

فتحت باب السيارة ومتجه لأحمد جسدي يميل يمينا ويساراً ولا أستطيع أن أسيطر على

نفسي وجدت سيارة تأتي بسرعة وقفت أمامها أنظر لها وهى متجه نحوي ثم وقفت

السيارة، نزل صاحب السيارة ويصرخ في وجهي، كسرت الزجاجه التي في يدي وذاهب

لأضربه فخاف مني فقلت له:

- أنت عاوز تموتني؟

- والله مش قصدي أنت اللي مش مظبوط..

- مش مظبوط؟ طب هات الرخصه..

نزل ياسين من السيارة وأحمد إتجه لي مسرعاً قبل أن أضرب الرجل ..

- معلش إحنا أسفين لحضرتك هو بس تعبان شويه..

- أنا مش تعبان، أسحب من الحيوان ده الرخصة..

ياسين: أنت ظابط مرور يا إبني وإحنا منعرفش!؟

امسكوا بي وأدخلوني إلى السيارة وجلس ياسين بجاني خوفًا من أن أفعل أي تصرف يؤذي أو يؤذي غيري..

- يا أحمد هاتلي 3 أزايد خمرة مش 2 لأ 3 فاهم!

- حاضر يا ياسر حاضر بس خليك في العربية عشان خاطري.

أتى أحمد وأعطاني كيس من زجاج السيارة وقال:

خد الـ 3 أزايد بتوعك اهم، أنت هتموت نفسك كده يا إبني .

- مالكش فيه وأطلع على الشط يلا وأخلص .

نزلنا من السيارة وجلسنا على الشاطيء الساعة 2 صباحاً، أحمد وياسين يجلسون بجاني وجسداهم يرتعش من شدة البرد..

- ياسر تعالى نقعد في العربية طيب، الجو تلج.

- روحوا أنتوا لو بردانين أنا قاعد هنا..

- طب الدنيا هتمطر عليك وأنت قاعد كده!

- أنا عاوزها تمطر ..

وقفت على رجلي والزجاجة في يدي وقلت بصوت عالي:

- يلا خلي الدنيا تمطر ما أنت كل حاجة في إيدك، يلا قول لسما تمطر .

ياسين: يا أحمد ياسر شكله كده كفر ولا إيه!

- لا لا، هو بس عشان تحت تأثير الشرب مش واخذ باله من كلامه.

- أنت نسيت قال إيه وإحنا في المقابر!

- ياعم أنت شايفه حالته عامله إزاي !
- أنا سامعكم على فكرة، ماشي بس مش هرد ..
- رجعت بظهري على الرمل ونمت، ميادة؟! سبتيني ليه؟! تعالي هنا، تعالي ..
- إستيقظت من النوم أناديا ..
- أحمد إستيقظ مفزوع ..
- ميادة مين؟ أه ميادة .
- هو ياسين فين؟
- مش عارف راح فين؟ إستنى اكلمه .. أنت فين يا إبني؟ طيب خلاص إحنا قاعدين اهو مش هتتحرك من مكانا بس متأخرش علينا ..
- إيه؟ فين !
- راح يجيب فطار ..
- ليه الساعة كام؟!
- الساعة 9 والناس بتفرج علينا يا ياسر ما ينفعش كده وكويس إنها ما مطرتش، يا إبني أنا لو أمك مش هسيبك تنام لوحذك في أم البرد ده، والله أنا ليا الجنة.
- الجنة؟ هو في جنة أصلاً، هاهاها ..
- سمعت صوت بائع غزل البنات نظرت له وجدته جون .. !
- يا جووون، يا جووون ..
- ياسر؟ أنت إيه اللي جابك هنا !
- أنت إيه أنت اللي جابك هنا !
- المطعم الورثة خدوه ويقولوا إنهم هيبيعوه ومشونا كلنا منه وأصلاً حتى لو كان فضل شغال ماكنش حد من العاملين اللي فيه كان هيشغل، فيه اللي رجع بلده وفي اللي بيدور على شغل، وأنا رجعت تاني من بعدها بياع غزل البنات.

- وحشتك ميادة يا جون !؟

جلس جون على الرمل

- ميادة، أنا كنت معتبرها أختي وكل حاجة في حياتي هي اللي عملتلي قيمة في المجتمع ده وشغلتنني في مطعمها ومن وقتها وأنا بلبس حلو، باكل أحسن أكل ولما راحت ميادة راح معاها كل حاجة حلوة يا ياسر..

بكي جون فوضعت يدي علي كتفه، ياسين أتى ومعه الفطار، قوت لجون:
أقعد هتفطر معنا ..

- لأ أنا فطرت.

- قولتله هتفطر يلا مد إيدك وكُل ..

جون: ياسر أنت لازم ترجع بيتك ماينفعلش تعمل في نفسك كده، عشان خاطر ميادة!
- أطلع من الموضوع ده يا جون وعيش حياتك ومتحاولش تقول عشان خاطر ميادة تاني، ميادة بالنسبالي أكبر من أي حد وهتفضل أكبر من أي حد.. صرخت ووجهت يدي للسماة وقلت، فاهم أكبر من اي حد، سامعني !
بعد إنتهائنا من الفطار قال جون:

أنا همشي أكمل رزقي يمكن ربنا يكرمنا بأي إثنين بيعجبوا بعض يشتروا مني ..

- هشوفك تاني يا جون !؟

- أنت عارف مكاني يا ياسر ..

ذهب جون يكمل عمله فقلت لأحمد

- أحمد، أنا عاوز أنام مع واحدة.

- إزاي يعني ؟

- إيه اللي إزاي ؟ .. عاوز أنام مع واحدة يا زفت.

- ماشي، متصرفك بالليل ..
- لأ دلوقتي.
- اجييلك أنا واحدة منين دلوقتي أنا؟
- أخلص، فتحت الإزاحة وشريت وأحمد مسك موبيله ويبتصل بحد.
- يا ياسر أنت ما كوتتش كدا إيه اللي حصلك؟
- ياسين لو هتفضل تقولي الكلام ده امشي أحسن..
- سكت ياسين وجلس ينظر الي البحر وأنا أرفع الزجاجه على فمي..
- أحمد: تعالى ياعم شقظلك واحدة..
- إتجهنا الي شقه أحمد، أنتظرناها إلي أن سمعنا صوت الجرس..
- إيه دا؟ أنتوا الثلاثة عليا؟! كده هاخذ الضعف ..
- أحمد لوح بيده لها وقال: ما تهدي يا بت شويه، أنتي ما بتصدقي، الراجل دا مكتتب
وعاوزين نخرجه من الحاله دي بأي طريقة وهو طلب ينام مع واحدة وأنتي بقى اللي
عليكي الطلب لو مش هتعرفي تخرجيه من الحاله دي مش هتاخدي فلوس وهتروحي
ملط ماشي؟
- وأنا مالي إفرض هو مالوش مزاج اصلاً.
- بقولك هو طلب، إزاي يبقى مالوش مزاج .
- طيب بينا.
- ياسر خدها وأدخل بيها الأوضة وعيش ..
- دخلت معها الغرفه وأغلقت الباب وهى واقفه تخلع ملابسها..
- شكلك أول مرة..
- لأ أول مرة إيه، أنتي هتشوفي بنفسك .
- طب مش هتقلع ولا هتنقضيهأ أحاسيس؟!

- لأ، هقلع اهو ..

خلعت الجاكت والقميص والفانله، أقف بالبنطلون وهى واقفة بالملابس الداخلية لها،
وضعت يدها على خصرها ثم قالت:

- أجيلك أقلعك أنا طيب لو مكسوف !

إقتربت مني وحاولت أن تمسك ببنطلوني وتريد فتحه فدفعتها اللي الورا لأبعدها عني
فوقعت على السرير وقالت:

- أه، يا متوحش، بحب العنف أوي على فكرة.

- بصي، أنا مش هنام معاكي ولا هعمل فيكي حاجة ..

- نعم؟ أمال جايني هنا ليه؟ أنت كده عطلتنى عن زباين تانية!

- هديكي كل اللي أنتي عاوزاه من غير ما أفاصل معاكي بس بشرط.

- ها، قول !

- أنتي إسمك إيه الأول؟!

- علياء ..

- طيب يا علياء أنا هنام في حضنك بس، تاخذيني في حضنك وأنا من غير ما أعمل

فيكي حاجة أو تعملي أنتي أي حاجة؟!

- هنقضيهأ أحضان يعني !

- هتعملي اللي هقولك عليه ولا امشيكي وأجيب غيرك !

- لأ خلاص، تعالى في حضني ..

جلست على السرير ثم نمت في حضنها وهى بأصابعها تلاعب خصل شعري، بكيت

وأنا بين ضلوعها وهى تضميني أكثر لها ..

- أنت مروع أوي كدا !

- أنا بموت، كل حاجة جوايا ماتت ومفاضلش مني غير روح ..

- معلش، هى الدنيا كده عمرها ما بتدينا اللي إحنا عاوزينه إلا لما تاخد مننا أعلى حاجة،
أسألني أنا..

- مش الدنيا اللي بتاخد في حد تاني بياخد مننا أعلى حاجة عندنا عشان بيفرح لما يشوفنا
مكسورين؟!
- مين؟!
- مش لازم تعرفي..

بعد ساعة ونصف، أحمد يطرق الباب..

- يا ياسر أنت قتلت البنت ولا إيه!

- ياسر دا متوحش يا أحمد حاجة تانية كدا من الرجالة اللي مش موجوده دلوقتي.

نظرت لها ومندهش من ردة فعلها على كلام أحمد لأنني لم أفعل شىء من الذي قالته له،
نظرت لي وقالت بنبرة صوت هادئه:

- مفيش حد هيعرف حاجة متخافش.

إرتديت ملاسبي وقبل أن نخرج من الغرفة ضحكت ضحكة غريبة - ضحكة مطرقة -
نظرت لها وأندهشت أكثر..

- متقلش دا لزوم الشغل عشان يعرفوا إنك ألعويان وهما برا.

احمد وياسين جالسين في الصاله يضحكون ويقولون لي بصوت مرتفع:

أيوة يا جامد يا مشرف أصحابك وسط الحريم..

خرجت من الغرفة أنا وهي، أمسكت محفظتي لأخرج النقود منها وأعطيتها الذي إتفقنا
عليه أنا وهي وقبل أن تخرج من باب الشقه قالت:

- خليكم جنب صاحبكم، محتاجكم أوي الفترة دي..

- هو عمل إيه بالظبط الواد دا!

عند سماع غلق الباب ورائها جلس ياسين بجانبني وقال:

- عملت إيه في البنت دي شكلها فرقعت من فوق لتحت!

- عملت كتير.

ياسين: أنا هستأذن بقى عشان ألحق أنام ساعة وأنزل الشغل عشان بقالي كده 3 أيام ماروحتش الشغل وهيرفدوني، خليك جنب ياسر يا أحمد لحد ما أقابلكم بعد الشغل وأنا هخلص على 12 بالليل كدا.

بعد خروج ياسين هو الآخر أخرجت أخر زجاجة خمر وشربت منها..

- هو مفيش خمرة هنا يا أحمد!

- في يا ياسر بس كفاية كدا عشان خاطري ..

- تاني يا أحمد، بُص لو فتحت الموضوع دا معايا أنا هسيبك وأمشي ..

إتصلت أمي على أحمد لتعرف أخباري:

- متخافيش يا طنط ياسر كويس اهو وفطرنا وقعدنا شويه كدا وكمان ساعة وهنطلب أكل نتغدى، خُد كلمها..

- ألو!

- إيه يا إبني عامل إيه يا حبيبي دلوقتي!

- كويس يا ماما متقلقيش أنا بخير وطمني بابا.

- مش ناوي ترجع البيت بقى وموبيلك فين؟!!

- لأ، موبيلي وقع مني مش عارف فين، يلا أنا هقفل..

خرجت مع أحمد لنأكل في مطعم أفضل من الجلوس هكذا وبعد ذلك نشترى الخمره لأنها إقتربت على الإنتهاء ولم يعد إلا زجاجة واحدة، وجدت رجلاً يطلب المساعدة ..

- حاجة لله يا إبني جعان.

- قول حاجة ليا مش لله، ربك لو كان بيحبك ماكنش سابك كدا، هات يا أحمد أي فكه من اللي معاك عشان كل فلوسي مجمده، خد ياعم وبعد كدا إسمها حاجة ليا، ربك بيستمع بعدابنا..

عند سباع الرجل لي إندهش من حديثي وأخذ النقود ثم قال لي أحمد:

- ياسر خد بالك من كلامك أنت كدا بتكفر فاهمني؟ مش معنى إن إحنا بنعمل حاجات غلط في حياتنا كتير نبقي كفار أو عشان أنا بشرب أبقى كافر في فرق لو أنت فاهم إن عشان أنت شربت شويه أزايز تبقى كافر فأنت غلطان، أنت هيجيلك يوم وتدوق الهدايه اللي أنا نفسي فيها وأصلح كل ذنوبي يمكن ربنا يرضى عني و يغفرلي اللي عملته واللي بعمله..

- إسمها ربك مش ربنا، متجمعش، يلا عشان نتغدى.

دخلنا المطعم وطلبنا الطعام وقبل ان أمسك بملعقتي تذكرت كل شيء، تحولت الاشخاص و تغيرت الملامح، رأيت زياد هو من يجلس أمامي فنظرت الي الطاولة التي على يساري رأيت مياده تجلس عليها، إبتعدت عن الطعام..

- ياسر أنت مش هتكمل أكلك؟! ياسر؟ أنت يا إبني؟

- عاوز إيه يا أحمد أنا دلوقتي مش هكمل أكل ياعم أنا شبعت ويلا خلص عشان عاوز أشرب.

- إيه يا إبني أنت ماكتتش كده في حياتك كلها، أنت إتحولت بسبب ...

- متكملش كلام يا أحمد لو هتجيب سيرتها بكلمة غلط هتزعل مني ودي آخر مرة هقولك الموضوع ده عشان مش هسمح لأي حد يغلط فيها فاهمني!

- حاضر يا ياسر، بس يلا كامل أكلك عشان نمشي، حرام الأكل ده هيترمي في الزبالة ..

طلبت حقيرة من المطعم ووضعت طعامي فيها وأخذتها وخرجت ونحن نسير وجدت
طفل وطفلة يبيعوا المناديل فاتجهت لهم:

- أنتوا كلتوا؟! -

نظراتهم لي كانت تمتلئ بالشقاء والتعب والجوع..

- خدوا الأكل داكملوه.

أعطيتهم حقيرة الطعام فأمسكت الطفلة بالحقيرة ومن الجوع قطعوا الحقيرة بأسنانهم
ليفتحوها وجلسوا يأكلوا سوياً ونسوا أن في مناديل يجب أن تباع من شدة الجوع
ورغبتهم القوية في إشباع جوعهم..

25 / 4 / 2006 الساعة 10 ليلاً

- ياسر، أنت بقالك شهر أهلك نفسهم يشوفوك وأنت رافض ..

- يا أحمد أنا مش عاوز أدخل الأوضة، كل حاجة في الأوضة بتفكرني بيها، دفتري
وسريري اللي كنت بنام عليه وأنا بفكر فيها، كل حاجة يا أحمد، سيبك مني صحيح أنت
مش المفروض إنك هتسافر؟! -

- أه المفروض بس الشركة اللي شغال فيها غيرت فرعها وبتنقل في شركة جديدة وإدولنا
كلنا أجازة 5 شهور بربع المرتب يعني أنا قاعد وبقبض عشان الشركة بقت قديمة جداً
وفي مهندسين قالوا إحتمال تقع باللي فيها في وقت فيينقلوا في مكان تاني وبيعملوا
ديكوراتهم وكدا ..

- ياسين فين مجاش؟ مش المفروض إنه غير شفته وبقى بالنهار!

- هتصل بيه أشوفه فين.

- أحمد أنا عاوز أكلم علياء، البنت اللي أنت كنت جبتها لي المرة اللي فاتت ..

- إيه نفسك فيها ولا إيه؟

- إتصلي عليها وأنا هكلمها يلا..
- أمسك بهاتفه وإتصل بها، فأمسكت الهاتف منه حتى ترد لكن لم ترد على الهاتف..
- إيه هي مش بترد ليه؟
- يمكن معاها زيون، الناس دي بتحب تشتغل بضمير..
- إتصلت بينا بعدها بساعة ..
- ألو .. أنتي فين؟!؟
- أيوة، يا أحمد إيه اللي فكرك بيا؟!؟
- أنا مش أحمد، أنا ياسر اللي كان معاكي في الأوضة بتاعت أحمد، أنا عاوزك تيجي لو فاضيه يعني!
- طيب إديني ساعة وهكون عندك..
- جرس الباب رن، قام أحمد يشوف مين، سمعت أحمد وهو يقول إيه ياعم ياسين، ياسر كان لسه بيحبيب في سيرتك من شويه..
- أنا جببتلكم معايا شويه فسفور هيلعوا فينا..
- أحمد ضحك وقال ياسين قلبه كان حاسس هاهاهاها..
- في إيه؟
- مفيش أصلي طلبت من أحمد يحبيب علياء تيجيلي ..
- علياء مين؟ أه وماله ياعم ..
- دخلت أستريح في الغرفة مع نفسي وأنا مغمض العينين أفكر بها، ثم فتح الباب فإذا بعلياء قد أتت..
- إزيك يا ياسر أنا قولت أدخل عليك فجأة كدا ..
- أدخلني وأقفلي الباب وراكي كويس..
- إيه اللي فكرك بيا!

- عاوز أنام في حضنك !

- حاضر، لوده هيريحك شويه ..

نمت في أحضانها وأنا صامت وهي تلاعب شعر رأسي :

- شوف أنا مش هغصبك على حاجة بس أنت غريب وأول مرة في حياتي أقابل حد كدا، كل الرجالة اللي عرفتهم بيقولوا عاوزين النوم وبس إنما أنت مبتفكرش غير إنك تنام في حضني، أنا مستغربالك ونفسي أعرف حكايتك إيه لو مش عاوز تحكي بلاش بس ساعات الكلام بيريح هما بيقولوا كدا .. !

- صح، هما بيقولوا كدا ..

مش كل الكلام بيريح في كلام لما تقوليه يشيل عنك شويه وفي كلام تقوليه يزود عليكى تعب أكثر وحتى لو حاولتي تتكلمي من تقل الكلام جواكي مش هتقدري تطلعي كلمة واحدة عشان اللي ساكن بين ضلوعك مش مجرد كلام هننطقه وهيطلع على جمل مفيدة اللي يسمعا يفهمها، اللي بين ضلوعك ده حياة، حياة كلها تعب وحزن "كل حاجة ضدك حتى نفسك" الجملة دي حد قلهاالي زمان ودلوقتي بس فهمت معنى يعني إيه كل حاجة ضدك حتى نفسك، مالوش لازمة الكلام مش هيفيدك بحاجة، خليني ساكت عشان أنا لما بسكت برتاح أكثر من الكلام ..

- طيب، اللي يريحك أنت بس هقولك على حاجة لما نمت في حضني المرة اللي فاتت حسيت بحاجة غريبة لأول مرة ابقى نفسي في حد وهو مش عاوز يعمل أي حاجة، كل الرجالة اللي نمت معاهم كنت بنام في مقابل الفلوس إنما أنت لأول مرة احس إن أنا عاوزة أنام معاك بدون أي مقابل ..

- علياء، إحنا على إتفاقنا فاهماني ؟

- مش قصدي حاجة أنا بس بقولك حاجة حسيتها مش أكثر .

بعد 5 أسابيع

1/5/2006

قررت الرجوع إلى المنزل، أمي فتحت الباب وعند رؤيتها لي عانقتني ونحن نقف على الباب ثم وضع أبي يده على كتفي وأخذني لغرفتي وقال لي:

"بص يا بني كلنا هنموت ومفیش حد فاضل ولو كل الناس عملت زيك هيقعدوا في بيوتهم ومفیش حد هيتحرك والدنيا هتوقف وصدقني الدنيا عمرها ما بتوقف على حد، على حد كلنا محتاجينه ومشي أو على ناس بنحبها وماتت ومش معنى كده إن إحنا ننسى اللي ماتوا بالعكس بنفتكرهم وندعيلهم ونزورهم كأن ويفضلوا جوانا حتى لو عدت سنين بنفضل فاكرينهم وفاكرين كل الأيام الحلوة اللي عشناها معاهم وبنختمها بالدعاء ليهم، ارجع لحياتك وشوف نفسك، العمر بييجري ومش هتلقه، شايف وشك عامل إزاي؟ وعيونك حمرة زي الدم وجسمك، أنا معرفتكش لما شوفتك داخل من الباب".

بعد إنتهاء أبي من حديثه قام وخرج من الغرفة ثم جلست على المكتب ومن كثرة الألم بداخني بكيت وإذ فجأة دخلت أمي غرفتي وجدت دموعي في عيني وأنا أحاول أن أمسحها قبل أن تراها وقالت بصوت حزين:

- ليه يا إبني كذا بس، أنت هتموت نفسك من اللي بتعمله دا ..

- أنا كويس يا ماما ..

- أبوك نزل يجيبلك أكل من تحت عشان تتعشى، قوم يلا غير هدومك وصلي عشان ربنا يرضى عنك ويرحمك من عذابك اللي أنت حاطت نفسك فيه.

- ربنا !!

دا نزل عليا عذابه فين الرحمة؟! فين الرحمة لما يجرمني منها؟ أنا ماكتش بتمنى من الدنيا

ومنه هو غيرها، يجي هو ياخذها مني !

- إيه اللي بتقوله دا؟ إيه الكلام دا يا إبني حرام عليك كفايه !

- ماما اطلعي وسيني في حالي أنا مش ناقص حد ولا قادر استحمل كلمة واحدة من حد ..

خرجت غاضبه من غرفتي وأغلقت الباب ورائها بقوة، إتصلت بأحمد من هاتف المنزل وطلبت منه أن يأتي لي بمشروبي المفضل "الخمرة" وعند وصوله أمام المنزل نزلت أخذتها منه وذهبت مسرعاً إلى غرفتي قبل أن تراني أمي ..

عند رجوع أبي إلى المنزل دخل غرفتي وأعطاني هاتف جديد أحمله بدلاً لهاتفي الذي ألقيت به في البحر وقلت لهم بأنه ضاع مني ..
جلست معهم على الطاولة ..

- تحب ننزل الشغل من امتي؟!!

- أصبر عليا شويه يا بابا ..

- طيب يا حبيبي وقت ما تحب تنزل عرفني .

بعد إنتهائي من الطعام دخلت الغرفة وأمسكت بدفتري وجلست على سريري أقرأ بعض كلامي الذي كتبه عنها ثم أغلقت باب غرفتي وأخرجت بزجاجتي وشربتها ثم أخرجت بالأخرى وشربتها إلى أن فقدت الوعي ونمت على سريري ..

الشريط الثالث عشر
طرق البدايات كثيره ولكن في النهايه تؤدي
إلي طريقين فقط و عليك أنت أن تختار.

تفسير الحلم

يوم الأربعاء

15/5/2006

إستيقظت ليلاً الساعة 10 مساءً.. بعدها ذهبت لأبي وقلت له:

- بابا أنا عاوز مفتاح العربية هنزل ألف شويه وهعدي على صحابي!

- ماشي بس الساعة دلوقتي 11:30 بالليل!

- عادي بقي، مخنوق وعاوز أفك شويه عن نفسي..

أخذت مفتاح السيارة ونزلت ركبته وذهبت الي محل الخمر وإتشرت ما يكفيني من الخمر، أقود السيارة ولا أعلم الي اين انا ذاهب فقررت أن أخرج خارج المدينة، أقود بتهور وبسرعه مميته، لا أفق لأشارات ولا لمطبات، أسير والموت يبعد عني بدقائق، أسير على الطريق الصحراوي وعداد السيارة من سرعتي كاد أن ينكسر، دخلت في طريق الأ شجار على يميني ويساري، أسير على طريق ترابي ولا أعلم الي اين انا ذاهب ثم توقفت بي السيارة في مكان مظلم، تعطلت السيارة وأنا لوحدي، نزلت من السيارة أحاول معها لكن السيارة لا تستجيب لكل محاولات معيها...

أشعلت كل انوار السيارة لأرى أين أنا! .. أسير على نور السيارة بقدمي والمكان معتم تماماً وجدت لافتة حاولت ان أقرأ المكتوب عليها إلي أن أستطعت أن أقرأ، "مزارع

دواجن" أتصلت بأحمد

- أحمد إلحقني أنا تايه ..

- أنت فين يا ياسر!؟

- أنا فضلت ماشي بالعربية والعربية عطلت..

أعطيته العنوان و وصفت له الطريق الذي كنت أسير فيه..

- خليك مكانك متتحركش أنا هعدي على ياسين وجاينلك، أنا مش عارف جالك قلب

إزاي تمشي في المكان ده لوحذك.

- متتأخرش عليا ..

- ياعم خلاص خليك أنت بس مكانك واركب العربية وخليك جواها ..

قفلت معاه وركبت العربية وشغلت الراديو وفضلت قاعد أشرب وأسمع الراديو،

رجعت كرسي العربية لورا وريحت ضهري شويه ..

بعد مرور نصف ساعه من الملل فتحت باب السيارة أحاول معها للمره الألف، احاول مع الموتور و فجأة وجدت يداً على كتفي، من خوفي شعرت وكأن روحي أصبحت في أصابع قدمي،،

- مين!!

- متخافش أنت إيه اللي موقفك هنا!

- العربية عطلت ومستني صاحبي يجي ياخذني، أنت مين؟!؟

- أنا الحارس بتاع المزرعة، شوفت نور العربية وجيت أشوف في إيه!

- طب ما تخليك واقف معايا لحد ما صاحبي يجي أصل بصراحة مرعوب أوي وخايف أقعد أستنى لوحدني هنا!

- حاضر.

تحدثنا سوياً إلى أن يأتي احمد ويأخذني من هنا، في منتصف الحديث قال لي:

- أنت متجوز؟!؟

- لأ ومش هتجوز..

- ليه يا إبني؟

- اللي كنت بحبها راحت وربك هو اللي خدها..

- إحكي لي حكايتك لو حابب تحكي!

بدأت أحكي له قصتي بكل تفاصيلها وأحداثها الدقيقة وبعد إنتهائي من حديثي نظرت لوجهه لكن وجدت ردة فعله كانت غير كل توقعاتي، إبتسم لي إبتسامة هادئة جداً وكأنني لم أقل له شئ ثم وضع يده على كتفي ونظر لعيني، شعرت بالخوف من نظرتة الغريبه وفجأة شعرت بإرتياح غريب ثم قال لي:

- تحب أقولك ليه حصل معاك كل اللي أنت فيه!

- ياريت؟؟!

- هقولك بس ركز في كلامي كويس عشان مش هتسمعه غير مرة واحدة بس فاهمني !
إن الله خلقك بقلباً واحداً فقط..
قلب لا يتسع إلا لشخصاً واحداً
قلب يحبه هو ولا يتسع قلبك إلا له
الله غيور على حب عباده له
يجب أن تكون أعلى سمات الحب بداخلك لربك ثم الأشخاص
أن الله يحب خلقه ويغير على حب خلقه له
أن الله خلقك بقلباً واحداً وقلبك ملك لله
إذا حاولت أن تحب أي شئ مهما كان فستكون نهايتك فقدانه للأبد مثل ما حدث معك
أنت والتي كنت تحبها..
أن الله لا يكره أحداً ولكنه غيور يجب عبده جداً لدرجات لن يستوعبها عقلك..
إذا رأيت شخصاً يحب حبيبته ستفعل المستحيل من أجل غيرتك عليه..
أن الله عز وجل يريد أن يكون قلبك له وليس لأحداً غيره، قلبك له، أنت له، كل شئ
فيك له، فأنت منه وإليه تعود..
الحب الحقيقي كـ شجرة العائلة، أول أسم في الشجرة هو الله ثم تمتد فروع الشجرة
لأهلك ثم حبيبته ثم أصدقائك ثم ثم ثم..
تأكد أن قربك من الله يقرب منك كل شئ تريده لأنك وضعت في أعلى مكانه بداخلك
وبالتالي سيلبي لك كل إحتياجاتك وستشعر بأنه لا ينقصك شئ، حب الناس، رضى
الأم والأب، الراحة النفسية، كل هذه الأشياء ستجدها عند الله فقط، أبواب الناس
مغلقة إلا ابواب السماء فدائماً مفتوحة لعباده عند الدعاء، إقترب من ربك يقرب ربك
لك كل شئ تحبه..

أن الحقد والكره ليس من صفات الله، دائماً يراك وعينه عليك فكيف يكرهك وهو من
نفخ فيك الروح؟!

عند إحتياجك للبشر ستجد بأن معظمهم مشغولين، أقفلوا كل الابواب بوجهك إلا
باب واحد فقط هو باب ربك لا يقفل لعبد من عباده فإذا ناديته فيستجيب وإذا تحدثت
معه سراً ينصت لك وإذا مرضت يشفيك وإذا أحببته أحبك الناس جميعاً وإذا توسلت
إليه يقول لك عبدي رجوتني فأطلب ما تشاء¹ وهذا هو حب الله لك
هل يستطيع أحداً من البشر فعل نصف ما يفعله الله لك؟! ..

أنت أحببت بكل بصدق وأخلصت لإنسانة ولكنك نسيت يا عبد الله أن هذه الإنسانة
ملكاً لله وليست لك وأنها ملك للذي خلقها وكونها في احسن صورته وإذا أراد ان
يستردها فسيأخذها منك، هو من خلقها من تراب وهو الذي أرجعها إلي التراب..

قلت: بس أنا كل الي عملته إنى حبيتها بكل ما فيا من روح وإتعلقت بيها وزاد قلبي
بحبها وكانت حياتي مرتبة عليها من أول الصفر، أنا عملت إيه عشان يحصلي كل ده؟!
عند حُبك لها لم تدرك ولم تتخيل أن في لحظة ستذهب الي الله، نسيت الله ونسيت بأن جمال
وتكوين الانسانة التي امامك هي مجرد صورته مصغره جداً و جزء صغير من جمال الله
ونسيت حبك لله ..

ربك خلقك بقلب لتحب ولكن أعلى سمات الحب يجب ان تكون لله ولكن إذا أحببت
بشراً و وضعته مكان الله بداخلك ستندم ندماً شديداً وسيكون نتيجتها الفراق، تعددت
الأسباب والفراق واحد وأنت قلت لي بأنها كانت مريضه ..

- طب والحلم الي أنا حلمته لما كنت واقف في مكان عالي مفيش حاجة حواليا وشايف
جبال سودة كتير ومفيش غير جبل واحد أبيض متغطي بالثلج؟!
تفسيره إيه؟!

- كان مجرد إنذار ليك إنك تحلق نفسك قبل ما توصل لمرحلة مفهش رجوع، وزى ما
قولت ماكونتش شايف قدامك يعني كنت واقف في مكان ضلمه وفي لحظة ظهرلك نور
نورلك البقعة اللي كنت واقف فيها وشوفت بعينك جبل أبيض وجبال سودة وقدام كل
جبل جسر بس نهايته مش عندك ولو كنت نطيت كنت هتقع في دوامة الدنيا وعمتها
وهتغرق ومفيش حد هيلحقك لكن لو كنت أخترت طريق الجبل الأبيض ونطيت كنت
هتعرف إنك ماشي في الطريق الغلط الطريق اللي أخرته فيها تعبك وحزنك ودي رساله
ليك تخليك تفوق قبل ما تفضل مغيب طول حياتك..

بعد سماعي لحديث هذا الرجل الغامض معي جلست بركبتي على الارض وبكيت لأنني
السبب في كل شئ حدث لي ونسيت حب الله لي ونسيت بأن الحب الاول لله ثم البشر..

رفعت رأسي ونظرت الي الرجل وأنا جالس على ركبتي وقلت:

- بس أنا كنت قليل الذوق أوي معاه وقولتله كلام كثير أوي لو إتقال لأي حد ممكن
يكرهني وحاولت أعمل أي حاجة عشان أعصيه وأعمل أي حاجة تخليه يضايق مني
بسبب ميادة!

ضحك الرجل للمره الثانيه وكأنه يسخر مني ومن كلامي وأنا لا أفهم لماذا يضحك
فقلت له:

- أنت بتضحك على إيه؟

قال:

إذا ضايقت أمك وأزعجتها منك هل ستكرهك؟ سنظل تحبك لأنها أمك، لك أن تتخيل
الله الذي خلق أمك و وضع رحمة الأم بداخلها التي مهما فعلت بها وقسوت عليها
وعاملتها أسوء معامله سنظل تحبك، أن الله رحيم لدرجات لا تعلمها أنت ولن تستطيع
تخيل مدى رحمته فكيف يكرهك ربك الذي خلق أمك!؟..

نظرت الي الارض مرة أخرى وبكيت بصوت يكاد يملأ المكان بصداه بسبب كل شئ فعلته بي وبنفسي، بكيت على كل شئ، بكيت لأنني من فعل في نفسه هكذا وأنا الان أرفع ضريبة أفعالي، رفعت رأسي لم أجد الرجل؟! أختفي من أمامي، ناديت عليه بصوتاً عالي وأنا لا أعلم من هو ومن أين، أختفي ولم أجد.

وقفت على قدمي أنظر حولي "أين ذهب هذا الرجل؟" إلتفت ورائي وجدت نوراً قوي في عيني، وجدت سيارة ياسين وأحمد ..

نزل احمد من السيارة وأمسك بالمفتاح وشغل السيارة فدارت معه؟!؟

- إزاي ده؟ لأ لا يا أحمد كانت مش شغاله وحاولت معاها أكثر من مرة!

- يمكن بس العريية كانت سخنة وكان لازم تسيبها تبرد شويه عشان تشتغل تاني..

أتى بزجاجه ماء و وضعها في "الريداير" السيارة ثم قال:

- أركب يا ياسين أنت معاه وأنا همشي وراكم..

خرجنا من هذا المكان المظلم وكان فجر اليوم التالي، أفكر في كل شئ حدث معي والرجل الذي ظهر لي وأختفي فجأة، من هذا جن؟ انس؟ لا أعلم، أوقفت السيارة بجانب الطريق وقلت لياسين:

- تعالي سوق أنت، مش قادر جسمي كله بيرتعش..

- حاضر، صحيح بقولك أنا جبلك إزازتك عشان دماغك تظبط!

أمسكت بها ونظرت لها ثم ألقيت بها خارج السيارة، اندهش ياسين من رد فعلي وأكمل قيادة السيارة وهو صامت، شعرت وكأنه خائف مني..

نظرت الي السماء والنجوم تزينها وأشعر بالحنج من الله لأنني أحببت شخصاً أكثر منه، أحببت إنسانة هو السبب في وجودها وله الحق بأن يستردها في أي وقت إذا أراد، رجعت منزلي ثم صليت وأنا أصلي شعرت بشئ يجري في عروقي

وفي لحظة شعرت وكأن أحداً يمين علي وكأنه يقول لي لا تحزن لا تبكي، أنا أشعر بك وأحبك ..

رفعت يدي الي الله وقلت له:

- بعد كل الي عملته معاك وبعد كل الي قولته بلساني، بتطمني إنك جنبى !
بتحسنى إنى كنت قاسي عليك بأفعالي؟

أنا أسف إن أنا حبيت واحدة أكثر من الي خالقها..

أنا مش عارف أقولك إيه لو فضلت أعتذرلك طول عمري مش كفاية على الي عملته معاك، رحمتك أوسع من أي شىء، ساعحنى كان لازم أنا الي أقولك بحبك..
كان لازم يمتلى قلبي بحبي ليك أنت مش لحد تاني غيرك..
دلوقتي بس عرفت قد إيه أنت بتحبني ودلوقتي بس عرفت إن قلبي متخلقش غير ليك ونسيت إن " الله غيور على حب عباده له " ..

تعرف لو كنت اعرف إنك بتغير على عبدك كده !

كنت عمري ما ههدي قلبي لحد غيرك، معاك بحس بالراحة النفسية والأمان بحس إن في حد بيحبني بجد، مش عاوزك تزعل مني علي أى كلمة وحشة قولتها ليك.
أنا أسف.. أسف عشان عليت صوتي عليك وزعقت، أسف ساعحنى..

خرجت من بيتي الساعة الرابعة عصرأ، أنظر الي السحاب وأنظر الي الله ومبتسم فهو يراني وأنا لا أراه، أعلم بأنه يراني الآن وينظر لي، أشعر بشىء غريب دائماً يطمئني ويدخل السكينة لقلبي..

أبتسم له وأشعر بالراحة النفسيه وأقول له سيأتي يوم وأقف بين يديك وأتكلم معك وأقول لك أنني أحببتك كثيراً وأستعطفك لأنني قد أهلكت نفسي وأنا أعمى العينين لم أدرك أنك أنت هو الحب الحقيقي، لقد اخطئت في حقك ، كنت غيباً حين أحببت شخصاً أكثر منك، كل البشر على الارض في زيارة وإليك سيرجعون، كنت أتمنى أن

أقابل هذا الرجل قبل ما يحدث لي كل هذا، كنت أتمني، أعلم كل العلم بأنني لو أحبيتك من كل قلبي فلن أحبك بمقدار حبك لي ومثل ما أنت غيور على عبدك فبعدهك أيضاً غيور..

بعد فترة طويله..

خرجت مع أبي الي العمل ورجعت لحياتي ولكن بطرق مختلفه و تفكير مختلف تماماً عن حياتي السابقة، أحبيت انसानه ولم أتخيل بأنه في لحظة سترحل اياً كانت طرق الرحيل وأسبابها، تذكرت كلام أبي عند قوله لي "الحياة عمرها ما بتوقف على حد والي ماتوا هنفضل فاكرينهم" ..

ذهبت الي المقابر ودعوت لها بالرحمه ولازال يوجد بداخلي حزن على فراقها ثم قلت لها لن أنساكي فأنا أحبيتك ولكنني نسيت ربي فأهلكت أنا وقلبي، جعلت منك ذكري جميله في حياتي وأيام أجهل عشتها معكي أنتي، دخلت تجربته علمتني الكثير، دخلت في طرق المعاصي وعصيت الله لأنني لم أكن أفهم الحكمة من ذلك الدرس، سأظل أتذكرك وأتذكر حبي لكي ولن أنساكي وكما قلت لي أجعلني ذكري جميله في حياتك، أراكي في عالم النهايات لعل الله يجمعني بيكي قريباً..

جالس في المنزل أشاهد التلفاز سمعت صوت أحمد ينادي من أمام العماره، نظرت له من شرفة البيت وقلت:

- إيه يا إبني؟

- ألبس وانزل بس عندي مفاجأة ليك .

- ما تقول ؟

- انزل يا زفت يلا..

أرتديت ملابسي ونزلت ركبت معه السياره ووجدت ياسين وقلت:

- في إيه ؟

- هتعرف بس نعدي على ياسين في طريقنا الأول، في إجازة تحتك لو عاوز!
- لأ خلاص بطلت أنا ..

- طب وعلياء بطلتها هي كمان؟ دي بتسأل عليك على فكرة!

- لو سألتك عليا تاني قولها إنه كويس وشكراً على الوقت اللي قضيته معاها..

شاهدت الطريق أمامي وأحمد يقود وهو يذهب الي المطعم ولكن المطعم مغلق من بعد وفاتها!؟ وقف احمد بالسياره بعيداً عن المطعم ونزلنا وسيرنا الي المطعم على قدمينا وأنا مستسلم لهم ولا أعلم شئ، تفاجئت عند رؤيتي لأنوار المطعم والمطعم مفتوح.

وقفت أمام باب المطعم وجدت صورتنا التي ألتقطت لنا سوياً كبيروا حجمها وعلقوها على الحائط، أنظر حوالي أجد كل العمال موجودين! لم يتغيروا! صدمت، نظرت الي سلم

المكتب وشعرت بأن مياده ستنزل من السلم الآن وتبتسم لي وكأنه مجرد حلم!!

وجدت أحداً وضع يده على كتفي، كل أعضاء جسدي توقفت من الخوف وشعرت
بأنني إذا ألفت ورائي سأراها!

- إيه يا جون إيه الي حصل أنا مش فاهم حاجة!

- أنا لقيت حد بيسأل عليا، عرف عنواني وجالي لقيته واحد اسمه سعيد الطلوشي قالي
أن لازم تيجي بكرا في مكنتي الساعة 8 الصبح عشان في حاجة تخصك من ميادة،
حاولت أفهم منه بس مرضيش يقول ولما روحت تاني لقيت كل العمال الي في المطعم
هناك مستنين ويسألهم فيه إيه؟ كلهم طلغوا بيسألو نفس السؤال ولما وصل المحامي،
وقعد قال إن ميادة كاتبة نص المطعم بنسبة 50% لكل عمال المطعم والنص التاني
لجمعية خيرية،

يعني أنا وكل الي معايا لينا نص المطعم وقتها لما سمعنا الخبر ده عيطنا على تصرفها
وطلعنا من المكتب على قبرها وقعدنا ندعيها كلنا، كانت خايفة بعد ما تموت نتشرد من
تاني عشان اللي متجوز وعنده عيال ومن بعدها بقينا أصحاب مكان وعرفنا إن باقي

الممتلكات راحت نصها لأهلها والنص الثاني لنفس الجمعية الخيرية، جمعيات بتكفل اليتيم، تصور يا ياسر ميادة دي إنسانة مش هتتكرر تاني أبداً، أنت كان ليك حق تحبها..
جلست على الكرسي وأمتلئت عيني بالدموع، أقترت أحمد وقال:
- ماينفعلش كده أدعيها احسن ما تعيط .
- الله يرحمها ..

جلست في صالة المطعم ثم أخذني جون وصعدنا الي المكتب وعندما فتح باب وجدت رائحتها في كل مكان حتي الاوراق التي على مكتبها، طلبت من إدارة المطعم وجون أن لا يتغير شئ وديكور المطعم يظل كما هو وصور عائلتها تظل على الحائط وكل شئ يبقي كما هو..

دخل الشيف خليل المكتب علينا وقال:

يا إبني ميادة دي قبل ما تحبها أو تعرفها كانت بتتي عمرها ما عاملت واحد فينا وحش بالعكس كانت دايباً متسامحة معانا ودايباً واقفة معانا لو حد من الزباين قال كلمة تضايقنا وعمرها جات على حد إلا لو ليها أو لينا حق وعندها نظرية غريبة إن ليه أهزق عامل عشان زبون أو أمشييه والعامل ده هو اللي شايل المطعم، الزبنون مُمكن يمشي ويحي غيره لكن العامل لو مشي صعب ألاقي زيه ..

الشريط الرابع عشر

تراب الماضي وحنين الذكريات

2016

مسح طارق دموعه ونظري وهو حزين ثم قال:

- أنا مش فاهم يا جيهان هو في حد كده فعلاً!

- كان في وراح ..

- إستحاله يكون في حد كده دلوقتي، صعب وأنا اللي كنت فاكر إن أنا بحبها وفاكر إن

هى بتموت فيا! طلعتنا مجرد أشخاص عاديين جداً بنقول مجرد كلمة ومش حاسين بيها

لمجرد لحظة حلوة بتجمعنا، ده أنا بعد اللي قولتية ليا إكتشفت إن أنا مراهق لسه بس

تفتكري إن ممكن شخص يجب واحدة أكثر من اللي خلقها!

- ياسر لما حبها، ماكنش شايف غيرها، كان مديها حقها أوي وزيادة ونسي نفسه ودخل

في دوامة الفراق بطريقة غريبة ودرامية جداً.

- طب مين اللي طلعله لما تاه والعربية عطلت بيه؟
- معرفش مين الشخص اللي ظهرله بس بنسمع إن المنطقة دي مسكونة جن وعفاريت بس الغريب إن اللي ظهرله لا خوفه ولا عمله حاجة بالعكس ده وضح الصورة وفهمه حاجات هو ماكنش واخذ باله منها..
- أنتي كنتي تعرفي غدير!
- أه، بس ماكتش أعرف الحكاية بتاعتهم غير لما شافوا بعض في الكلية.
- كانت حلوة؟
- تعرف غدير دي كانت أحلى مُعيدة في الكلية وكل اللي كان يشوفها كان بيفتكرها طالبة وكانت أجمل من ميادة بس ياسر لما حب مياده شافها من جواها، شاف روحها مابصش لشكلها ومن حبه فيها شافها أجمل واحدة في الدنيا..
- أنا نفسي في واحدة تحبني كده!
- في بنات كتير نفسها نفس أميتك بس لسه الوقت مجاش عشان تعرفوا بعض واللي حصل لياسر عمله كتير أوي، يلا ننام عشان مش قادرة أقعد أكثر من كده وبكرا هكملك..
- إستيقظت من النوم على هاتف الساعة السابعة صباحاً، أمسكت بالهاتف وقلت:
- مين؟
- هو حضرتك مش مسجلة رقمي؟
- نظرت للهاتف لأقرأ الاسم "يوسف المخرج" ..
- أحم، لأ بس لسه صاحيه من النوم ومابصتش على الرقم ..
- طب عموماً أنا كنت محتاج الشرايط .
- في حاجة جديدة ولا إيه؟
- لأ، محتاج بس أسمع الممثلين الشرايط يمكن يقدرُوا يعيشوا الحالة أكثر!

- طيب أنا هعدي عليك بعد بكرا وهما معايا عشان ورايا شغل ومش فاضية اليومين
دول يعني ..

- خلاص إتفقنا، هستناكي بعد بكرا في مكتب المنتج..

إتجهت الي حامي ثم خرجت لأيقظ طارق وجدته مستيقظ فقال لي:

- أنا معرفتش أنا إمبارح من كتر التفكير لدرجة إني أتصلت بيها وقولتها أنتي بتحبيني
قد إيه؟ قالتلي قد روحي، قولتها مش كفاية وأتكلمنا شويه وقفلت معاها وعمال أنا
وأصحى بسبب اللي سمعته منك.

- بص يا طارق حبها بس بصدق بلاش المشاعر الكدابة، مشاعر اللحظة الحلوة عشان
دي مشاعر مؤقتة بتختفي أول ما اليوم ينتهي ويحي غيره ..

- طب أنتي إزاي وافقتي على ياسر؟

إبتسمت وقلتله: أنا موافقتش على ياسر، أنا اللي إتقدمت لياسر..

- إيه؟ إزاي!

- لما ياسر رجع وعاش حياته فكرت بيني وبين نفسي، كل ما بطلبه بلاقيه ودايماً واقف
جنبي، طلعتة من بره دائرة إبن خالتي وفضلت أفكر فيه وفضلت أحب فيه أكثر من 5
شهور وهو مايعرفش وفاكر إن كل الكلام الحلو اللي بقولوا ليه عشان بنت خالته مش
أكثر، لحد ما في يوم قولتله، ياسر أنا قررت أتجوز..

- تتجوزي؟ إزاي مين ده!

- أنت..

- بطلي هزار..

- أنا حبيتك يا ياسر بجد، ومش هلاقي حد زيك يجبني ومش بطلب منك تجبني زي
ميادة خالص، أنا عارفه إنك تُمكن تكون بتحبتها بس أنا حبيتك ومتسألنيش إزاي، أنا
عارفه إن أنا جريئة وأنت مستغرب من كلامي بس فعلاً أنا مش هلاقي زيك!

- يا جيهان الموضوع مش كده بس أنتي هتتعي معايا لإنك هتحمسي إن أنا مش بحبك
عشان مقتنعه إن مفيش حد بعد ميادة !

- طب اعملك إيه، مش مهم تحبني بس أنا مش عاوزه اخسرك ..

- عارفه، أنا مخرج منك أوي ومش عارف أقولك إيه !

بعد فتره حاولت بكل ما أستطيع أن أقرب منه أكثر وهو كان يلاحظ من طريقي
وأسلوب في اللحظة الذي ترك نفسه لي إختطفته بين ضلوعي حتى لا يراه أحداً غيري
لانه لن يتكرر مثله أبداً..

- طب وأحمد فراج فين؟

- ياسر قالي إنه أتجوز واحدة مغربية وعایش حياته وكمان ياسين أشتري شقة في
إسكندرية وأتجوز ..

- طب وياسر قدر إنه يتأقلم على الموضوع !

- روح أسأله ..

- اروح أسأله إزاي يعني ؟

- في يوم وإحنا راجعين قالي خديني في حضنك وأخذته في حضني جسمه كان بردان
أوي ومتلج حاولت أضمه أكثر لجسمي وألعبله في شعره ونمنا إحنا الإثنين لما صحيت
من النوم بقوله قوم؟! مردش عليا، مات في حضني ..

كنت جالسه على الكرسي أمام غرفته التي نائم فيه وهو جسد بلا روح وأمه وأبيه يبكون
عليه قبل مراسم الدفن في لحظه أختلت عقارب الساعة و توقف الزمن وأنا مستيقظه
وجدت ميادة تدخل من باب البيت مع رجلاً تخيل لي أني قد رأيتة ولكن لم أعرف أين؟
ثم دخلت الي غرفة ياسر، وجدتها تيقظ ياسر وتمسكه من يده وخرجوا من باب الغرفة
متجهين الي باب البيت ثم توقفوا ونظر لي ياسر وهو مبتسم ثم أختفى..

ظل معي من 2007 لـ 2012

5 سنوات رأيت في كل يوم منهم السعادة وانا مع ياسر ولم أشعر بالوحده ليوماً واحد وهو بجانبي بعد وفاة أمي بدأ يعاملني كـ أبنه له وزوجه له وكأني كل شئ في حياته وبعد إدراكي بأنني لن أنجب أطفالاً لم يجعلني أشعر بأنه حزين بسبب عدم إنجابي للأطفال، كان من أكثر الناس الذين يتعاملون ببساطه وكأن ما حدث له علمه الكثير في حياته وأنا أدركت ايضاً ان الحياه "قسمة ونصيب" كنا دائماً منذ الصغر نلعب سوياً ونضحك ونتشاجر وأتعامل معه كأخ لي ودائماً كنت أقول بأنني لن أتزوج ياسر كيف لي أن أتزوج أخي؟ ولكن كما قلت الحياة "قسمة ونصيب" ونحن لا نعلم ماذا سيحدث غداً..

- طب وأنتي عرفتي مين كل التفاصيل دي ؟

- ياسر كان كل فترة يدخل الأوضه ويقفل على نفسه الباب، لما مات لقيته حاطت مجموعة شرايط بالظبط 13 شريط في علبة وفوقهم ظرف فيه رسالتين، كل شريط كان يبسجله بيكتب عليه اسم اللحظة ومكانها والرسالتين أنت قريت منهم واحدة والثانية دي كانت الرسالة اللي جون أدهاله لما كان قاعد جنبه على قبر ميادة..

- أنا محتاج أسمع الشرايط دي ؟

- هتسمعها بس المخرج عاوزاها هيأخذها وبعدها خدها أنت..

أول عرض للفيلم في السينما..

يجلس طارق بجانبي في أول الصف، أنظر لطارق وأرى في عينيه الأعجاب ولكنه لم يعجبني أنا لأن كل أبطال الفيلم مهما حاولوا فلن يستطيعوا أن يظهروا المشاعر الحقيقيه لأنهم أبطال الفيلم أما الآخرين فهم الأبطال الحقيقيون..

بعد إنتهاء عرض الفيلم وقف المخرج وطلب أن يقول كلمة لكل الموجودين في السينما أمسك بالميكرفون ثم قال:

- أنا سعيداً جداً بنجاح الفيلم وأرى في أعينكم جميعاً أن قصة الفيلم قد أثارت أعجابكم وأن هذا الفيلم من أول الأفلام التي تناقش قضية لم تناقش من قبل وتناقش أيضاً قضايا كثيرة ولكن ليس هذا ما أريد قوله، الفيلم ليس من وحي الخيال وهو قصة حقيقية حدثت بالفعل ولا تزال زوجة البطل على قيد الحياة وموجوده بيننا هنا وقبل ان أختم حديثي معكم أريد ان أقول شئ واحد فقط:

القصة نعم كتبت وتحولت لفيلم وحاولنا أن ندخلكم بداخلها ونجعلكم تشعرون بكل لحظه وبكل التفاصيل الصغيره ولكن للأسف فشلنا بالرغم من نجاحها وأكتساحها لكل الأفلام لأنها ليست مجرد قصة لفيلم بل هي حياه ومما حاول الممثلون أن يدخلو بداخلها فلن يستطيعوا أن يعيشواها مثل ابطالها الحقيقيين، نعم نجحنا ولكننا فشلنا.. بعد إنتهاء المخرج من كلمته وقف كل الحاضرون وسقفوا له وأنا وقفت أيضاً أسقف له على آخر كلمه قالها لأن فعلاً الفيلم ليس مجرد قصة لفيلم، رجعت البيت أنا وطارق ثم طلب مني أن يستمع إلي الشرائط.

طارق: أنا لازم أسمعها النهاردة لإن إحساسك مكانش طبيعي بعد الفيلم مع أن الفيلم أثر فيا وفي الكل الا إنتي، بعد إذنك يعني عاوز أسهر عليهم ممكن ؟ دخلت غرفتي ومعى العلبه التي توجد بها الشرائط ثم أمسك بها طارق وبدأ يستمع لأول فصل في حياة ياسر...

- ماما ماشوفتيش فين ميدالية المفاتيح بتاعتي ؟

- لا والله يا إبني، بُص شوفها كده في الهدوم اللي أخذتها من الأوضة عشان أغسلها هتلاقيها في الحمام !

في اليوم التالي أتى لي غرفتي وهو في دهشة من أمره وقال:

هو الشرايط خلصت على كده؟! وبعدين الرساله الي قريتها مش لاقى تكملتها في الشرايط؟!

- أه معلش نسيت لسه في شريط و الشريط ده المخرج ماخدوش يسمعه، مش عارفه ليه ماكتتش عايزاه ياخده..

- طيب أنا عاوز الشريط ده .. !

أعطيته الشريط الاخير، أمسك به وظل ينظر له ثم قال:

" استمع الي نصيحتي جيداً لعلك لا تجد من يقوها لك في زمنك وأريد منك أن تدعي لي عند ربي بعد موتي بالرحمه.

حبك الأول لربك ثم أهلك ثم حبيبك وحافظ على حبك لربك يحافظ الله لك على كل شئ تحبه ويفتح له كل الأبواب المغلقه ويسهل لك حياتك حتى تصل لهدفك مع من تحب وراعي الله ولا تحب أحداً أكثر من ربك لأنك ملك له فإقتربك من ربك يقربك من من تحب ..

لقد خضت تجربه علمتني الكثير، احببت أنسانه وجعلتها إله وكانت نتجية فعلي الفراق لأنني نسيت أن لا يوجد غير الله وكل البشر من خلق الله، تعلمت الكثير وتعلمت أن الله لا يترك عبداً لجمي اليه، فأن الخير من عند الله والشر أنت من تفعله بنفسك والله غفوراً، سير في حياتك على قدميك ولا تسير بقلبك وأجعل عقلك مستيقظ لأنه إذا غفل في لحظه تتوه في دوامة الدنيا ولن تجد من ينقذك من البشر ولكن لا تنسى بأن أبواب الله مفتوحه لك في أي وقت ويجب ان تؤمن

بالقدر والنصيب فإيمانك بهم يريحك نفسياً ويجعلك تفهم اشياء لم تفهمه من قبل. "

لقد نسيت أن أقول شيئاً...

بعد شهوراً قليله افتتحوا فرعاً جديداً للمطعم وطلب جون من الذين كانوا في الصوره بالحضور لأخذ صوره جديده في رأس السنه الجديده مثل ما فعلنا قديماً..

دخلنا الفرع الجديد و وقفنا مثل وقفنا في الصورة القديمة وتركنا مكان مياده فارغاً اما جون جلس في المتصف و التقطت الصوره وانا أمسك بصورتنا القديمة..

مرت الأيام سريعاً وكبر المطعم أكثر وأفتتح أكثر من فرع بداخل مصر و خارجها في كل أنحاء العالم أصبح اسم المطعم ماركة مسجلة ومعروفة وأكملوا عمال المطعم الأساسين ما أكلمه ابو مياده و مياده ولم يذهب تعبهم سدى وعرفت من أحمد أن غدير تزوجت وأعتزلت التدريس و جيهان إتجهت للعمل في الأعلام بالرغم من أنها خريجة هندسه ولكنها أحببت هذا المجال..

أما أحمد ظل كما هو، سافر إنجلترا وأكمل حياته هناك مثل ما كان يفعل ويكلمني من حين لآخر ومازال يحدثني عن مغامراته مع الفتيات الا أن وقع في حب امرأة مغريبه وأحبها ثم تزوج منها وياسين تزوج الفتاه التي أحبها أما عني أنا فقد رأيت عليها تقف على الطريق لزبائنها وعندما رأيتني إبتسمت ثم لوحت لي بيديها فإبتسمت لها وأكملت طريقي، كل شخصيه منهم عاشت حياتها بطريقتها و أستمرت الحياه ولم تتوقف على أحد..

أما أنا حدث معي ما لم أتوقعه ابداً..

- ياسر!! أنت بتعمل إيه! أنت قافل الباب عليك ليه!؟

- لأ ولا حاجة أنا جاي اهو..

دخل طارق غرفتي وقال لي:

- جيهان إنتي كنت بتنادي عليه في آخر الشريط !

- أيوة أنا ..

- اصل استغربت يعني

- هو وقتها كان بيسجل و وقف التسجيل ولما قولتله بتعمل ايه !

كان يقول مفيش أصلي كنت تراجع الحسابات عشان جايلنا بضاعة جديدة وناوي أكبر المعرض بتاعنا وأفتح فرع جديد فكنت قافل على نفسي، يلا يا طارق شغل الشريط وهسمع معاك ..

طارق شغل الشريط وكمل وأنا بسمع معاه ..

أنا، انسان فاشل، إنتهي مستقبله وإنتهى معه كل شىء، كل الذي تمنيته لم يحدث منه شىء ودائماً أعيش لوحدي منعزل عن العالم، لوحدي في كل شىء، من كثرة الاشياء التي أراها في حياتي أصبحت أتأثر بأقل كلمة وبسببها أشعر بأنني أريد ان أبكي ولكن أحاول ان أخفي دموعي حتى لا تظهر أمام أحداً ويظهر معها ضعفي وقلة حيلتي او حتى لا يقل لي احداً "ماذا بك" وأرد عليه الرد الطبيعي "لا شىء" توجد أشياء كثيرة دفنت بداخلي، أشياء كانت تتنفس إلي أن غطاها التراب، ضلوعي تكسنها العناكب بخيوطها ورائحه السجائر والخمر بغمي، أنا لم أكن أود أن أكون هذا الشخص، أريد الرجوع الي نفسي ورشدي، أريد أن أنام وأنا مرتاح البال وأعيش حياتي كما كنت، أريد أن أرجع الي نفسي، أحببت انسانه لم أكن اتوقع في يوم بأن حبي سيفوق كل الحدود، حب لها أضاع حياتي، كنت متأكد بأنني أمسكها بيدي جيداً ولكنها إختفت كقطعت الثلج وهي تذوب في يدي الا أن تحولت لماء وسقط الماء من بين يدي وأنا أقف مستسلم، أنا إنسان كان يتمنى أن يتنفس، لا أعلم لمن أكتب هذا الكلام؟ نسيت نفسي وانا أجري وراء قلبي، نسيت الكثير، كان يجب على أن أخذ حذري من كل شىء، نسيت كل من حولي وحاولت جاهداً أن أرضي قلبي فقط أما عن عقلي فهو في أجازة مفتوحة، أنا أخطأت كثيراً في حياتي لكن لن تتعلم إلا اذا أخطأت ثم تعلمت وأستطعت ان أفسر حالتي وما حدث لي ثم تزوجت من إنسانة

أعطتني كل شيء بدون مقابل، هي هدية من الله لي وحاولت أنا أبادلها شعورها وأحقق لها كل ما تتمناه، كنت أشعر في بعض الأوقات أنها لازال الشك بداخلها، يتلاعب بها بأنني ما زلت أحب ميادة، أنا أحب ميادة نعم هي أول حب لي في حياتي لكن تحول الحب لذكرى جميلة أتذكرها ثم أبتسم للذكريات لكن لن تتوقف الحياه بعد وفاتها، لا أنكر بأن لا يزال بدخلي شيء لها والآن أنا أحب جيهان حب الزوج للزوجة وحب الأب للأبنته في الآن أصبحت كل شيء في حياتي واستطاعت أن تحولني لزوج صالح يخاف عليها وأدركت أن الحياه قدر ونصيب لا نعلم ماذا سيحدث غداً، التجربه التي مررت بها في حياتي كان يجب ان أمر بها أولاً حتى أتعلم من أخطاء تجربتي وأستطيع الحفاظ على نصيبي المدون لي في صفحات السماء والآن أنت تقرأ و تستمع لي فعليك أنت أن تختار حياتك فأنت من ستعيشها..

إنتهي الشريط ونظر لي وهو مبتسم ثم قال لي:

- عارفه حكاية غريبه بس الحلو فيها إن ليها ألف معنى وفيها حكم ومواعظ كثير أوي لو ركزنا فيها ومشينا عليها هنتجح في حياتنا مش في علاقتنا بس ده في كل حاجة.. فعلاً إحنا مغييين أوي عن حاجات لازم ناخذ بالنا منها، بس هو كان كاتب الكلام ده في رسالة ايه اللي خلاله يسجله تاني؟

- هو سجله عشان يدون بصوته عشان لو حصل حاجه للورق تفضل رسالته موجوده..
- ربنا يرحمة، فعلاً لو كلنا مشينا على الحاجات البسيطة دي حياتنا هتتغير..

تركت طارق وهو مستلق على سريره ينظر الي سقف الغرفة، يفكر في كل شيء سمعه داخل الشرائط ثم أخذت الشرائط ودخلت عرفتي أضعهم في مكانهم، بالصدفه وقعت عيني على صورتنا أنا وياسر، صورة زواجنا، اقتربت منها ونظرت لها وأنا أبتسم، فتحت باب الغرفه متجهه الي شرفة المنزل، وضعت يدي على سور الشرفه ونظرت الي السماء وقلت بإبتسامه :

"ولنا في الوداع لقاء".

Accounts:

Facebook

facebook.com/illusiongods

Twitter

twitter.com/illusiongods

Soundcloud

soundcloud.com/illusiongods

